



U'J TX'OLOL XO'L CHUSU'N TIB'AJ QAYOL



GRAMÁTICA PEDAGÓGICA AWAKATEKA

K'ULB'IL YOL TWITZ PAXIL
Academia de Lenguas Mayas de Guatemala
Dirección de Planificación Lingüística y Cultural - DIPLINC-
Programa de Estudios Lingüísticos -PEL-

AUTORIDADES
ALMG

PEM. Agosto Tul Rax
Wi'tz B'ajxom
Presidente

Prof. Juan Francisco Manuel
Ky'iltqanil e'ch Jilwutz Aq'un
Jefe Administrativo

PC. Gaspar Mendoza Raymundo
Ky'iltqanil Poq
Director Financiero

Licda. Feliza Sanic Vicente
B'ajxom Tximoltetz e'ch Yol
Directora DIPLINC



Academia de Lenguas Mayas de Guatemala -ALMG-
3a. calle 00-11 zona 10, Guatemala
Telefax: 334-1363, 3341850, 3344552
Página web: www.almg.org.gt
Correo electrónico: almg@almg.org
Guatemala 2011
Reimpresión

KMON XTXIMB'IL TE'J QAYOL
Comunidad Lingüística Awakateka

WI'B'ANLWI
JUNTA DIRECTIVA

Ka'p B'ajxom: Prof. Alberto Rodríguez Hernández
Ajtz'ib': Lic. Victoriano Rubén Raymundo Raymundo
Kolol Poq: Prof. William Arnulfo López López
B'ajx Chaqum: Sra. Luz Escalante Ortiz
Ka'p Chaqum: PEM. Calixto López Rodríguez
Toxi'n Chaqum: Sr. Gaspar Vicente Mendoza

AQ'UNWIL XMAYLTETZ AQ'UN
PERSONAL ADMINISTRATIVO

Lic. Simón Rodríguez Hernández
Ky'iltqanil Aq'un
PAP. Hugo Leonardo Méndez López
Joyol Tqanil Aq'un
PSE. María Andrea Mendoza Simón
Iky'sol Xtxolb'il le Qayol
PC. Héctor Antonio López López
Ajtzib' ejnin Ky'iltqanil Poq

WEQOLTETZ U'J
AUTOR

PEM. Emiliando Rodríguez Castro



Comunidad Lingüística Awakateka

2ª Avenida "A" y 4ª calle zona 3
Aguacatán, Huehuetenango
Telefax: 7766-0222.
Correo electrónico: awakateka@almg.org

JOYB'ILTETZ XAQ U'J

B'AJX XTXOLB'IL Techl tz'ib'a'n	9
KA'P XTXOLB'IL B'i' e'ch taqle'n	17
TOXI'N XTXOLB'IL Xel b'i'aj	29
KYAJI'N XTXOLB'IL Chajol yol	31
TO'T'N XTXOLB'IL Tajlal	36
WUQAQI'N XTXOLB'IL Chajb'il taqle'n	46
JUQI'N XTXOLB'IL Chajb'il tqanil	49
WAJXAQI'N XTXOLB'IL Yukb'il txumu'n	52
B'ELUJI'N XTXOLB'IL Chajb'iltetz yol	65



LAJUJI'N XTXOLB'IL Yub'sb'il te'j yol	70
JUNLAJI'N XTXOLB'IL Qab' xe' e'ch yol	76
KOB'LAJI'N XTXOLB'IL Puntil xtxolb'il yol	101
OXLAJI'N XTXOLB'IL Qulil yol	109
KYAJLAJI'N XTXOLB'IL B'i' yol ye nataltzaj na'skyetz ama'lil ate'kyent e'ch taqle'n	116
O'LAJI'N XTXOLB'IL Nuch'b'iltetz yol	129
WAQLAJI'N XTXOLB'IL Stz'aqsb'il tetz yol	134
JUQLAJI'N XTXOLB'IL Ka'wlil tan stz'ib'e'n qayol	138
TX'OLB'IL XO'L E'CH YOL	147
E'CH U'J NXXON TAN B'ANLE'N	153



B'AJX XTXOLB'IL

TECHL TZ'IB'A'N

EL ALFABETO

Ye e'ch **techl tz'ib'an** (alfabeto) ya'stzun kyeqil e'ch jilwutz techl ye nachixkon tan stz'ib'e'n qayol ye junalchlenku'n qulil jujun ye naxkonsij le e'ch yol. Ye e'ch techla'tz nachixkon tan stz'ibe'n e'ch txumu'n laqaq e'ch jilwutz yol, ye b'iku'n nachiyol wunaq. Atlenkunin puntil e'ch qulil e'ch jilwutz techla'tz, cha'stzuntetz at nab'antku'n ye ala'lenku'n jilwutz qulil jun techl tz'ib'a'n nab'an. Cho'n naxom te'j b'i jilwutz yolil naxkonsan.

Le qetz qayol atkunin xtxolb'il ejnin jatxb'iltetz xo'l e'ch jilwutz techl tz'ib'a'n ye naqaxkonsaj tan stz'ib'e'n e'ch jilwutz puntil yola'tz, at junaq juqlaj jilwutz tx'aqaj qulil, at lajuj tqan ye nachib'i'aj **Talma'tz'ib'** (Vocales) ejnin junaq juqlaj tqan ye nachib'i'aj **Quliltz'ib'** (Consonantes).

Ye e'ch techl tz'ib'a'n ye qokopon tan chusu'n tib'aj ya'stzun b'ixb'ant tan K'ulb'il Yol Twitz Paxil ALMG chinataltzaj le ka'wl 1046-87 ye b'ixb'a'ntkyen le junaq ox tajlal xaw junlaji'n xaw le yob' 1987 ejnin i'tz e'a'j:

a, aa, b', ch, ch', e, ee, i, ii, j, k, k', ky, ky', l, m, n, o, oo, p, q, q', r, s, t, t', tx, tx', tz, tz', u, uu, w, x, xh, y, (') maqb'il yol.

Tan tele'n qatxum tetz, atkunin jatxb'ilil chixo'l e'ch techl tz'ib'a'n le qayol ejnin nachib'i'aj: **talma'tz'ib'** (vocales) ejnin **quliltz'ib'** (consonantes); at jatxb'il chixo'l ye e' b'ajx q'u'j: at ye **juj tqanil qulil** (cortas) ejnin at ye **nim tqanil qulil** (prolongadas), ma ye ka'p tx'aqaj: at ye **kyilnaqlentu' te'j talche'n** (simples) ejnin at ye **at maqb'il yol te'j** (glotalizadas).

Ye e' **talma'tz'ib'** o' chixone'n ejnin **juj tqanil chiqulil**, na junintzi' tquj naqab'an tan talche'n chib'i'. Sqile' kob'ox elsawutzil tan tele'n qatxum tetz.

• **Talma'tz'ib' juy tqanil qulil** *Vocales simples*

Elsawutzil:

a	ajaw	tacua z ín	o	txil	grillo	
	aj	caña		tz'íl	sucio	
	tzaj	ocote		oj	aguacate	
	jal	mazorca			ojon	tos
	Qajkaw	Nuestro Señor			xonl	pariente
e	eky'	pie de gallo (flor)	u	qol	chompipe	
	ewt	ayer		kmon	comunidad	
	chem	banco tejido		us	mosca	
	Pel	Isabel			umul	conejo
	Xeb'	peine			chusu'ł	estudiante, practicante
i	ich	chile	txumu'n		pensamiento,	
	nim	grande		pensar, idea		
	witz	cerro		chusu'n	estudiar	

: / • **Quliltz'ib'** *consonantes*

At kob' tx'aqaj kyitane'n ye e' **quliltz'ib'**: at e' ye kyilnaqlentu' si'le'n ejnin at jun tx'aqajt ye at maqb'il yol te'j.

: / • **Quliltz'ib' ye kyilnaqlentu' te'j si'le'n** *consonantes simples*

At b'elulaj chixone'n ye e' quliltz'ib' ye kyilnaqlentu' te'j si'le'n tuml ye maqb'il yol, at ala' techl tz'ib'a'n le qayol ye kob'ku'n chixone'n kyoq'b'e'nkyib' ejnin nq'e'tz ni'ku'n chiqulil nab'an ye naqo'k tan chisi'le'n, chikyitane'n e' ye junit kyitane'n chitane'n le chiyol xhtya'n.

Ye e'ch quliltz'ib' ye kyilnaqlentu' te'j qulil i'tz e'a'j ch, j, k, ky, l, m, n, p, q, r, s, t, tx, tz, w, x, xh, y, (') maqb'il yol.

Elsawutzil:

ch	cham	fuerte	b'och	cerdo
	ches	bledo	chemol	tejedor/tejedora



j	junlaj saja'ch najal muj joj	once jugar familia sombra cuervo		pile'n pitz'puj pujle'n	probar salado desatar/ resolver
k	ka'l koyle'n kux kolb'aj kaxha'	casa acostarse pierna güipil cofre	q	qol qul qetz xqel sqil	chompipe garganta/cuello nuestro su esposa claridad
ky	kyiwel kyimichil xiky xikyu'l kyikyuj	testículo/fortaleza muerte joven fruto del árbol de pino (tijiche) pedida	r s	ra'p xaru' rit'ij rmeril tirku'n sam masol	matraca jarrón de barro desgarrado manera todo morral barrendero
l	lmunch lo'b'aj k'olche'n umul lub'aj	limón fruta sentarse conejo serpiente	t	se'ol sib'el su'b'il talma' teml trimpe'n tolo' tu'pch	carpintero humo/vapor limpiador su corazón su costilla caerse rueda su flor
m	mam meb'i'l me'b'a'il mujil mitu'	macho/ masculino riqueza pobreza su sombra gato	tx	txa'x txeqb'il txikl txolil txuk	verde lumbrera de pie fila animal
n	ni' Ton qatanum tnum nim	nene/bebé Antonio paisano pueblo grande	tz	tza'j tze' itzaj tzu'j sotze'n	ceniza palo/madera hierba hediondo desaparecer
p	polo'n pito'n	recado empujar			



w	witz	cerro	y	yol	palabra, idioma
	ka'wl	ley		yab'	tonto
	xhchewl	escalofrío		Yan	Sebastián
	ewt	ayer		Kay	pescado
	ewun	escondido		Moy	carro
x	xalum	zancudo	'	a'	agua
	xew	shara, pájaro		b'e'chtetz	su ropa
		azul, azul		ji'	suegro/yerno
	xewl	respiración		su'	chirimía
	xun	señorita		so'tz	chinchín
	xi'il	plumaje, pelaje			
xh	xhu'l	pollo			
	xhak'e'n	morder, mordisquear			
	xhi'wl	zorro			
	xho'k	torcido			
	xhepu'	cebo			

:/: Quliltz'ib' ye at maqb'il yol te'j (consonantes glotalizadas)

Ya'stzun e'ch techl tz'ib'a'n ye at maqb'il yol te'j ejnin i'tz e'a'j: **b', ch', k', ky', q', t', tx', tz'.**

Elsawutzil:

b'	b'aq	hueso	ky'	k'uxh	piojo
	b'u'y	trapo		k'oy	mono
	b'och	cerdo		ky'ach	trasero
	lab'	espanto		ky'aj	haragán
	b'alum	tigre		ky'elk'uj	macizo
ch'	ch'utux	puntiagudo	q'	ky'ixpe'n	herida
	sich'	gritar		ky'iky'lom	guardián
	ch'u'xh	miltomate		q'aq'	fuego
	chich'	sangre		q'ajla'n	saludar
	ch'im	monte/zacate		q'alu'n	abrazar
k'	k'a'	amargo		q'aja'l	fractura
	k'um	ayote		q'inum	jocote
	pok'	gorgojo			



t'	t'inb'il	comida	tz'	tz'ak'b'il	medicina
	t'ikyín	de puntillas		tz'uj	gotera
	t'uyi'n	manosear		tz'unum	gorrión
	t'aklij	está en		tz'o'tz	oscuridad
		equilibrio		stz'e'b'aj	chicle
	t'okoj	bodoque			
tx'	tx'otx'	tierra			
	tx'am	ácido			
	tx'ewu'ch	mecate			
	tx'ixwil	vergonzoso			
	tx'ujux	anona (fruta)			

Qile' ye qo ja'el qatxum tetz

- Qajatxe'ku'nqib' tan oxoxinle'n, ejnin che'qatz'ib'e'ku'n le qayol ye e'ch jilwutz xtxolb'il ye naqilku'n le chiyol xhtya'n, b'a'n lche'qatz'ib'ku'n le qu'j ejnin qaxmaye' ye qo b'a'n atit stz'ibe'ntetz, ejnin qo kyí'k plojil at.

Tacuazín	_____	Mosca	_____
Caña	_____	Conejo	_____
Ocote	_____	Estudiante	_____
Mazorca	_____	Pensamiento	_____
Nuestro Señor	_____	Estudiar	_____
Pie de gallo	_____	Fuerte	_____
Ayer	_____	Bledo	_____
Banco/tejido	_____	Cerdo	_____
Isabel	_____	Tejedora	_____
Espejo	_____	Carne	_____
Chile	_____	Once	_____
Grande	_____	Jugar	_____
Cerro	_____	Familia	_____
Grillo	_____	Sombra	_____
Sucio	_____	Cuervo	_____
Aguacate	_____	Casa	_____
Tos	_____	Acostarse	_____
Pariente	_____	Riqueza	_____



Chompipe _____ Pobreza _____
Reunión, _____ Sentarse _____

∴ Sqajunale'n b'a'n lqe'l stzo'lte'j ye qachusunb'il nqo b'a'n lqab'e'n xhchixo'l kmon wunaq, tan jaqle'n kob'ox yol skyetz ye naxe'tij tan e'ch quliltz'ib' ye tz'ib'a'nt le jun u'je'j, qab'ane' wuqaqchaq tqan yol te'j jujun techl quliltz'ib' ye ate'tza'j. Che'qatz'ib'e'ku'n ejnin qama'le' te'j tu kyetz e' quch'.

t	_____	_____	_____
	_____	_____	_____
k	_____	_____	_____
	_____	_____	_____
k'	_____	_____	_____
	_____	_____	_____
ch	_____	_____	_____
	_____	_____	_____
ch'	_____	_____	_____
	_____	_____	_____
tx	_____	_____	_____
	_____	_____	_____
tx'	_____	_____	_____
	_____	_____	_____
q	_____	_____	_____
	_____	_____	_____
q'	_____	_____	_____
	_____	_____	_____
tz	_____	_____	_____
	_____	_____	_____
tz'	_____	_____	_____
	_____	_____	_____

∴ B'a'n lqatz'ab'ku'n le qu'j nqo tk'u'l jun u'je'j, e'ch techl tz'ib'a'n ye kyib'e' le e'ch ama'l ye ate'kyen xlajaq nqo txo'laq jujun yol. Qajoye' e'ch techl tz'ib'a'n txo'laq ye e'ch yol ye ate'tz le qasb'al, ma ye ljalqa'n che'qatz'ib'e'ku'n le u'je'j ejnin ncha'tz qab'ane'ku'n le qetz qu'j.

___atanum	paisano	(s)
b'o___	cerdo	(k)



chu__u'n	estudio	(p)
a__a'l	tu casa	(ch)
pa__l	boca arriba	(tz')
tza__i'n	alegría	(x)
tz'i'n__uj	olor de orín	(k')
__ulij	pito de barro	(tz)
__ab'il	enfermedad	(tx')
ya__i'xh	enfermo	(y)
__ewu'ch	mecate	(b')
		(o)
		(q)

∴ Qatz'ib'e'ku'n e'ch yol le ama'l ye ate'kyen txo'laq jujun k'oloy yol tan stz'aqse'n ye txolb'il ye najaqtzaj. B'a'n lqajoy txo'l e'ch yol ye chitxoli'nkyib' le qasb'al, qile' ejnin qama'le' te'j ye qo i'tz yol nataj jujun txolb'il.

Wi'nin _____ naqatx'ak ye qo wi'nin qaq'uj. (chaq'uj)
 Wi'nin chisib'el e'ch _____ ye nachixon tqatanum jalu'. (ch'im)
 Jun _____ nab'anon e'ch chem ejnin e'ch wa'b'il. (chik'a')
 Cho'n _____ e' nitxa' witxa'x ch'im. (ab'al)
 B'enaqe'nin e' _____ tan chem stzi' chika'l. (xhch'okl)
 _____ nachib'enaq e' xun ejnin xiky te'j likyen Chumpul. (se'ol)
 Natzan ta' tan _____ tx'otx' jalu' skyuch' wakxh. (chusu'n)
 Ye naku'ul _____ wi'nin natxa'xin kyeqil e'ch ama'l. (moy)
 Cho'n nasaj _____ e' wunaq jalen tzi'a' Stzisanwan. (xna'n)
 Wi'nin _____ e' wakxh ye na'ok xhch'okl tx'otx'. (pwoq)
 (nachisaqchij)

| Qatx'ixpe'e'n ejnin che'qatz'ib'e'ku'n le qayol e'ch yol ye ate' sqanku'n le chiyol xhtya'n. Qatxume' ye ntaxq qo'k tan stz'ib'e'n na at jujun ye at talma'tz'ib' juy tqanil qulil te'j ejnin at ye nim tqanil qulil te'j. Tan kyi qaxub'se'n te'j b'an lqasi'lej ala' tir tan lajluchaxe'n tqanil qulil jujun yol sqawutz, qalena'stzun lku'tz qa'n le ama'l ye atkyen xlajaq jujun yol, b'a'n lxkon ye jun u'je'j qa'n nqo b'a'n lqab'anku'n le qetz qu'j.

Palabra	_____	Tristeza	_____
Entrar	_____	Futuro	_____
Zanate	_____	Garabato	_____



Lagartija	_____	Gusano	_____
Peña	_____	Chile	_____
Huevo	_____	Cuervo	_____
Trementina	_____	Roble	_____
Suciedad	_____	Basura	_____
Deuda	_____	Diligente	_____
Grito	_____	Cigarrillo	_____
Güipil	_____	Su casa	_____
Doblador	_____	Mazorca	_____



KA'P XTXOLB'IL

CHIB'I' E'CH TAQLE'N (SUSTANTIVOS)

B'i' e'ch taqle'n (sustantivos). Ya'stzun e'ch yol ye nachixkon tan talche'n chib'i' e'ch jilwutz taqle'n, chitane'n: wunaq, txuk nqo e'ch jilwutz ama'l; kyeqil e'ch taqle'n ye b'a'n naqilnin chiwutz ejnin e'ch taqle'n ye kyi lajluche', pona ate' ye lqo'k tan xtxumle'n ejnin naqanachon te'j, chitane'n: ka'l, itz'ajb'il, tzatzi'n, e'ch wi'tze', kyeq'eq', tz'a', Wa'n, ejnin b'ikuntunintz. Ate' ox jilwutz q'u'j ye chin wutzile'nin xtxolb'il ky'a'n ta'n jujun ejnin ncha'tz xhchijunalen e'a'tz at jatxb'iltetz chixo'l, cho'n naxom te'j ye b'i nachixkone't ye lqo'k tan chusu'n tib'aj ejnin nachib'i'aj: **B'i' e'ch yol ye natetzajkyen jun taqle'n** (sustantivos según posesión) **B'i' e'ch taqle'n ye kob'ku'n yol eqa'n ta'n** (Sustantivos según composición) **B'i' e'ch yol ye nataltzaj na'skyetz ama'lil ate'kyent e'ch taqle'n** (Sustantivos relacionales)

Elsawutzil:

chej	caballo
wunaq	persona
witz	cerro
Pla's	Francisco
tzatzi'n	alegría
kyeq'eq'	viento
tz'a'	calor

• / • **B'i' e'ch jilwutz yol ye natetzajkyen jun taqle'n** (Posesión Gramatical)

Ya'stzun e'ch yol ye nataltzaj ye natetzajkyen jun taqle'n. Ye natetzajkyen nalajluchax ta'n na'skyetz taw e'ch taqle'na'tz. Ye natetzaj **b'i' jun taqle'n** na'elepont ye nataltzaj na'tzun taw nab'an nqo na'tzun najilon tib'aj b'i' jun taqle'na'tz. Ni'ku'n na'ele't chinaqal: **wetz, awetz,**



teru', qetz, b'ikuntunintz. Ye e'ch taqle'na'tz na'ok taw tantu' ye nacho'k kob'ox tel techl nqo stz'a'pl tz'ib'a'n tzwutzaq ye nachib'i'aj "prefijos" ye nataltzaj tajlal ejnin na'skyetz taw nab'an.

Puntil xkonse'n e'ch yol ye natetzajkyen b'i' jun taqle'n ye naxe'tij stz'ib'e'n te'j talma'tz'ib'

(Uso de los posesivos en sustantivos que inician con vocal)

Elsawutzil:

Kyi tetza'nt	tetza'nt		wunaq taw
No poseído	poseído		personas
oj aguacate	woj	mi aguacate	in yo
	awoj	tu aguacate	axh tu
	toju'	su aguacate	ilu'/alu' usted (respeto)
	toj i'	su aguacate de él/ella	i' él, ella
	qoj	nuestro aguacate	o' nosotros
	itojwoq	su aguacate de uds.	axwoq ustedes
	kyoju'	su aguacate de uds.	e'u' ustedes
	kyoj e'	su aguacate de ellos	e' ellas, ellos

Puntil xkonse'n e'ch yol ye natetzajkyen b'i' jun taqle'n ye naxe'tij stz'ib'e'n tan quliltz'ib'

(Uso de los posesivos en sustantivos que inician con consonante)

Kyi tetza'nt	tetza'nt		wunaq taw
No poseído	poseído		personas
Tx'otx' tierra	ntx'otx'	mi terreno	in yo
	atx'otx'	tu terreno	axh tu
	xtx'otx'u'	su terreno de usted	ilu'/alu' usted
	xtx'otx' i'	su terreno de él (ella)	i' él, ella
	qatx'otx'	nuestro terreno	o' nosotros
	itx'otx'woq	su terreno de ustedes	axwoq vosotros
	chitx'otx'u'	su terreno de uds.	e'u' de ustedes
	chitx'otx' e'	su terreno de ellos	e' ellos, ellas

Ye kob'ox elsawutzil ye jawi't qil natzan tan xhchajle'n sqetz ye at kob'ox tel ne'xh techl tz'ib'a'n ye nachixkon tan lajluchaxe'n na'tzun taw e'ch taqle'na'tz nab'an. Atkunin puntil xhe'n naxe'tnin ta'lche'n b'i' jun taqle'n ejnin xhe'n natzajpon, tan tele'n qatxum tetz ye b'i'tz



natzan talche'n ye na'ok tetzaje'n jun taqle'n. Qaxmaye' e'ch tel techla'tz ye nachixkon xlajaq e'ch yola'tz.

E' wunaq ejnin tajlal le ate'kyent Persona y número Gramatical	antes de consonante (/_C)	antes de vocal (/_V)
1 ^a . Xhchukl (Singular)	n-	w-
2 ^a . Xhchukl (Singular)	a-	aw-
2 ^a . Xhchukl (Singular honorífico)	Ø- s-x-xh -u'	t- -u'
3 ^a . Xhchukl (Singular)	Ø- s-x-xh i'	t- i'
1 ^a . Ala' Xone'n (Plural exclusiva)	qa-	q-
2 ^a . Ala' Xone'n (Plural exclusiva)	i- -woq	it- -woq
2 ^a . Ala' Xone'n (Plural)	chi- -u'	ky- -u'
3 ^a . Ala' Xone'n (plural)	chi- e'	ky- e'

At jun tx'aqaj stz'a'pl e'ch yola'tz ye cho'n b'ajxche' swutz ejnin at junt tx'aqaj ye cho'n ate' sju'len; b'a'n ltz'ok chib'i'qa'n tetz **Juego A**. At nab'antku'n ye lajluchkunin na'skyetz wunaqil ye ate'tz b'ajxkunin tajlal, chitane'n (**in**, **e'u'** ejnin **axwoq**), ejnin ncha'tz at nab'antku'n qale kyi natalwit tajlal wunaq ye ate'tz, chitane'n: (**in**, ejnin **kob'ox**t qale kyi natalwit **e'u'** nqo **axwoq**). Na ye yol **kob'ox**t kyi natzan tan talche'n na'skyetz e'.

Elsawutzil:

Tetza'nkyen b'i' jun taqle'n ye naxe'tij stz'ib'e'n tan jun quliltz'ib' ejnin ncha'tz natzajpon wi' stz'ib'e'n tan jun quliltz'ib'.

Kyi tetza'nt	No poseído	tetza'nt	poseído
Ka'l	<i>casa</i>	nka'l	mi casa
		aka'l	tu casa
		ka'lu'	su casa
		ka'l i'	casa de (él, ella)
		qaka'l	nuestra casa (inclusiva)
		chika'l	vuestra casa (exclusiva)
		chika'lu'	su casa de ustedes (honorífico)
		ika'lwoq	su casa de ustedes
		chika'l e'	su casa de ellos, ellas

Tetzaje'nkyen b'i' jun taqle'n ye naxe'tij stz'ib'e'n tan jun talma'tz'ib' ejnin ncha'tz natzajponwi' stz'ib'e'n tan jun quliltz'ib'.

**Kyi tetza'nt tetza'nt poseído****No poseído**

Oj aguacate	woj	mi aguacate
	awoj	tu aguacate
	toju'	su aguacate de usted
	toj i'	su aguacate de él, ella
	qoj	nuestro aguacate
	itojwoq	vuestro aguacate
	kyoju'	su aguacate de ustedes
	kyoj e'	su aguacate de ellos ellas

Qile' ye qo ja'el qatxum tetz

- Qatz'ib'e'ku'n tetza'nkyen chib'i' e'ch taqle'n ye naqilku'n le jun u'je'j. Xomoqkyentu' qa'n te'j e'ch jilwutz txolb'il ye jawi't qil, ejnin b'a'n lqab'anku'n le qu'j.

Tx'otx'	marus	anqs	kxe'b'aj
_____	_____	_____	_____
_____	_____	_____	_____
_____	_____	_____	_____

/ : Jatxb'il xo'l b'i' e'ch taqle'n (Clases de sustantivos)**• / : / • Tetza'nkyen b'i' jun taqle'n (Sustantivos según posesión)**

Ya'stzun chib'i' e'ch yol nab'antz tampaj ye naje' tx'ixpij yolche'n ye nacho'k tetzaje'n.

Elsawutzil:

Kyi tetza'nt	No poseído	Tetza'nt	poseído
k'ub'	piedra	qak'ub'	nuestra piedra
ka'l	casa	qaka'l	nuestra casa
xo'k	doblador	nxo'k	mi doblador
kolb'aj	güipil	kolob' i'	su güipil
chich'	sangre	nxhch'el	mi sangre
b'aq	hueso	ab'aqil	tus huesos



Ncha'tz ate' kob'xt ye ni'ku'n chitane'n ye e'ch xtxolb'ile'j:

•/::: B'i' e'ch taqle'n ye na'ok stz'ab'l (*Sustantivos agregativos*)

Ya'stzun e'ch jilwutz yol ye na'ok tetzaje'n ye na'ok jun techl tz'ib'a'n tetz stz'a'b'l qale natzaje't wi' yol nqo b'i' ye taqle'n tan tele'n qatxum tetz b'i na'elepone't. Ejnin i'tz e'a'j: (-el, -il)

Elsawutzil:

Kyi tetza'nt	= No poseídos	Tetza'nt	= Poseídos
chich'	sangre	xhch'el	su sangre
b'aq	hueso	b'aqil	su hueso (osamenta)
stzib'lal	información	stzib'lalil	su información
q'ol	trementina	q'olil	su trementina
ky'ixb'el	dificultad	ky'ixb'elil	su dificultad
ma'lb'il	medida	ma'lb'ilil	su medida
chi'b'aj	carne	xhchi'b'el	su carne
sib'	humo	sib'el	su humo
tza'j	ceniza	stza'jil	su ceniza
jib'el	color	jib'elil	su color

•/::: B'i' e'ch taqle'n ye kyi naxtx'ixpe'ntib' (*Sustantivos invariables*)

Ya'stzun b'i' e'ch taqle'n ye kyi naxtx'ixpe'ntib' puntil yolche'n ejnin si'le'n ye na'ok tetzaje'n, na chitane'n tetz stz'ib'e'n ejnin si'le'n cho'nin tane'n puntil yolche'ntz chitane'nin.

Elsawutzil:

Kyi tetza'nt	= No poseídos	Tetza'nt	= Poseídos
chej	caballo	nchej	mi caballo
ku'k	ardilla	aku'k	tu ardilla
tx'otx'	tierra	tx'otx'	su terreno
yob'	año	qayob'	nuestra edad
itzaj	hierba	qitzaj	nuestra hierba
ij	semilla	tij	su semilla
ujul	siembra	kyujul	su siembra de ellos



•/:/| B'i' taqle'n ye ilenin tetza'ntkyen
(Sustantivos siempre poseídos)

Ya'stzun chib'i' e'ch yol ye ilenin tetza'ntkyen b'i' e'ch taqle'n ta'n. Na ye qo ploj lqilej talche'n chib'i' kyi ltz'e'l qatxum tetz ye b'ilo'i'il naqatzan tan talche'n. Ye jun xtxolb'ila'tz cho'n nab'ajij xkonse'n tib'aj toxi'n weq wunaq ye natetzaj e'ch taqle'na'tz. Ncha'tz at nab'antku'n b'a'n nab'ajij e'ch xtxolb'ila'tz skye'j alchoqskyetz jilwutz tajlal wunaqil.

Elsawutzil:

Ilenin tetza'ntkyen (Siempre poseídos)

ta'ql	su raíz
xaq	su hoja
tmujil	su sombra
tunum	su punta/cúspide
q'ab'	su rama/su mano
xe'	su base
xk'oml	su cáscara
lo'b'ajil	su pulpo/fruto
xo'kyil	su doblador/envoltorio
xma'yil	su pelo de maíz
sopil	su núcleo

•/:/| B'i' e'ch Taqle'n ye kyi natetzajkyen
(Sustantivos nunca poseídos)

Ya'stzun chib'i' e'ch yol ye kyi natetzajkyen b'i' e'ch taqle'n ejnin kyi najal qa'n le kyeqil e'ch jilwutz yol qamam qate' ye naqayol tzo'ne'j Armit. Na kyi'k rmeril tetzaj alchoqskyetz wunaqil ye naqajilon te'j le e'ch tajlal ye jawi't che'qil.

Elsawutzil:

tkya'j	cielo	witz	cerro
muj	sombra	sb'aq'	nube
q'ej	sol	kyeq'eq'	aire
ab'al	lluvia	txuml	estrella
xaw	luna	tzanla'	río
salchkam	remolino/tormenta	kob'lajnob'	temblor/terremoto



sib'	humo	puqlaj	polvo
sqil	claridad	tz'o'tz	oscuridad

• / : / † **B'i' e'ch taqle'n ye natx'ixpij b'i' xe' yol ta'n**
(Sustantivos supletivos)

Ya'stzun chib'i' e'ch yol ye kyi't nalajluchaxkyen xe' b'i' e'ch jilwutz taqle'n ta'n ye ok tetzaje'n nqo na'ok taw.

Elsawutzil:

ky'itx	pollo	wa'kx	mi pollo
xno'ql	chamarra	ntxo'	mi chamarra
xab'	caites	nxajab'	mis caites
chich'	sangre	nxhch'el	mi sangre

Qile' ye qo ja'el qatxum tetz

- Qajatxe' xo'l kob'ox chib'i' e'ch taqle'n ye ate' tzone'j le jun u'je'j chij ye e'ch jilwutz txolb'il ye jawi't qachusun te'j ye tx'aqaji'n kytane'n, ejnin che'qab'ane'ku'n le qu'j te'j ye b'i' jujun tx'aqaj yola'tz ye jawi't qachusqib' te'j.

chej	woj	wa'kx	ky'itx
ntx'otx'	chika'l	qanb'aj	wutzaj
nxhch'el	ab'aqil	tkya'j	tx'uml
ky'ixb'el	kyoju'	b'aq	chi'b'aj
ma'lb'il	nb'uuch	kyujul	tx'otx'

- Qajoye' ejnin qatz'ib'e' tu junt quch' le chusu'nb'il, o' tqan b'i' e'ch taqle'n ye jawi't che'qil swutz jun nim xaaq u'j ejnin b'a'n lqiky' tan xhchajle'n xhchiwutz e' quch', (kyi lche'qab'an e'ch ye kyi't nalajluchax xe' txolb'il ye na'ok tetzaje'n).

_____	_____	_____
_____	_____	_____
_____	_____	_____
_____	_____	_____

**•/∴ B'i' e'ch taqle'n ye kob'ku'n yol eq'an ta'n***(Sustantivos según composición)*

Ye jun jilwutz b'i'aja'tz wi'nin nachixkon qa'n le qetz qayol, xomkyentu' te'j ye niky'na' weql jujun yol ye naqatzan tan xkonse'n ejnin b'i natzan tan talche'n sqetz. Txo'l e'ch yola'tz cho'n najal chib'i' e'ch taqle'n qa'n txo'l ejnin ncha'tz naxhchaj ye xhe'n kyitane'n e'ch taqle'na'tz, ye jatxb'il xo'l e'ch yola'tz i'tz ye junit txxolb'il natzan tan talche'n. Cho'n naxom te'j ye b'i naxkone't ye jujun yol na at ala' jilwutz txxolb'il ejnin jatxb'il xo'l talche'n kyeqil e'ch yola'tz. Ma jalu' qokopon tan tilwe'n kob'ox txxolb'il.

Elsawutzil:

wiq'ab'aj	dedos	wi	sobre, encima	q'ab'aj	mano
ta'alche'w	sereno	ta'al	jugo, gota	che'w	frío
b'i'nsi'	encino	b'i'n	chompipa	si'	leña
witx'otx'	universo	wi	superficie	tx'otx'	tierra

•/∴/• B'i' e'ch taqle'n ye kob'ku'n yol chinuch'i'nkyib' tan talche'n chib'i' (Sustantivos compuestos)

Ya'stzun b'i' e'ch taqle'n ye kob'ku'n yol chinuch'i'nkyib' tan talche'n jun txxolb'il. Ye nacho'k tetza'n, nalajluchax ta'n ye na't nakyajkyent e'ch tel techla'tz sju'aqlen ye jujun yola'tz.

Elsawutzil:

B'i' taqle'n (sustantivos) nuch'i'ntib' (compuestos)

q'antze'	aliso	q'an	amarillo	tze'	árbol
saqk'ub'	piedra caliza	saq	blanco	k'ub'	piedra
saqwi'	canado	saq	blanco	wi'	cabeza
ju'q'a'	orilla del puente	ju'	nariz	q'a'	puente
jaq'wutz	la costa	jaq'	debajo	witz	volcán
stzi'a'	orilla de río	stzi'	orilla	a'	agua, río

B'i' taqle'n ye na'ok tetzaje'n (sustantivos poseídos)

nq'antze'	mi aliso
qatzaj	nuestro pino
xb'al	su hacha



xqel su mujer
 xtx'otx' su terreno

•/::: Jilwutz taqle'n ye kob'ku'n naxkon tan talche'n
 chib'i' (Sustantivos complejos)

Ya'stzun chib'i' e'ch jilwutz taqle'n ye kob'ku'n yol naxkon tan talche'n chib'i' ntintu' na chijatxo'nkyib' ye kob' yola'tz, ye na'ok tetza'n cho'n nalajluchax le ka'p yol ye na'skyetz taw nqo na'skyetz i' natzan yol tib'aj. Chitane'n kob'ox txxolb'il ye sqile' tzone'j.

Elsawutzil:

B'i' taqle'n Sustantivos

elsanl e'b'aj dentista
 b'anol b'e' caminero
 josb'il xmatzi' rasuradora
 elsanl xi'il wi'b'aj barbero
 tolinl moy chofer

nuch'b'iltib' composición

elsanl quitador e'b'aj dientes
 b'anol hacedor b'e' camino
 josb'il cortador xmatzi' barba
 elsanl cortador xi'il wi'b'aj pelo
 tolinl conductor moy vehículo

B'i' e'ch taqle'n ye tetza'nt Sustantivos poseídos

B'anol qab'e' nuestro caminero
 Josb'il nxmatzi' mi rasuradora
 B'anol qe' nuestro dentista

•/::: B'i' ye chib'i' e'ch taqle'n (Sustantivos de sustantivos)

Ya'stzun b'i' e'ch taqle'n ye kob'ku'n yol nachixkon tan ta'lche'n ejnin tan stz'ib'e'n chib'i' e'ch taqle'n ejnin chijatxo'nkyib', qale natetzajkyen b'ajx yol ye ka'p. Ye nache'tetzaj b'i' e'ch taqle'na'tz cho'ntzun naxomtz te'j ye ka'p yol.

Elsawutzil:

B'i' Taqle'n Sustantivos

Xaaq tze' hoja de árbol
 Tqan ka'l pilar
 Stzi' ka'l puerta
 Wi' q'ab'aj dedos de la mano
 Q'ab' tze' rama de árbol

Nuch'b'iltib' composición

xaaq su hoja tze' árbol
 tqan su pie ka'l casa
 stzi' su boca ka'l casa
 wi' su cabeza q'ab'aj mano
 q'ab' rama tze' árbol

**B'i' taqle'n ye tetza'ntkyen** (*Sustantivos poseídos*)

Te'j aqan	tu calcetín
Xaaq ntze'	mi hoja de árbol
Tqan qaka'l	nuestros pilares
Stzi' ka'lu'	la puerta de su casa

·/::/ B'i' ejnin chib'i' e'ch taqle'n (*Sustantivos mas sustantivos*)

Ya'stzun chib'i' e'ch taqle'n ye kob'ku'n yol naxkon tan talche'n chib'i' ntintu' na chijatxo'nkyib'; ma ye nacho'k tetza'n junit taw nachib'an kob' yola'tz.

Elsawutzil:

Chib'i' e'ch taqle'n *Sustantivos*

Tajtxu'	padres
Itz'unitziky	hermanos

Nuch'b'iltib' *Composición*

Taj	su padre	txu'	su madre
Itz'un	hermano menor	itziky	hermano mayor

·/::/ B'i' e'ch yol ye nataltzaj na'skyetz ama'lil ate'kyent e'ch taqle'n (*Sustantivo relacional*)

Ya'stzun chib'i' junt q'u'j yol ye cho'n nachixkon tan talche'n sqetz na'skyetz ama'lil ate'kyent e'ch taqle'n, techku'ntib' e', na cho'n nachixkon tan xhchajle'n ejnin tan lajluchaxe'n sqawutz ye ama'l qale ate't e'ch taqle'n le jun txolb'il; at nab'antku'n ye b'a'n naxkon tetz xel nuch'b'iltetz e'ch yol, int ye tetz munl i'tz tan talche'n na'skyetz ama'lil ate't e'ch taqle'na'tz.

Elsawutzil:

Stzi'	en la entrada de	Swutz	en frente de
Txe'	al fondo de	Tzaq'	debajo de
Tib'aj	encima de	Xlaj	al lado de
Wutkok	atrás de		



Qile' ye qo ja'el qatxum tetz

- Qatz'ab'e'ku'n e'ch jilwutz yol ye najaqtzaj jujun xtxolb'il. B'a'n lche'qab'anku'n le qu'j. Ejnin cha'tz b'a'n lqajoy kob'ox xtxolb'il tan qachusulqib' te'j. B'a'n lqajoy e'ch yol ye nataj ye jujun xtxolb'il le jun txol ye ate'tz le qasb'al

Cho'n ate' yaj tan yol stzi' _____ . (wunaq)
 Nachixon _____ tzwutz tyoxh. (Ka'l)
 Cho'n kolij _____ txe' kaxha'. (twi')
 Jakyajkyen _____ Pal tzaq eqtz. (pwoq)
 Nachitzan _____ tan b'ajse'n tixi'n ta' Pla's. (ch'oy)
 (nitxa')

- ∴ Qajoye' b'i' e'ch taqle'n (sustantivos) txo'l ye e'ch yol ye tz'ib'a'nche' tzine'j ejnin b'a'n lqab'anku'n jun **S** xlajaq ye jujun ye qo i'tz **b'i' e'ch taqle'n**.

Ko'n _____	Q'uqlij _____	Nim _____
Itzaj _____	Qol _____	Itz'ajb'il _____
Xab' _____	Tz'uj _____	K'anlaj _____
K'ayb'il _____	Jamel _____	K'ijil _____

- ∴ Qajoye' chib'i' e'ch taqle'n ye natetzajkyen (sustantivos poseídos) txo'l ye kob'ox yol ye naqilku'n tzone'j. Ejnin b'a'n lqab'anku'n jun **P** xlajaq e'ch yol tetz techl ye e'ch yol **ye tetza'nt** ejnin b'a'n lqab'anku'n jun **N** xlajaq e'ch yol tetz techl ye e'ch yol ye **kyi tetza'ntkyen**.

Nka'l _____	Kolb'aj _____	Awex _____
Chimeb'i'l _____	Mo'tx _____	K'alb'il _____
B'otx' _____	Itxu' _____	Wutziky _____
Alq'om _____	Chika'lu' _____	Nchusu'n _____
Akolob' _____	Toy _____	U'j _____



∴ Qatz'ixpe'e'n ejnin che'qatz'ib'e'ku'n le qayol ye e'ch xtxolb'il ye tz'ib'a'nt le jun u'je'j, qile' puntil xkonse'n e'ch yol ye naxkon tan tetzaje'n jun taqle'n.

- Es muy importante saber hablar y escribir bien nuestro idioma, porque es una de las riquezas que nos dejaron nuestros abuelos. Hay que mantenerlo con nuestros hijos así como nuestra forma de ser.

∴ La señora Saqb'uch llevó unas flores de izote de la casa para venderlas en el mercado del pueblo. Con el dinero que reciba por las flores, ella comprará dos gallinas para tenerlas en la casa. Los huevos que pongan las gallinas, serán llevados luego al mercado para ser vendidos.

∴ En la casa verde, que está cerca del mercado, sacaron mucho maíz y frijol para vender a un bajo costo a la gente que vive muy lejos del pueblo. También les venderán alguna ropa y regalarán medicina para ayudarles.



TOXI'N XTXOLB'IL

XEL B'I'AJ (PRONOMBRES)

Xel B'i'aj (pronombres), ya'stzun e'ch jilwutz yol ye nachixkon tan lajluchaxe'n ta'n, na'skyetz taqle'n il nqo wunaq naqatzan tan yol te'j. Ye jun tel yola'tz naxkon tan kyi lajluchaxe'n na'skyetz wunaqil naqatzan tan naw'se'n b'i' nqo e'ch taqle'n, ma na chin lajluchkunin na'el qatxum tetz na'skyetz i' naqatzan tan yolche'n tantu' jun tel techl tz'ib'a'na'tz. Te'j ye jun weq chusu'n ntintu' qokopon tan tilwe'n ye e'ch xel b'i'aj sjunale'n.

Xel b'i'aj ye k'ula'ntib' ye naxkon (*Pronombres independientes o personales*)

Ye e'ch xel b'i'aj ye k'ula'ntib' ye naxkon (pronombres independientes) b'a'n nachixkon tan stz'ibe'n ejnin tan talche'n xel alchoqskyetz b'i' e'ch taqle'n txo'l jun xtxolb'il ejnin naxhchaj ye na'skyetz wunaqil natzan yol te'j. Ye ama'l qale ate'kyent e'ch tel xel b'i'a'ja'tz cho'n nalajluchax qale nachixkone't tan chinuch'e'n ye e'ch yola'tz. Kyeqil e'ch xtxo'lb'ila'tz xomche'kyentu' te'j ye e'ch jilwutz xtxolb'il ejnin puntil e'ch jilwutz chiyol qatanum, ntintu' naqab'en te'j ye b'a'n ltz'el chitxum alchoqskyetz wunaq tetz ye nq'era'tz tetz yol ye lcho'k tan xkonse'n. Ejnin i'tz e'a'j:

Yo	in
Tú	axh
Usted	ilu'/alu'
Él, ella	i'
Nosotros	o'
Ustedes	axwoq
Vosotros (Honorífico)	e'u'
Ellos, ellas	e'

**Elsawutzil tan xkonse'n:**

Tan tele'n qatxum tetz, b'a'n lqapil xkonse'n le xe' jun txolb'il, ncha'tz b'a'n lqapil le alchoqskyetz txolb'il ye naqaj tan b'anle'n, nintzun lqiltz ye xhe'n naxkye' tan xelse'n ye jun b'i'aja'tz.

<i>Xe' txolb'il:</i> Nachitzan wunaq tan aq'un swutz tx'otx'.	<i>Oración base:</i> Las personas están labrando el terreno.
<i>B'i qajb'il te'j jun txolb'il:</i> E' (wunaq) nachitzan tan aq'un swutz tx'otx'.	<i>Oración de interés:</i> Son ellos (las personas) las que están trabajando.
<i>Xe' txolb'il:</i> Cho'n xonaqe' tel xun le xq'ol.	<i>Oración base:</i> Las niñas caminaron en el lodo.
<i>B'i qajb'il te'j jun txolb'il:</i> E' (tel xun) xonaqe' le xq'ol.	<i>Oración de interés:</i> Ellas (las niñas) caminaron en el lodo.
<i>Xe' txolb'il:</i> Cho'n loq'ol yaj ixi'n tk'ayb'il.	<i>Oración base:</i> El hombre compró el maíz en el mercado.
<i>B'i qajb'il te'j jun txolb'il:</i> I' (yaj) loq'naq ixi'n tk'ayb'il.	<i>Oración de interés:</i> Él (el hombre) compró el maíz en el mercado.
<i>Xe' txolb'il:</i> Cho'n chimejewe'n pale' swutz q'ajb'il.	<i>Oración base:</i> Los sacerdotes se hincaron frente al altar.
<i>B'i qajb'il te'j jun txolb'il:</i> E' (pale') chimejewe'n swutz q'ajb'il.	<i>Oración de interés:</i> Ellos (los sacerdotes) se hincaron frente al altar.

Qile' ye qo ja'el qatxum tetz

- B'a'n lqab'anku'n junt txolb'il chitane'n e' ye naqilku'n tzine'j, qale kyi lqaxkonsaj chib'i' e'ch taqle'n, ntintu' qatz'ib'e'ku'n le qu'j ye xel e'ch b'i'aj.

Qaxomoq te'j jun elsawutzile'j:

① Ja'ulaq Laxh tan nch'eye'n. <u>I' (Laxh) ja'ulaq tan nch'eye'n.</u>	Nicolás vino a ayudarme. <u>Él (Nicolás) vino a ayudarme.</u>
• Jakxhaq'uj xo'l ujul.	Trabajaste la siembra.
: Jakxjichinwoq xe'a' Tzisanwan.	Ustedes se bañaron en el río San Juan.
: Naxtx'aj Lu'ch b'e'chkyetz najal.	María lava la ropa de la familia.
: Natzan Lu' tan saja'ch pilot xhq'alaj.	Pedro juega pelota en el campo.
Nachik'ayin xna'n tk'ayb'il.	Las mujeres venden en el mercado.
- A'wnaqponin chusu'n kya'n xun le chusb'il.	Las niñas estudian mucho en la escuela.
: Nachitzan ajchusunl tan chichusle'n nitxa'.	Los profesores enseñan a los alumnos.



KYAJI'N XTXOLB'IL

CHAJOL YOL

(ARTÍCULOS O DETERMINANTES)

Ye e'ch **Chajol yol** (artículos) i'tz e'ch tel ne'xh yol ye nachixkon tan xhchajle'n ejnin tan lajluchaxe'n b'i' e'ch taqle'n ye ajtzqe'n nqo kyi ajtzqe'n wutz qa'n. Ye naxkon jun chajol yol qa'n na'el qatxum tetz ye qo ajtzqe'n wutz jun b'i'aj qa'n nqo cho'ntu' na'el qatxum tetz tanpaj ye cho'n ate'kyen txo'l tuch'. Ye e'ch jilwutz chajol yola'tz ye nachixkon qa'n le qetz qayol, i'tz e'a'j:

Chajol yol	Artículos
Ye/yi	el, la, las, los
Jun	un, una, uno
Kob'ox	unos, unas

Chajol yol ye ajtzqe'n wutz qa'n: (*Artículo definido*)

Le qetz qayol junintzi' jilwutz **chajol yol ye nab'i'aj ajtzqe'n wutz qa'n** (artículo definido) naqaxkonsaj tan xhchajle'n b'i' jun taqle'n ye ajtzqe'n wutz qa'n ejnin i'tz: **ye** nqo **yi**, ilenin cho'n nab'ajxij xhchiwutz b'i' e'ch taqle'n ncha'tz b'a'n naxkon txo'laq e'ch xtxolb'il. Ye jun chajol yola'tz kyi na'ok tan jatxle'n xo'l ejnin kyi nataltzaj tajlal e'ch taqle'n.

Elsawutzil:

Ye tx'otx'	el terreno, la tierra
Ye ka'l	la casa
Ye tojqb'il	la corriente
Ye wunaq	la persona
Ye kay	el pescado
Ye ptzo'm	la viga
Ye moy	el carro

**Puntíl xkonse'n e'ch chajol yol** (*Aplicación del artículo*)

- Elsawutzil xhe'n puntíl xkonse'n e'ch chajb'il yol le jun txolb'il le qetz qayol.

Elsawutzil:

Ye xun	la niña	ye b'uch	la flor
Ye waj	la tortilla	ye yaj	el hombre
Ye tx'i'	el perro	ye aq'unwil	el trabajador

Niky'na' k'amb'iltetz ye ka'l?	¿Cuánto es el alquiler de la casa?
At wi'nin xaaq ye la'.	El chichicaste tiene muchas hojas.
Niky'na' jamel ye kxe'b'aj?	¿Cuánto cuesta el elote?
Wi'nin paq'kanil ye tx'ewu'ch.	El mecate se revienta muy fácil.
Txoli'n kytane'n ye e' nitxa'.	Los niños están en fila.

- At nab'antku'n ye e'ch chajb'il yol b'a'n nachixkon ye na'ok tetzaje'n jun b'i'aj. Te'j ye e'ch txolb'ila'tz kob'oxintzi' yol qale nachixkone't le chiyol xhtya'n, cha'stuntetz tz'okopon jun techl qa'n tetz jatxb'il xo'l.

Elsawutzil:

Nim il tane'n ye tal.	Está enfermo (el) su hijo.
Qapite'e'n ye eqtz.	Levantemos la carga.
Jatoksaj ta' ye nyol.	El señor aceptó (la) mis palabras.
Jalu' chu'l ye e' tuch'.	Hoy vienen (los) sus compañeros.
Tenchikyim ye tawun.	Ya se le murió (el) su ganado.

Le qetz qayol at rmeril tan xkone'n jun **chajol yol ye kyi ajtzqe'n wutz qa'n** (artículo indefinido), npe atq junt techl ye natzantzaj tan talche'n junt txolb'il tib'aj b'i' e'ch taqle'n chitane'n (**-a'j, -e'j, -ej**). Le jun k'oloy yola'tz ye naqaxkonsaj tetz jun chajb'il, b'ajxche' e'ch chajol yola'tz xhchiwutzaq.



Elsawutzil:

Ye jun yaje'j.	(el) un este hombre.
Muj nb'an ye jun q'ejaj'j.	hoy es (el) un día nublado.
Ye jun k'ub'e'j.	(la) una esta piedra.
Ye nok txikune'j.	(el) este poco de frijol.
Ye xune'j.	(la) esta niña.

Txo'l chib'i' e'ch taqle'n qale naxkone't b'i' junt taqle'n ye natzan tan talche'n na'skyetz ama'lil atkyent e'ch taqle'n (sustantivo relacional), at rmeril lchib'ajxku'n e'ch chajol yola'tz ye ntaxq ku' chib'i' e'ch taqle'na'tz qa'n.

Elsawutzil:

At amlu' tk'u'l ye ajatze'n.	El matazano tiene gusano.
Chin tz'ilnin ye b'e'chtetz ta'.	La ropa de papá está sucia.
Ye awetz a moy.	El carro tuyo.

Ye e'ch **chajol yol** le qetz qayol i'tz ye e'aj: **jun, kob'ox**, ni'ku'n tu e' ye ajtzqe'n chiwutz qa'n, na kyi nataltzaj tajlal ejnin na'skyetz taw. Ye jun chajol yolja'tz naxhchaj sqetz ye b'i e'ch taqle'n kyi ajtzqe'n wutz qa'n, nqo at nab'antku'n ye alchoqskyetz b'i' taqle'ntunintz.

Elsawutzil:

Jun xiky	un niño
Jun txuk	un animal.
Jun b'uch	una flor
Jun xna'n	una mujer
Jun ma'kl	un instrumento.
Kob'ox wunaq	unas personas
Kob'ox taqle'n	unas cosas
Kob'ox xna'n	unas señoras
Kob'ox txuk	unos animales

**Puntil xkonse'n le e'ch txolb'il:**

Tennloq' jun nkmi'xh.	Compre una camisa.
At jun b'uch ye chin yub'ilnin.	Hay una flor muy hermosa.
Jannachwetz jun kob'lajnob'.	Yo sentí un temblor.
E'iky'aq kob'ox yaj tzine'j ewt kwe'nq'ej.	Ayer por la tarde pasaron unos hombres por aquí.
Etz'e'kyen kob'ox xtze' tan q'ab' che'w	El hielo quemó unas plantas.
Ky'ajwe'tzaj kob'ox wu'j.	Tráeme unos papeles por favor.

Qile' ye qo ja'el qatxum tetz

- Qasi'le' jun txolb'il ye at tzine'j, qaq'e'ku'n jun techl tan jun X kyeqil e'ch chajb'il yol ye atet'tz te'j chib'i e'ch taqle'n ye ajsqe'n ejnin kyi ajsqe'n chiwutz qa'n.

Jun txolb'il tetz Lu' tzu'
Cuentos de Pedro Urdemales
Ye xtx'amxe'n Lu'

Itzun b'antz ye toke'n tpiyo' Lu' Tzu' le wanqil chij, nintzun xhchaj Lu' skyetz e' najanl ye na'kuntunin ate'kyent. Cho'ntzun nab'enaq Lu'tz tan talq'e'n b'utx nqo waj cho'n nab'en tky'aj skyuch'aq najanla'tz, chij. Kyinintzun na'el chitxum wunaqtz tetz ye e' taw ka'l ye xhe'n nab'en chiwa'.

—“Xhe'nin nab'en qawa' ” che'ch xna'n ye nachik'as jalchan, —“Xhe'nin nab'en qab'utx”, chij. Kyi'kte'tz b'utx at ejnin kyi'kte'tz waj at ye na'ul sqil. Nsqen el tetz b'utx tk'u'l xhwoq' ejnin nsqen el tetz waj le mi't.

Kyoke'ntzun wunaqtz tan joyle'n puntil. Nintzun e'oktz tan ky'iky'lomi'n te'j na'nintzun skyetz i' ye juna'tz ye natzan tan talq'e'n chiwa'.



—Na'nintzun skyetz ye juna'tz na'ulaq tan tiky'le'n qab'utx ejnin qawa', che'ch nab'an. Na at nab'antku'n nim waj nakyajkyen tetz chiwa'qlo' wunaq tetz junt jalchan. Pona kyi'kt ye na'ul sqil.

Nintzun e'oktz tan ky'iky'lomi'n te'j. Elnaqe'nin yab' wunaqtz te'j, chij. —“B'inintzunlo' nab'anon qawa'. Txukpolo', qo itx'ijtzun, b'inintzun i'ila'tz, nqo tx'i'tzun, che'chtzun wunaq nab'antz.

Xtx'amxe'ntzun tetz Lu'tz. Kyitunin ilwutz, jun mixhtu' i' tane'n, chij. Ninintzun ib'ene'n ch'inloq kob'ox yajtz tan xq'uqe'n ejnin tan xmaye'n ye na't ltz'opone't ye jun mixha'tz. Ej ma kyilol, nsb'ejnin toke'n Lu' le pach i', na tel pachtu' le atkyent. At xtxu' Lu', itz'tzajtzun xtxu' Lu'tz chij.

—Jab'in jalu', che'chtzun yaj b'antz. B'entutzun chixmayiltz ye na'skyetz i' ejnin na't okkyent na laqb'alb'in ye chinoje'nkyen te'j chij, nq'etz chajq'ej. B'entutzun chixmayil kob'ox yaja'tz chij.

Jalenku'ntzun tule'n sqiltz, qalena'stzun chib'ene'n yajtz tan tilwe'n Lu'. —Ib'in jalu' yaj, che'ch b'antz. —Jab'in qu'lqetz tzawe'j.

—Jab'ina'tz, chij Lu'. —Jaqu'l qetz tzawe'j, xhe'npe' tane'n ye awetz aya'pl, xhe'npe' tane'n ye awetz atzaq'il ye txolkunin atixhe't tan q'alb'aje'n e'ch tel b'e'chqetz ejnin tel qawa', che'ch kob'ox yaja'tz b'antz tetz Lu'. Na at nab'antku'n nab'nixkyen b'utx nqo chiwa' xna'n ejnin kyi'kt ye na'ul sqil.

—Pona axhb'inte'tz ye alq'om. B'anawetz kyi'tqlo' ttab'an na qotzun kxhe'lku'n qa'n swutz, che'chb'antz tetz Lu'.

—B'a'nb'in, chij Lu' b'antz. —B'a'nb'ina'tz qo ya'tz tane'n, chij Lu' b'antz.

Cha'tzkuntu' maqxe'n witz tetz Lu'tz tan talq'e'n b'utx ejnin waj skyuch'aq e' wunaq.

Na nsqenin b'en lo'on talaq' Lu' xhchixo'l wunaq chij.





TO'I'N XTXOLB'IL

TAJLAL (NÚMEROS)

Ye e'ch **Tajlal** (números) ya'stzun e'ch jilwutz yol ye nachixkon qa'n tan tajle'n e'ch taqle'n, na ilenin nataltzaj ye niky'na' at tk'u'laq jujun tx'aqaj. Ncha'tz nqe'tz ntin natal ye tajlal, ma na ncha'tz nacho'k tan chitxole'nin tan chijatxle'nku'n e'ch taqle'n. Cha'stzuntetz at e'ch jilwutz puntilil ye nachib'i'aj: **tajlal xone'n, tajlal txoli'n, ejnin tajlal jatx.**

• **Tajlal xone'n** (*números cardinales*)

Ye e'ch **tajlal xone'n** cho'n nachixkon tan tajle'n kyeqil e'ch jilwutz taqle'n ejnin ilenin cho'n b'ajxche' xhchiwutz kyeqil e'ch taqle'n ye natzan kyajle'n. Ye puntil qetz qa'jlan chipuntil qamam qate' junchnaqi'n nab'an. Cha'stzuntetz cho'n naxe'tnin jalen **txe'** nqo **xe'** jalen te'j b'elujlaj, ye na'elepone't ye naqaxe'tij tan ajla'n, cho'n naqi'pontzaj jujuninle'n jalen te'j junaq, ye naqajepon te'j ye jun weqa'tz naqa'j junt tir tan tajle'n junaqt tqan, ejnin ncha'tz junaqt, cho'nkuntu' naqab'entz tzi'n tan ajla'n. Ye puntil ajla'n tan lajlajinle'n junintzi' xe' nqo wutzi'n tane'n ma naqajepon te'j junlaj jalen te'j b'elulaj, kob'ku'n wutzi'n tane'n ye kyoq'b'e'nkyib', na'elepont ye kyoq'b'e'nkyib' tantu' ye (1 tu 9) ejnin ye na'oktzaj ye (lajuj) xlaj. Ye e'ch puntil ajla'n ye naqaxe'tnin te'j jun jalen b'elulaj i'tz e'a'j:

jun	uno	junlaj	once
kob'	dos	kob'laj	doce
ox	tres	oxlaj	trece
kyaj	cuatro	kyajlaj	catorce
o'	cinco	o'laj	quince
wuqaq	seis	waqlaj	dieciséis
juq	siete	juqlaj	diecisiete



wajxaq	ocho	wajxaqlaj	dieciocho
b'eluj	nueve	b'elujlaj	diecinueve
lajuj	diez	junaq	veinte

Ye na'iky' ajla'n tib'aj b'elujlaji'n, at kob' xtxolb'il tan xkonse'n **Junaq**. At jun ye cho'n naxkon tan tajle'n tajlal q'ej, ejnin junt tan kyajle'n kyeqil e'ch taqle'n. Ye b'ajx xtxolb'il cho'n nasaj xe' te'j ye xhe'n tane'n jun (**wunaq**). Na cho'n nasaj xe' ye b'i' te'j ye niky'na' wi' q'ab' ejnin wi' tqan jun wunaq at, cha'stzun tokle'n b'i'tz tentz tetz **Junaq**; ye ka'p xtxolb'il ye nab'i'aj **K'al** cho'n nasaj xe' ye b'i' te'j ye jun k'olaj xone'n (**k'alb'iltetz**) i'tz jun k'olaj taqle'n ye k'alij xechik'u'l ye nim tajlal. **Stzib'lal: Sjalaj xtx'olb'il xo'l e'ch yola'tz qa'n stzajsb'ilwi' ye jun u'je'j.**

Elsawutzil:

junaq q'ej	<i>veinte días</i>	junaq chem	<i>veinte sillas</i>
kawnaq q'ej	<i>cuarenta días</i>	kawnaq kxeb'aj	<i>cuarenta elotes</i>
oxjunaq q'ej	<i>sesenta días</i>	ox junaq k'ach	<i>sesenta redes</i>
kyaj junaq q'ej	<i>ochenta días</i>	kyaj junaq xaq u'j	<i>ochenta hojas de papel</i>
o' junaq q'ej	<i>cien días</i>	o'junaq wunaq	<i>cien personas</i>
lajuj junaq q'ej	<i>doscientos días</i>	o'laj junaq ujlub'	<i>trescientas leguas</i>

Ncha'tz sqile' ye e'ch puntil ajla'n ye cho'n nasaj xe' tan ajla'n le jujuninle'n jalen **lajuj**, na ya'stzun puntil xkonse'n tan chiweqle'nku'n e'ch jilwutz tajlal; ye na'elepone't cho'n naxe'tnin weqle'n e'ch lmaq tajlal te'j junlaj jalen je'naq tzi'n. (**Puntil tz'ajlan xhtya'n**)

Elsawutzil:

Jun	<i>uno</i>	Wuqaq	<i>seis</i>
Kob'	<i>dos</i>	Juq	<i>siete</i>
Ox	<i>tres</i>	Wajxaq	<i>ocho</i>
Kyaj	<i>cuatro</i>	b'eluj	<i>nueve</i>
O'	<i>cinco</i>	lajuj	<i>diez</i>

B'a'n lche'qaweqku'n kyeqil e'ch xtxolb'ila'tz ye jawi't qil skyuch' ye e'a'j: **junaq**, **k'al**, ejnin **mutx'** na ya'stzun e'ch tajlal ye nachixkon tan chiweqle'nku'n e'ch **junaqchinle'n**, **k'alinalle'n**, ejnin **mutx'inle'n**.



Elsawutzil:

Junaq jun q'ej	veintiún días	junaq kob' q'ej	veintidós días
Junaq kob' q'ej	veintidós días	junaq kyaj q'ej	veinticuatro días
Junaqlaj q'ej	treinta días	ka'wnaq q'ej	cuarenta días
Ka'wnaq tu lajuj q'ej	cincuenta días	ox junaq o'laj q'ej	setenta y cinco días
Wuqaq junaq	ciento veinte	juq junaq	ciento cuarenta
Wajxaq junaq	ciento sesenta	b'eluj junaq	ciento ochenta
Lajuj junaq	doscientos	kob'laj junaq tu lajuj	doscientos cincuenta
oxlaj junaq	doscientos sesenta	o'laj junaq	trescientos
b'elulaj junaq tu b'elulaj	trescientos noventa y nueve	jun k'al	cuatrocientos

Qile' ye qo ja'el qatxum tetz

- Qatz'ab'eku'n chib'i' e'ch tajlal ye kyib'e' le ama'l ye naqilku'n le jun techle'j.

Jun				O'			Wajxaq
			Kob'laj				
Juqlaj				Junaq jun			
		Junaq juq					
				Junaq juqlaj			Ka'wnaq
			Ka'wnaq kyaj				
	Ka'wnaq Lajuj					Ka'wnaq o'laj	
			Ox junaq				
					Ox junaq tu lajuj		
							Kyaj junaq
				Kyaj junaq tu o'			
	Kyaj junaq tu lajuj						
			O' junaq				

: E'ch Tajlal tul Txoli'n (números ordinales)

Ye b'i' jun jilwutz ajla'n cho'n nasaj te'j ye na'ok kyajle'n e'ch taqle'n tk'u'l txoli'n chitane'n: **b'ajx**, **ka'p**, **toxi'n**, b'ikuntunintz (etc.)



Kyeqil e'ch puntil ajla'n tul txoli'n nachiku' weqij chinab'an tajle'n e'ch tajlal xone'n. Ye jatxb'il xo'l ye jun jilwutz ajla'na'tz b'ajx naqal ye xe' puntil ajla'n, ma natzajponwi' naxkon jun stz'ab'l yol qa'n chitane'n ye june'j -i'n, tan tele'n qatxum tetz ye na'skyetz ama'lil naqatzane't tan ajla'n.

Elsawutzil:

b'ajx	primero	junlaji'n	décimo primero
ka'p	segundo	kob'laji'n	décimo segundo
toxi'n	tercero	oxlaji'n	décimo tercero
kyaji'n	cuarto	o'laji'n	décimo quinto
to'i'n	quinto	junaqi'n	vigésimo
wuqaqi'n	sexto	junaqlaji'n	vigésimo décimo
juqi'n	séptimo	ka'wnaqi'n	cuadragésimo
wajxaqi'n	octavo	ox junaqi'n	sexagésimo
b'eluji'n	noveno	kyaj junaqi'n	octogésimo
lajuji'n	décimo	o' junaqi'n	quincuagésimo

Qapile' xkonse'n e'ch jilwutz puntil ajla'na'tz ye ja'a'w qa'n, tan kob'ox elsawutzil ye na't nachixkone't le e'ch puntil qayol.

B'ajx kunin topone'n tetz Lu'ch tan chusu'n.	<i>María llegó primero a estudiar.</i>
Ka'p topone'n tetz Wa'n.	<i>Juan llegó de segundo.</i>
Toxi'n topone'n tetz Cha'n.	<i>Juana llegó en tercer lugar.</i>
Kyaji'n kyopone'n kyetz Pal tu Le's.	<i>Gaspar y Teresa llegaron en cuarto lugar</i>
To'i'n topone'n tetz ajtz'ak le chusu'nb'il.	<i>El enfermero llegó en quinto lugar en el aula.</i>

∴ **Jatxle'n tajlal** (números distributivos)

Ye jun jilwutz ajla'na'tz cho'n naxkon qa'n tan **jatxle'nku'n** e'ch jilwutz **tajlal** ye niky'nintu' nachib'ajnin jujun wunaq. B'a'n nache'qajatzku'n e'ch jilwutz tajlal xhchiwutzaq chitane'n: **jujuninle'n**, **kukob'inle'n**, **oxoxinle'n**, **kyajkyajinle'n**, lb'entunintz (etc). Ncha'tz b'a'n nachixkon tan xhchajle'n sqetz ye niky'na' lchib'ajnin jujun chitane'n xtxolb'ile'j: jujun tetz jujun, kukob' tetz jujun, oxox tetz jujun, b'ikuntunintz (etc).



Elsawutzil:

Jujuninle'n	<i>de uno en uno</i>	junlajinle'n	<i>de once en once</i>
Kukob'inle'n	<i>de dos en dos</i>	kob'lajinle'n	<i>de doce en doce</i>
Oxoxinle'n	<i>de tres en tres</i>	oxlajinle'n	<i>de trece en trece</i>
Kyajkyajinle'n	<i>de cuatro en cuatro</i>	kyajlajinle'n	<i>de catorce en catorce</i>
O'lo'inle'n	<i>de cinco en cinco</i>	o'lajinle'n	<i>de quince en quince</i>
Wuqaqinle'n	<i>de seis en seis</i>	waqlajinle'n	<i>de dieciséis en dieciséis</i>
Juquqinle'n	<i>de siete en siete</i>	juqlajinle'n	<i>de diecisiete en diecisiete</i>
Waxaqinle'n	<i>de ocho en ocho</i>	wajxaqlajinle'n	<i>de dieciocho en dieciocho</i>
B'elujinle'n	<i>de nueve en nueve</i>	b'elujlajinle'n	<i>de diecinueve en diecinueve</i>
Lajujinle'n	<i>de diez en diez</i>	junaqchinle'n	<i>de veinte en veinte.</i>

Jawi't qil puntil tan jatxle'n e'ch tajlal xhchiwutz jujun q'u'j ejnin naxkon jun tel **stz'a'b'l yol** qa'n ye nab'i'aj (clítico) ejnin cho'n naxkon tan lajluchaxe'n ye b'i naqatzan tan talche'n nqo tan jatxle'nku'n xo'l ye stz'a'b'l yol naxkon qa'n i'tz ye (**nle'n**) ejnin cho'n naxkon sju'len jujun yol.

Ma jalu' qile' ye kob'oxt txxolb'ile'j ye at junt stz'a'b'l yol na'ok sju'aqle'n ye jujun yol ejnin i'tz ye (**chaq**), natzan tan talche'n sqetz ye niky'na' lchib'aj ejnin jujun q'u'j nqo e' wunaq. **B'a'n lsb'anku'n ajchusunl kob'oxt elsawutzil.**

Elsawutzil:

Jujunchaq	<i>uno cada uno</i>	Junlajchaq	<i>once cada uno</i>
Kukob'chaq	<i>dos cada uno</i>	Koblajchaq	<i>doce cada uno</i>
Oxoxchaq	<i>tres cada uno</i>	Oxlajchaq	<i>trece cada uno</i>
Kyajkyajchaq	<i>cuatro cada uno</i>	Kyajlajchaq	<i>catorce cada uno</i>
O'lo'chaq	<i>cinco cada uno</i>	O'lajchaq	<i>quince cada uno</i>
Wuqaqchaq	<i>seis cada uno</i>	Wuqaqchaq	<i>dieciséis cada uno</i>
Juqchaq	<i>siete cada uno</i>	Juqlajchaq	<i>diecisiete cada uno</i>
Wajxaqchaq	<i>ocho cada uno</i>	Wajxaqlajchaq	<i>dieciocho cada uno</i>
B'elujchaq	<i>nueve cada uno</i>	B'elujlajchaq	<i>diecinueve cada uno</i>
Lajujchaq	<i>diez cada uno</i>	Junaqchaq	<i>veinte cada uno</i>



B'a'n lqapil kob'ox't elsa'wutzil ye na'ttzun nachixkone't e'ch jilwutz ajla'na'tz ye naqatzan tan chusu'n te'j. B'an xtxol ajchusunl kob'ox't xtxolb'il.

Jujunchaq chile' nitxa' ntaq' ta' jalu'.	<i>Papá dio una golosina a cada unode los niños.</i>
Kukob'chaq ky'ajaj nchib'ajnin ky'ajol.	<i>Dos cuerdas se les dio a cada unode los hijos.</i>
Oxoxchaq ch'okoj si' tajwe'n Itz'opon kya'n.	<i>Deben de llevar tres tercios de leña cada uno.</i>
Kyajkyajchaq awun nchikyaj le jun pe'm.	<i>En cada acorralla quedaron cuatro carneros.</i>
O'lo'chaq pwoq nchib'ajnin aq'unwil.	<i>A cada trabajador se le dio cinco monedas.</i>

Tajle'n tk'u'l anq'i'n nqo tquj, ejnin jatxle'n xo'l b'i e'ch taqle'n (Conteo de tiempo y distribución de sustantivos)

Kyeqil e'ch puntil ajla'n nq'e'tz ntin naxkon tan taq'le'n tajlal e'ch taqle'n sqetz, ma na ncha'tz naxkon tan tajle'n ye **anq'i'n nqo e'ch tquj** ye jawi't iky'kyen wuxtx'otx' **tajlal ama'l tk'u'l jun q'ej, smani'n, junaq q'ej** nqo tk'u'l **jun yob'**. Ncha'tz b'a'n naxkon tan jatxle'n chixo'l b'i e'ch **taqle'n, e' txuk, e' wunaq**, b'ikuntunintz (etc.)

Naxkon tan jatxle'n tk'u'l anq'i'n, tk'u'l e'ch q'ej ye jawi't iky'kyen (pasado), junaqch q'ej, tan lajluchaxe'n ye xtxolb'ila'tz naxkon jun tel stz'a'b'l yol qa'n ye nab'i'aj (sufijo) **-ix**, ite'nina'tz naxkon tan talche'n e'ch yob' ye jawi't chiky'kyen naxkon ite'nin stz'a'b'l yola'tz chij ye b'ajx xtxolb'il **-ix**. Ntinku'n tan talche'n **ewt** tu **kub'it** naxkon ye stz'a'b'l yol **-t**, ejnin **-it**.



Elsawutzil:

Ewt	<i>hace un día (ayer)</i>	Jun yob'ix	<i>hace un año</i>
Kub'it	<i>hace dos días (anteayer)</i>	Kob'ix yob'	<i>hace dos años</i>
Oxix q'ej	<i>hace tres días</i>	Oxix yob'	<i>hace tres años</i>
Kyajix q'ej	<i>hace cuatro días</i>	Kyajix yob'	<i>hace cuatro años</i>
O'ix q'ej	<i>hace cinco días</i>	O'ix yob'	<i>hace cinco años</i>
Wuqaqix q'ej	<i>hace seis días</i>	Wuqaqix yob'	<i>hace seis años</i>
Juqix q'ej	<i>hace siete días</i>	Juqix yob'	<i>hace siete años</i>
Wajxaqix q'ej	<i>hace ocho días</i>	Wajxaqix yob'	<i>hace ocho años</i>
B'elujix q'ej	<i>hace nueve días</i>	B'elujix yob'	<i>hace nueve años</i>
Lajujix q'ej	<i>hace diez días</i>	Lajujix yob'	<i>hace diez años</i>

Puntil xkonse'n:

Ja'el junaq juqix yob' ye kwe'nlemix jun chin wutzile'n kob'lanob'.

Ja'el Kyajix q'ej ye xe'tlemix oyintzi' le ama'l ye nab'i'aj Iraq.

Juqlajix yob' ta'n ye kwe'n xe'tzb'il molol wi' e'ch jilwutz yol Armit.

Tan talche'n ye anq'i'n tetz tzantzaj tk'u'l jun q'ej naqaxkonsaj ye stz'a'b'l yol **-t**. Tan talche'n jun yob' tzantzaj, ncha'tz naqaxkonsaj ite'nin stz'a'b'l yola'tz, sju'le'n b'i' ye jujun q'ej nqo yob'. Ntinku'n e'ch yol nqo tajlal **eqlen** ejnin **ka'pen** kyi na'ok stz'a'b'l yol te'j.

Elsawutzil:

Tajlal q'ej tzantzaj

Eqlen	<i>en un día (mañana)</i>
Ka'pen	<i>en dos días (pasado mañana)</i>
Oxt q'ej	<i>en tres días</i>
Kyajt q'ej	<i>en cuatro días</i>
O't q'ej	<i>en cinco días</i>
Wuqaqt q'ej	<i>en seis días</i>
Juqt q'ej	<i>en siete días</i>
Wajxaqt q'ej	<i>en ocho días</i>
B'elujt q'ej	<i>en nueve días</i>
Lajujt q'ej	<i>en diez días</i>

Tajlal yob' tzantzaj

Junt yob'	<i>en un año</i>
Kob't yob'	<i>en dos años</i>
Oxt yob'	<i>en tres años</i>
Kyajt yob'	<i>en cuatro años</i>
O't yob'	<i>en cinco años</i>
Wuqaqt yob'	<i>en seis años</i>
Juqt yob'	<i>en siete años</i>
Wajxaqt yob'	<i>en ocho años</i>
B'elujt yob'	<i>en nueve años</i>
Lajujt yob'	<i>en diez años</i>



Ncha'tz b'a'n naxkon tan chitxole'nku'n e'ch q'ej tu e'ch yob' tk'u'l txoli'n ejnin nachixkon kob' stz'a'pl yol -t, ejnin -i'n, ye nachib'i'aj (prefijos ej nin sufijos) jun xe'tzb'il, ejnin junt stzajsb'ilwi' ye b'ajx yol ye na'a'lontzaj tajlal, tan lajluchaxe'n sqawutz ye b'i'tz naqatzan tan yolche'n. Ntinku'n b'ajx q'ej kyi na'ok stz'a'b'l oyol te'j.

Elsawutzil:

B'ajx q'ej	en el primer día	B'ajx yob'	en el primer año
Tka'pi'n q'ej	en el segundo día	Tka'p yob'	en el segundo año
Toxi'n q'ej	en el tercer día	Toxi'n yob'	en el tercer año
Tkyaji'n q'ej	en el cuarto día	Tkyaji'n yob'	en el cuarto año
To'i'n q'ej	en el quinto día	To'i'n yob'	en el quinto año
Twuqaqi'n q'ej	en el sexto día	Twuqaqi'n yob'	en el sexto año
Tjuqi'n q'ej	en el séptimo día	Tjuqi'n yob'	en el séptimo año
Twajxaqi'n q'ej	en el octavo día	Twajxaqi'n yob'	en el octavo año
Tb'eluji'n q'ej	en el noveno día	Tb'eluji'n yob'	en el noveno año
Tlajuji'n q'ej	en el décimo día	Tlajuji'n yob'	en el décimo año

Qile' ye qo ja'el qatxum tetz

- Qatz'ab'eku'n chib'i' e'ch tajlal le txoli'n ye kyib'e' le ama'l ye naqilku'n le jun techle'j.

B'ajx				O'i'n			Wajxaqi'n
			Kob'laji'n				
Juqlaji'n			Junaqi'n				
		Junaq juqi'n					Junaq Kob'laji'n
				Junaq juqlaji'n			Ka'wnaqi'n
			Ka'wnaq kyaji'n				
	Ka'wnaq Lajuji'n					Ka'wnaq o'laji'n	
			Ox Junaqi'n				
					Ox junaq tu lajuji'n		
		Ox junaq tu o'laji'n					Kyaj junaqi'n
				Kyaj junaq tu o'i'n			
	Kyaj junaq tu lajuji'n						
			O' junaqi'n				



- ⋮ Qatz'ixpe'e'n le qayol e'ch tajlal ye ate' tzine'j. Qile'ku'n ye qo e' tajlal xone'n nqo e' tajlal txoli'n.

Cien		Trigésimo	
Tricentésimo		Nonagésimo	
Quince		Décimo quinto	
Vicentésimo tercero		Doscientos noventa	
Cuadragésimo		Quincuagésimo primero	

- ⋮ Qatz'ixpe'e'n le qayol e'ch txolb'il ye tz'ib'a'nche' le chiyol xhtya'n.
Los perros se comieron cuatro panes.

Los niños juntaron 399 naranjas para el día de la madre.

El aire botó la trigésima fila de milpa.

Juan entró corriendo en el cuadragésimo lugar.

Un árbol grande tiene 400 ramas.

- ⋮ Qatz'ib'e le chiyol xhtya'n e'ch jilwutz tajlal ye ate' tzine'j.

1. Junaq b'elujlaj.

2. Kawnaq junlaj.

3. Ox junaq tu o'laj.

4. Kyaj junaq tu jun.

5. O' junaq tu lajuj.

6. Wuqaq junaq tu b'elujlaj

7. Juq junaq tu wajxaqlaj.

8. Wajxaq junaq tu kyajlaj.

9. O'laj junaq tu oxlaj.

10. Waqlaj junaq tu b'eluj.



| Qatz'ib'e'ku'n jun xtxolb'il te'j jujun yol ye tz'ib'anche' le jun u'je'j.

1. To'i'n: _____
2. Kyaji'n q'ej: _____
3. Tjuqi'n yob': _____
4. Kyajt q'ej: _____
5. Wuqaqt yob': _____



WUQAQI'N XTXOLB'IL

CHAJB'IL TAQLE'N (ADJETIVOS)

Ye e'ch **chajb'il taqle'n** (adjetivos), ya'stzun e'ch jilwutz yol ye nachixkon tan xhchajle'n ye xhe'nkunin kytane'n e'ch **taqle'n** e' **txuk** nqo e' **wunaq**; ye xtxolb'ila'tz b'an naxhchaj ye: e'ch xtx'o'txl chitane'n t'olo'x (redondo) ko'chaq (pequeño), ejnin b'a'n naxhchaj kob'oxt xtxolbi'l ye xhe'n tane'n (cualidades) e'ch jilwutz b'alaj nqo ploj txumu'n chitane'n: wi'nin tajtza'ql (inteligente), b'alaj (bueno), chin b'alajil (altruista). Kyeqil e'ch chajb'il taqle'na'tz ilenin cho'n b'ajxche' swutz **chib'i' e'ch taqle'n** (sustantivos).

Elsawutzil:

Jilwutz chajb'il taqle'n (Clases de Adjetivos)

Xhe'n tane'n Forma	Xtx'o'txl Tamaño	Jibe'l Color	Kob'oxt xtxolb'il xhe'n tane'n Otras Cualidades
Setex <i>Circulo</i>	Nim <i>Grande</i>	Saq <i>Blanco</i>	Ky'aj <i>Perezoso</i>
T'olox <i>Bola</i>	Juy <i>Pequeño</i>	Q'eq <i>Negro</i>	K'ask'uj <i>Diligente</i>
Xhqinix <i>Largo</i>	Ko'chaq <i>Pequeños</i>	Kyat <i>Rojo</i>	K'ulutxum <i>Obediente</i>
Lepex <i>Plano</i>	Lmaq <i>Grandes</i>	Q'an <i>Amarillo</i>	Aq'unwil <i>Trabajador</i>
Pim <i>Grueso</i>	Ni'ku'n <i>Igual</i>	Txa'x <i>Verde</i>	Tz'il <i>Sucio</i>
Xax <i>Delgado</i>	Tokye'n- Ku'ntu' <i>Mediano</i>	Txib' <i>Azul</i>	Txo'm wutz <i>Desnutrido</i>
Q'eb'ex <i>Ovalado</i>	Ajnaqtzaj <i>Regular</i>	Xq'inko'j <i>Cafés</i>	Saqchom <i>Jugador</i>

Puntil xkonse'n:

Jantx'aj **tz'il** te'j e'ch b'e'chaq Tzisanwan.
Lave la ropa sucia en el río san Juan.



Wil wetz ye cho'n na'ojqel jun **saq tx'i'** xo'l ka'l tnum.
Vi un perro blanco corriendo por la calle del pueblo.

Chin lajqe'lnin tane'n tel **ne'xh kneru'** ye nkutzaj xlaq wutz.
El carnerito tierno bajó corriendo por la ladera del cerro.

Kob'oxt elsawutzil te'j e'ch **chajb'il taqle'n** (adjetivos) ye junintzi' weq tane'n talche'n chib'i', qale naqilku'nt ye xe'tzb'il e'ch yola'tz ilenin e'ku'n QTQ, (**Quliltz'ib'**, **Talma'tz'ib'** ejnin **Quliltz'ib'**), at kob'oxt ye e'ku'n QTQQ.

Elsawutzil:

Ak'	mojado	sqoj	ccristalino
Chi'	dulce	t'uch'	suave
Kotx	flojo	txaq	ordinario
Kup	corto/tunco	xhb'i'l	pelado
Kyiw	fuerte/duro	mam	macho
Sb'a'j	mancha blanca	sqej	seco

Kob'oxt elsawutzil te'j e'ch **chajb'il taqle'n** (adjetivos) ye kob'ku'n weql tane'n talche'n chib'i', qale naqilku'nt ye xe'tzb'il weql e'ch yola'tz ilenin ate' e'ch QT, (**Quliltz'ib'** ejnin **Talma'tz'ib'**) ejnin at e' ye QTQ, at kob'oxt ye e'ku'n QTQQ.

Elsawutzil:

Ak'aj	nuevo	Qatza'l	roto
Lajluch	claro/observable	Qinkuj	elástico
Ch'akan	pegajoso	Sq'itix	muy gordo
Patz'ax	aplastado	q'upux	muy gordo

Ncha'tz at **chajb'il taqle'n** (adjetivos) ye kob'ku'n yol kyoq'b'e'nkyib' tan talche'n jun txolb'il.

Elsawutzil:

Patxpuj	endu
Pitz'puj	salac
Pixhpuj	meza
Putzpuj	suav
Spaq'puj	pálic
Pajpuj	duro

**Puntil xkonse'n:**

Jalkunin nchipatxpax e'ch sub', tanpaj maxhchan el wiq'aq'.

Ya se enfriaron los tamalitos, porque hace rato se cocinaron.

Chin pitz'pujnin a' ye pi'lij jalen luku'n.

El agua de mar es muy salada.

Chin plojnin ye qo Pixhpuj jun yaj.

Es malo ser muy tacaño.

Chin Tiptujnin tapa'l ye ntaxq q'anax.

El sabor del nance es muy desagradable cuando no ha madurado.

Qile' ye qo ja'el qatxum tetz

- Qatz'ib'e'ku'n junaq tqan chajb'il taqle'n ye nataltzaj xhe'n kytane'n e'ch taqle'n (Forma).

- Qatz'ib'eku'n kob'ox txolb'il qale lchixkone't e'ch chajb'il taqle'n ye na'a'lon xtx'o'txl sqetz (Tamaño).

- Qab'ane' kob'ox txolb'il qale lchixkone't e'ch chajb'il taqle'n qa'n ye ate'tz tzine'j.

Tz'il: _____

Xtantuj: _____

Pim: _____

Putzpuj: _____

K'ulutxum: _____

- Qatz'ib'e'kun kob'ox txolb'il ye b'i'tz ye nme'l qatxum tetz nqo kyi nme'l qatxum tetz ye jawi't qachusun te'j, ejnin qatx'ole' xo'l tu chusulqetz.





JUQI'N XTXOLB'IL

CHAJB'IL TQANIL (DEMOSTRATIVOS)

Ye e'ch **Chajb'il Tqanil** (Demostrativos) i'tz e'ch tel ne'xh pixha'lil yol ye cho'n nachixkon tan xhchajle'n xo'l tqanil kyeqil e'ch taqle'n; wunaq, txuk nqo e'ch jilwutz txumu'n. Ye e'ch chajb'il xo'l tqanil taqle'na'tz cho'n nachixkon tan talche'n niky'na' xo'l ate't e'ch taqle'n skyuch' e' wunaq ye nachitzan tan yol tib'aj. At nab'antku'n b'a'n nachixkon tetz **chajb'il taqle'n** (adjetivos) ejnin tetz **xel b'i'aj** (pronombres). Nachixkon e'ch pixha'l yola'tz tan talche'n ye ama'l qale ate'kyent e'ch taqle'n, **naqa'j** nqo **joylaj**: **-e'j**, **-ej**, **-a'j** ejnin **-e'a'j**.



Elsawutzil:

Ye june'j	(naqa'jku'n)	éste, ésta, esto	(lugar cercano)
Ye junej	(joylajlen)	ése, ésa, eso	(lugar retirado)
Ye e'a'j	(naqa'jku'n)	estas, estos	(lugar cercano)

Puntitl xkonse'n:

1. Tky'ajtzaju' jun sa'chb'ile'j. Traiga ese juguete.	→	¿Ipe' june'j? ¿Éste?
2. ¿B'i sa'chb'ilil nsaj tky'alu'? ¿Qué juguete trajo?		Ye junej . Aquel .
3. ¿Na'skyetz eqtzil nchu'l ita'n? ¿Qué cargas trajeron?		Ye e'a'j . Éstos .

Chajb'il taqle'n ejnin chajb'il xo'l tqanil (Adjetivo Demostrativo)

Ye qo i'tz jun chajb'il xo'l tqanil (Adjetivo Demostrativo), at kob' puntitl xkonse'n: b'a'n naxkon txo'l jun xtxolb'il ejnin b'a'n na'iky' tky'aj xkonse'n stzajsb'ilwi' b'i' jun taqle'n (sustantivo). Qo cho'n naxkon tetz



stzajsb'ilwi' b'i' e'ch taqle'n kyit naxkon te'j yol (june'j) ma na cho'n naxkon te'j b'i' e'ch taqle'n tan talche'n na'skyetz ama'lil ate'kyent.

Elsawutzil:

Ye jun yaje'j este hombre
Ye jun yab'ile'j esta enfermedad
Ye jun tze'a'j este árbol
Ye jun tx'i'a'j este perro
Ye e' wakxhe'j estas vacas
Ye jun chejej ese caballo

Puntil xkonse'n:

Wi'nin nachinpeq' te'j jun aq'une'j.	Este trabajo me gusta.
Qajsqe'n wutz ye jun wunaqe'j.	Conocemos a aquella persona.
Jaxhcha'q e'a'j tan saja'ch xe'nka'l.	Esos llegaron a jugar a mi casa.
Ye jun tel nitxa'e'j wi'nin b'alaj txumu'n tuch'.	Ese niño tiene muy buenas ideas.
¡Ilwoqnin jun k'oloy wunaqe'j!	¡Miren ese grupo de personas!

Ncha'tz qile' kob'oxt yol ye naxkon tan xchajle'n tqanil na't ate'kyent e'ch taqle'n chitane'n: **tzine'j, chine'j, tzinej, tzone'j.**

Elsawutzil:

Tzine'j **Aquí**
Chine'j **Allá/allí**
Tzone'j **Acá**
Tzinej **Ahí**

Puntil xkonse'n:

Cho'n baje'n x...
tzine'j.
Cho'n b'aje'n k...
lob'aj tzine'j.
Cho'n xqa'qe'n
aq'un.
Cho'n at kyulb
Cho'n ate' umu



Qapile' ye qo ja'el qatxum tetz:

- Qatz'ib'e' lajuj yol ye naxkon e'ch chajb'il xo'l tqanil ta'n.

- ⋮ Che'qatx'ixpe'e'n e'ch yola'j le qetz qayol.

Aquí:	_____	Allí:	_____
Allá:	_____	Ahí:	_____
Acá:	_____		

- ⋮ Qatz'ib'e' jun xtxolb'il qale lchixkone't e'ch yol chajb'il xo'l tqanil qa'n.





WAJXAQI'N XTXOLB'IL

YUKB'IL TXUMU'N (VERBOS)

Ye e'ch **Yukb'il Txumu'n** (Verbos) ya'stzun e'ch jilwutz yol ye nachixkon tan talche'n kyeqil e'ch taqle'n ye (**naqab'an** nqo **naqatxum**). Ye e'ch jilwutz yola'tz cho'n nachixkon tan xhchajle'n ye xhe'n naqab'an tan xkonse'n kyeqil e'ch weql ye qayol te'j ye b'iku'n naqab'an ejnin b'ikunin naqatxumun te'j chitane'n: **b'ixi'n**, **o'ql**, **wa'a'n**, **tz'itpu'n**, **txumu'n**, **txime'n**, **nachle'n**, **tb'ite'n** ejnin at jun k'olojt. Tan e'ch yola'tz (yukb'il txumu'n) nalajluchax sqawutz ye b'i tqujil, tona', xhe'n natzan b'anle'n e'ch taqle'na'tz, ejnin na'skyetz e' nab'anontetz.

Elsawutzil:

Jilo'n	hablar	xhchajle'n	enseñar
ch'eya'n	ayudar	txumle'n	pensar
xo'n	caminar	tx'ixpe'n	cambiar
xky'aqli'n	burlarse	lo'o'n	comer frutas
tze'e'n	reír	wa'a'n	comer

Le e'ch yola'tz **Yukb'il Txumu'n**, nachixkon kob'oxt tel weql yol ta'n tan lajluchaxe'n sqawutz na'skyetz wunaqil nqo taqle'nil natzan tan yol te'j le jujun txolb'il. Ye e'ch yola'tz ye wi'nin nachixkon nachib'i'aj: **ye juna'tz** (sujeto) ya'stzun ye jun ye na'tzun natzan tan yukib' nqo b'ikuntu' nab'an le jun txolb'il, **taqle'n** (objeto) ya'stzun ye taqle'n ye na'ok yuke'n nqo na'ok xkonse'n.

Ye e'ch jilwutz weq ye nachixkon le jujun txolb'il nqo chusu'na'tz nachib'i'aj: **Tajlal wunaq le txolb'il** (personas gramaticales), ejnin i'tz e'a'j: ye wunaq natzan tan yol le jun txolb'il ya'stzun **b'ajx wunaq** (primera persona), ye wunaq ye natzan tan tb'ite'n yol ya'stzun **ka'p wunaq** (segunda persona), ejnin ye junt wunaq ye na'ok yolche'n le jun txolb'il ejnin kyi'k i' atz xhchixo'l e' ye nachitzan tan yol ya'stzun **toxi'n wunaq** (tercera persona)



Ye e' wunaqa'tz ye nachina'wsij le e'ch jilwutz txolb'il at nab'antku'n ye xhchukl nqo ala' chixone'n nachina'wsij le e'ch txolb'ila'tz cho'n naxom te'j puntil yol ye natzan qb'al. At kob' jilwutz **yukb'il txumu'n**, ye nachixkon, cho'n xom te'j ye niky'na' wunaq natzan china'wse'n le jun yukb'il txumu'na'tz, cha'stzentetz at e' ye nachib'i'aj: **Yukb'il Txumu'n ye Xhchukl te'j**, ejnin **Yukb'il Txumu'n ye Ncha'tz Nab'aj Twi' Junt.** (Verbos Intransitivos y Transitivos)

Elsawutzil:

Le Qayol		Le Chiyol Xhtya'n	
In	b'ajx wunaq xhchukl	yo	1ª. Persona singular
Axh	ka'p wunaq xhchukl	tú	2ª. Persona singular
i'	toxi'n wunaq xhchukl	él	3ª. Persona singular
o'	b'ajx wunaq ala' chixone'n	nosotros	1ª. Persona plural
axwoq	ka'p wunaq ala' chixone'n	vosotros	2ª. Persona plural
e'	toxi'n wunaq ala' chixone'n	ellos/ellas	3ª. Persona plural

Puntil xkonse'n:

Qapile' xkonse'n weql e'ch yol te'j kob'ox **yukb'il txumu'ne'j**: saja'ch ejnin wa'a'n le ox jilwutz tquj ye naqaxkonsaj; **Tenxhchan**, **jalu'** ejnin **tzantzaj**.

Nuch'e'nku'n yukb'il txumu'n Saja'ch

Tenxhchan (Pasado)	Jalu' (Presente)	Tzantzaj (Futuro)
N saqchij	Nachinsaqchij	Chinsaqchoq
A ksaqchij	Naksaqchij	Ksaqchoq
Saqchij i'	Nasaqchij i'	Saqchoq i'
Osaqchij	Naqasaqchij	Qasaqchoq
Iksaqchijwoq	Naksaqchijwoq	Ksaqchoqwoq
Isaqchij	Nachisaqchij	Chisaqchoq

Junt puntil tan talche'n ite'nin yukb'il txumu'na'tz.

Tenxhchan	Jalu'	Tzantzaj
Nsaqchij wetz	Nachinsaqchij wetz	Chinsaqchoq wetz
Aksaqchij atz	Naksaqchij atz	Ksaqchoqatz
Saqchij i' tetz	Nasaqchij i' tetz	Saqchoq i' tetz



Osaqchij qetz	Naqasaqchij qetz	Qasaqchoq qetz
Iksaqchijwoq itetz	Naksaqchijwoq itetz	Ksaqchoqwoq itetz
Isaqchij kyetz	Nachisaqchij kyetz	Chisaqchoq kyetz

Conjugación del verbo Jugar

Pasado	Presente	Futuro
Yo jugué	Yo juego	Yo jugaré
Tú jugaste	Tú juegas	Tú jugarás
El jugó	El juega	El jugará
Nosotros jugamos	Nosotros jugamos	Nosotros jugaremos
Vosotros jugasteis	Vosotros juegan	Vosotros jugareis
Ellos jugaron	Ellos juegan	Ellos jugarán

Nuch'e'ngu'n yukb'il txumu'n Wa'a'n

Tenxhchan	Jalu'	Tzantzaj
Nwan	Nachinwan	Chinwanq
Axhwan	Nakxhwan	Xhwanq
Wan i'	Nawan	Wanq i'
Owan	Naqawan	Qawanq
Iwanwoq	Naxwanwoq	Xwanqwoq
Iwan	Nachiwan	Chiwánq

Conjugación del verbo Comer

Pasado	Presente	Futuro
Yo comí	Yo como	Yo comeré
Tú comiste	Tú comes	Tú comerás
El comió	El come	El comerá
Nosotros comimos	Nosotros comemos	Nosotros comeremos
Vosotros comisteis	Vosotros comen	Vosotros comeréis
Ellos comieron	Ellos comen	Ellos comerán

At jun tx'aqaj yukb'il txumu'n ye ntinku'n najilon tib'aj na'skyetz wunaqil natzan tan b'anle'n e'ch taqle'n nqo yukib', ye jun tx'aqaj yola'tz nachib'i'aj: **Yukb'il Txumu'n ye Xhchukl te'j** (Verbo Intransitivo). Na'elepont ye kya'l junt nab'aj tk'u'l ye b'i nab'an ye juna'tz ye natzan tan b'anle'n taqle'n.

Elsawutzil:

Tze'e'n	Reír	Jichi'n	Nadar
Watl	Dormir	Oke'n	Entrar



O'ql	Llorar	B'itzi'n	Cantar
Xo'n	Caminar	Ojqe'l	Correr
Xmayi'n	Mirar	Txumu'n	Pensar

Puntil xkonse'n:

Natze'en tuch' Pla's xeka'l.	<i>El amigo de Francisco ríe en la casa.</i>
B'enaqnin tel ni' tan watl.	<i>El niño está bien dormido.</i>
O'ql nab'an xna'n tanpaj jakyim tal.	<i>La señora llora por la muerte de su hijo.</i>
Jachiq'e'xij e' nitxa' tan xo'n.	<i>Los niños se cansaron por mucho caminar.</i>
Cho'n nchib'en xun tan xmayi'n.	<i>Las niñas se fueron a mirar.</i>

At junt tx'aqajt yukb'il txumu'n ye nq'etz ntinkuntu' naxhchaj ye na'tzun nab'anon e'ch taqle'n ma na kyeqil e'ch taqle'na'tz ncha'tz nab'aj twi' junt, ye jun tx'aqaj yola'tz nachib'i'aj: **Yukb'il Txumu'n Ncha'tz Nab'aj Twi' Junt** (Verbos Transitivos)

Elsawutzil:

Wa'a'n:	Nawan ejnin nab'aj taqle'n ta'n.
Comer:	Come las cosas y consume.
B'iyon:	Nab'iyon ejnin nalo'on junt ta'n.
Pegar:	Pega y sufre la persona o cosa.
Stz'amle'n:	Natz'amon ejnin natx'amxij ta'n,
Agarrar:	Agarra y atrapa.
Q'ale'n:	Naq'alun ejnin naq'al junt.
Abrazar:	Abraza también la otra persona
Stz'ub'le'n:	Natz'ub'in ejnin nastz'ub junt.
Besar:	Besa y besa a otra persona.

Puntil xkonse'n:

Biyo'n nb'an Pal te'j txxu'.	<i>Gaspar le pegó a su mamá.</i>
Cho'n nb'en ta' tan stzamle'n umul.	<i>Papá se fue a agarrar conejos.</i>
Q'alu'n Cha'n tan txxu' xeka'l.	<i>La mamá de Juana la tiene abrazada en su casa.</i>
Natzan Ko' tan stz'ub'le'n xaaq stzi' titz'un.	<i>Diego besa a su hermanito.</i>
Jaku' k'alol ta' wutz xajab' ky'ajl.	<i>El papá amarra los zapatos de su hijo.</i>



Ye jatxb'ilil xo'l ye kob' jilwutz yukb'il txumu'n i'tz, ye e' **yukb'il txumu'n xhchukl te'j** (verbos intransitivos) ye nqil b'ajxku'n, i'tz ye wunaq nqo e' txuk chichuk nachitzan tan b'anle'n e'ch taqle'n nin kya'l nab'aj tk'u'l ye b'i nachib'an, chitane'n ye elsawutzil ye jawi't qil; **Qo nawit jun ni', kya'l junt natzan tan muk'le'n nqo tan nachle'n ye b'i nab'an.**

Matzun e'ch yol ye nachib'i'aj **yukb'il txumu'n ye ncha'tz nab'aj twi' junt** (verbos transitivos), nqe'tz ntin ye na'tzun natzan tan b'anle'n ye taqle'n nanachon te'j, ma na ncha'tz at junt nab'aj tk'u'l ye b'i natzan b'anle'n, chitane'n ye elsawutzil ye jawi't qil; **na qo nab'iyon jun wunaq, nq'e'tz ntin natzan tan b'iyon ma na ncha'tz at junt natzan tan muk'le'n ye natzan b'iyon.** Na'elepont ye tajwe'n at kob' xone'n tan b'anle'n jun taqle'n.

Tona' lb'ajij/ejnin e'ch jilwutz Yukb'il Txumu'n

(Tiempo/Aspecto en los Verbos)

Tona' nab'ajij ya'stzun ye jujun tquj ye nab'ajij e'ch taqle'n nqo e'ch yukib', chitane'n: **tenxhchan, jalu' ejnin tzantzaj** (Pasado, Presente y Futuro). Ma ye e'ch jilwutz yukb'il txumu'n, naxhchaj sqetz ye xhe'n nab'an ye naku' xe'tzb'il, nab'entunintz, ejnin ye natzajponwi' jun chukib'a'tz. Ye xe' e'ch xtxolb'ila'tz ye Tona' lb'ajij/ejnin e'ch jilwutz yukb'il txumu'na'tz ye nachixkonsij nachib'i'aj: **Jab'nixkyen tane'n** (Completado o Culminado), **Txa'n b'nix, ana' natzan b'anle'n** (Incompletivo), **Txa'n ok b'anle'n, ana' natzan txumu'n te'j** (Potencial), ejnin **Natzan b'anle'n jalku'n** (Progresivo). Sqile' jalku'n xhe'n nab'an xkonse'n ye jujun.

Jab'nixkyen tane'n (Completivo)

Ye e'ch jilwutz yukb'il txumu'na'tz naxhchaj sqetz ye tenb'nix tane'n e'ch taqle'na'tz (completado). Cho'n nalajluchax te'j e'ch tel techl tz'ib'a'n ye nachixkon xe'tzb'il ye jujun yol le e'ch xtxolb'ila'tz chitane'n: **ten-**.

Elsawutzil:

Tennu'je'	Descansé
Tenchinwit	Dormí
Tenchinxtx'it	Él/ella me pateó



Tenqopon	Llegamos
Tenxqatx'itwoq	Nosotros los pateamos a ustedes
Tenqatz'itpun	Brincamos
Tenqawan	Comimos
Ten el	Salió

Txa'n b'nix, ana' natzan b'anle'n. (*Incompletivo*)

Ye junt jilwutz yukb'il txumu'na'tz nalajluchax tan e'ch tel ne'xh techl tz'ib'a'n "**na**" ye nachixkon xe'tzb'il jujun yol ye najilon tib'aj toxi'n wunaq. Ye e'ch techla'tz naxhchaj sqetz ye ana' natzan b'anle'n e'ch taqle'na'tz txa'n tzajwi', na'elepont ye tzantzaj ltzajku'nwi' b'anle'n.

Elsawutzil:

Nakxhwan	Comes
Nakxhchaqon	Llamas
Na'ujulin	Él/ella siembra
Naqoq'	Lloramos
Nachitzan tan iteqe'n	Los carga a ustedes
Naqaxhit'e'n	Lo pellizcamos
Nachitz'itpun	Brincan
Nacho'jqel	Corren

Txa'n ok b'anle'n, ana' natzan txumu'n te'j (*Potencial*)

Ye jun jilwutz txolb'ila'tz ye tona' nab'ajij/ejnin e'ch jilwutz yukb'il txumu'n (Tiempo/Aspecto), naxhchaj sqetz ye txa'nkunin ok b'anle'n jun taqle'n ana' natzan txumu'n tan b'anle'n kyikuninb'atz sb'nixox tzantzaj. Cho'n nalajluchax tan e'ch tel techl tz'ib'an "**chin**" ye naxkon xe'tzb'il jujun yol.

Elsawutzil:

Chinwanq	Comeré
Chinsaqchoq	Jugaré
Chinchusunq	Estudiaré
Chinxonq	Caminaré
Chinkayinq	Pescaré
Chintz'ib'anq	Escribiré
Chinu'meq	Me casaré
Chinxhch'inq	Gritaré



Natzan b'anle'n jalku'n (Progresivo)

Ye jun txolb'ila'tz, natzan tan talche'n sqetz ye **natzan b'anle'n e'ch taqle'n jalku'n** (Progresivo). Ye jun tx'aqaj yola'tz naxe'ttzaj b'anle'n ma'xhchankyen ejnin stzajqwi' axen mu'xht, i'tz jun taqle'n ye jalku'n nab'nix. Cho'n nalajluchax ta'n e'ch tel techl tz'ib'an **na, chin, chi, kxhtzan, qatzan, tan** ye naxkon xe'tzb'il jujun yol.

Elsawutzil:

Nakxhtzan tan b'ixi'n	Estás bailando
Naqatzan tan b'ixi'n	Estamos bailando
Nakxtzanwoq tan xmayi'n	Están viendo (ustedes)
Nachitzan tan chusu'n	Están estudiando (ellos/ellas)
Nachintzan tan atx'itle'n	Te estoy pateando
Nakxtzan tan nyajle'n	Me estas regañando
Natzan aky'iky'le'n	Te están cuidando
Natzan tan ky'iky'le'n	Él lo/la está cuidando

Yukb'il txumu'n ye naxhchaj na't nacha'jtnin e'ch taqle'n (Movimiento y Dirección)

Ya'stzun e'ch jilwutz yol ye naxhchaj sqetz ye nachiyukyib' ejnin na't nacha'jtnin e'ch taqle'n le jun yukb'il txumu'n chitane'n kob'ox txolb'ile'j: **tzine'j jalen chine'j** ejnin **chine'j jalen tzine'j**. Natzan tan xhchajle'n sqetz ye na't nacha'jtnin ejnin na't nachisaje't e'ch taqle'na'tz chitane'n kob'ox elsawutzile'j: **lije'naq, lukun'naqtzaj, tzi'nkyen, jalen stzo'lte'jlen**. Ejnin at kob'ox txolb'il ye sqile'.

Elsawutzil:

Cho'n nsaj tq'ol chine'j jalen tzine'j .	Lo mandó (de allá para acá).
Cho'n nb'en tq'ol tzine'j jalen chine'j .	Lo mandó (de aquí para allá).
Cho'n nb'itzintzaj chine'j jalen tzine'j .	Cantó (de allá para acá).
Cho'n njilonin tzine'j jalen chine'j .	Habló (de aquí para allá).

At junt txolb'il ye naxhchaj sqetz ye na'tzun natzan tan b'anle'n e'ch taqle'n nqo nayuktib' cho'n at joylajlen, na'elepont ye jun ye najilon cho'n at tzone'j ma ye junt ye nayuktib' cho'n at joylajlen.



Elsawutzil:

Jasaj wilol chine'j jalen tzine'j .	<i>Lo vi de allá para acá.</i>
Jasaj awilol chine'j jalen tzine'j .	<i>Lo viste de allá para acá.</i>
Jasaj tilol chine'j jalen tzine'j .	<i>Lo vio de allá para acá.</i>
Jaquil tzawuch' (axh ejnin in) chine'j jalen tzine'j .	<i>Lo vimos (tú y yo) de allá para acá.</i>
Jaquilqetz (i' ejnin in, nq'e'tz axh) chine'j jalen tzine'j .	<i>Lo vimos (él y yo, no tú) de allá para acá.</i>
Jaquil (qakyeqil) chine'j jalen tzine'j .	<i>Lo vimos todos de allá para acá.</i>
Ja'itilwoq itetz chine'j jalen tzine'j .	<i>Lo vieron ustedes de allá para acá.</i>
Jakyilkyetz (e') chine'j jalen tzine'j .	<i>Lo vieron ellos/ellas de allá para acá.</i>
Chinjonqtzaj chine'j jalen tzine'j .	<i>Hablaré de allá para acá.</i>
Kxhjonqtzaj chine'j jalen tzine'j .	<i>Hablarás de allá para acá.</i>
Sjonqtzaj chine'j jalen tzine'j .	<i>Hablará de allá para acá.</i>
Qajlonqtzaj tzawuch' (axh ejnin in) chine'j jalen tzine'j .	<i>Hablaremos (tú y yo) de allá para acá.</i>
Qajlonqtzaj tuch' (i' nin in, nq'e'tz axh) chine'j jalen tzine'j .	<i>Hablaremos (él y yo, no tú) de allá para acá.</i>
Qajlonqtzaj (qakyeqil) chine'j jalen tzine'j .	<i>Hablaremos (todos) de allá para acá.</i>
Kxjonqtzajwoq chine'j jalen tzine'j .	<i>Hablaran ustedes de allá para acá.</i>
Xhchijlonqtzajkyetz (e') chine'j jalen tzine'j .	<i>Hablaran ellos/ellas de allá para acá.</i>

Ma jalu' sqile' kob'ox't ye naxhchaj sqetz ye jun ye natzan tan b'anle'n e'ch taqle'n nqo nayuktib' cho'n nab'anin e'ch taqle'n tzine'j jalen chine'j. Na'elepont ye jun ye najilon cho'n at tzine'j chitane'n ye jun ye nayuktib'.



Elsawutzil:

Jab'en wilol tzine'j jalen chine'j .	<i>Lo vi de aquí para allá.</i>
Ja'awil tzine'j jalen chine'j .	<i>Lo viste de aquí para allá.</i>
Jab'en tilol tzine'j jalen chine'j .	<i>Lo vió de aquí para allá.</i>
Jaqil tzawuch' (axh tu in) tzine'j jalen chine'j .	<i>Lo vimos (tú y yo) de aquí para allá,</i>
Jaqil tuch' (i' ejnin in, nq'e'tz axh) tzine'j jalen chine'j .	<i>Lo vimos (él y yo, no tú) de aquí para allá.</i>
Jaqil (qakyeqil) tzine'j jalen chine'j .	<i>Lo vimos (todos) de aquí para allá.</i>
Ja'itilwoqitetz tzine'j jalen chine'j .	<i>Lo vieron ustedes de aquí para allá.</i>
Jakyilk yetz (e') tzine'j jalen chine'j .	<i>Lo vieron ellos/ellas de aquí para allá.</i>
Chinjonqnin tzine'j jalen chine'j .	<i>Hablaré de aquí para allá.</i>
Kxhjonqnin tzine'j jalen chine'j .	<i>Hablarás de aquí para allá.</i>
Sjonqnin tzine'j jalen chine'j .	<i>Hablará de aquí para allá.</i>
Sqajlonqnin (axh ejnin in) tzine'j jalen chine'j .	<i>Hablaremos (tú y yo) de aquí para allá.</i>
Sqajlonqnin tuch' (i' ejnin in, nq'e'tz axh) tzine'j jalen chine'j .	<i>Hablaremos (él y yo, no tú) de aquí para allá.</i>
Sqajlonqnin (qakyeqil) tzine'j jalen chine'j .	<i>Hablaremos (todos) de aquí para allá.</i>
Kxjonqnin (itetz) tzine'j jalen chine'j .	<i>Hablarán ustedes de aquí para allá.</i>
Xhchijlonqkyetz (e') tzine'j jalen chine'j .	<i>Hablarán ellos/ellas de aquí para allá.</i>

Puntil yukb'il txumu'n (El Modo Verbal)

Tan e'ch jilwutz **Puntil Yukb'il Txumu'n** (Modo Verbal) nalajluchax sqawutz ye b'i naxtxum, b'i nab'an, b'i nataj nqo b'i nayol ye wunaqa'tz. At nab'antku'n ye e'ch taqle'na'tz ye nakyal i'tz: **kawu'n**, **ku'switzil**, **b'ixb'aje'n jun taqle'n**, nqo b'ikuntunintz etc. Tan e'ch xtxolb'ila'tz sqile' ejnin qachuse'qib' te'j ye xhe'n nab'an chiweqle'nku'n:

• **Kawu'n tan b'anle'n** (El Imperativo)

Tan ye jun jilwutz puntil yol nalajluchax sqawutz ye wunaq ye najilon natzan tan taqle'n jun **ka'wl tan b'nixe'n jun taqle'n**. Ye jun jilwutz yola'tz ntin b'a'n naxkon le e'ch xtxolb'il qale najilone't skye'j



ka'p wunaq ye **xhchukl** (singular) ejnin skye'j toxi'n wunaq ye **ala' chixone'n** (plural), ncha'tz b'a'n naxkon le e'ch xtxolb'il ye najilon skye'j e' ka'p wunaq ye ala' chixone'n (plural).

Qile' kob'ox xtxolb'il qale nakawune't jun tan b'nixe'n e'ch taqle'n

Elsawutzil:

Wan	Comé (come tú)
Wanq	Que coma él
Wanwoq	Coman (ustedes)
Qawanq	Comamos (nosotros)
Chiwanqu'	Coman (ustedes) de respeto
Chiwanq	Que coman (ellos)
B'iyaj in, chinab'iy	Pégame
B'iyaj	Pégale
B'iyé'	Que le pegue él
B'iywoq	Peguen (ustedes)
B'iyé'u'	Pégale (usted) de respeto
Qab'iyé'	Peguémosle (nosotros)
Chib'iyé'	Que le peguen (ellos)

: Ta'lche'nin (*Exhortativo*)

Ye junt jilwutz yole'j naxhchaj sqetz ye i'tz jun puntil tan ta'lche'nin ye b'i na'ajwij tan b'nixe'n jun taqle'n. Tan lajluchaxe'n ye xtxolb'ila'tz tajwe'n naxkon e'ch tel ne'xh weql yol qa'n chitane'n: **ten**, **-toq**, **waq**, ejnin **toqu'**, tan tele'n qatxum tetz ye b'i'tz natzan talche'n.

Elsawutzil:

Witen	Duérmete (como súplica)
Witoq	Que duerma él ella
Chiwitoq	Que duerman ellos/ellas
Qawitoq	Durmamos (nosotros)
Witenwaq	Duerman (ustedes)
Chiwitoqu'	Duerman (ustedes) de respeto
Wan	Coma
Wanq	Que coma él/ella
Qawanq	Comamos (nosotros)
Chiwanq	Que coman (ellos/ellas)



Wanwaq Coman (ustedes)
Chiwanqu' Coman (ustedes) de respeto

⋮ **Tajb'il tan b'nixe'n** (*Desiderativo*)

Ye e'ch jilwutz yola'tz naxkon tan lajluchaxe'n sqawutz ye b'i'tz tajb'il jun wunaq tan b'nixe'n tzantzaj, na'elepont ye at rmeril tan xkone'n qa'n tona'kuntu' lb'ajij e'ch taqle'na'tz ejnin ncha'tz b'a'n lxkon te'j e'ch **tona' lb'ajij e'ch jilwutz yukb'il txumu'n** (Tiempo Aspecto). Qile' xhe'n nab'an puntil xkonse'n.

Elsawutzil:

Xhe'nq lkxhwan	Ojalá comas
Xhe'nq lwan	Ojalá que coma
Jajq wan	Ojalá hubiera comido
Xhe'nq lchiwan	Ojalá coman ellos
Xhe'nq lqawan	Ojalá comamos nosotros
Xhe'nq lnu'l	Ojalá venga yo
Xhe'nq kxhu'l	Ojalá vengas tú
Xhe'nq ltz'ul	Ojalá que venga
Xhe'nq lchu'l	Ojalá vengan ellos
Xhe'nq lqu'l	Ojalá vengamos nosotros
Xhe'nq tzawal	Ojalá lo digas
Xhe'nq lta	Ojalá lo diga
Xhe'nq lkyal	Ojalá lo digan
Xhe'nq ltzital	Ojalá lo digan ustedes

Qapile' ye qo ja'el qatxum tetz

- Qatz'ib'e' junaq tqan yol ye e'ku'n yukb'il txumu'n (Verbos).

- Qapile' chinuch'e'nku'n ye kob' yukb'il txumu'n **ojqe'l** ejnin **aq'un** le ox jilwutz tquj ye jawi't a'w qa'n **Tenxhchan, Jalu'** ejnin **Tzantzaj** (Pasado, Presente y Futuro).

Ojqe'l

Aq'un



∴ Qatz'ib'e'ku'n lajuj tqan yukb'il txumu'n ye xhchukl te'j (Verbos Intransitivos).

∴ Qatz'ib'e'ku'n lajuj tqan yukb'il txumu'n ye ncha'tz nab'aj twi' junt (Verbos Transitivos).

| Qatz'ib'e' lajuj yol yukb'il txumu'n ye b'nixnaqku'n tane'n (Completo).

┐ Qatz'ib'e' ejnin qasi'le' lajuj yol yukb'il txumu'n ye txa'n b'nixku'n tane'n, ana' natzan b'anle'n (Incompleto).

┐ Qajoye' puntil stz'ib'e'n lajuj tqan yol ye nataltzaj ye txa'n ok b'anle'n, ana' natzan txumu'n te'j (Potencial).

∴ Qatz'ib'e'ku'n lajuj tqan yol ye nataltzaj ye natzan tan b'anle'n jalku'n (Progresivo).

∴ Qatz'ib'e' kob'ox txolb'il qale naxkone't Yukb'il Txumu'n qa'n ye naxhchaj sqetz na't nacha'jtnin e'ch taqle'n (Movimiento y Dirección).



|| Qatxume' ejnin qatz'ib'e'ku'n kob' xtxolb'il te'j jujun Puntil Yukb'il Txumu'n (Modo Verbal).

Kawu'n tan b'anle'n (Imperativo):

Ta'lche'nin (Exhortativo):

Tajb'il tan b'nixe'n (Desiderativo):





B'ELUJI'N XTXOLB'IL

CHAJB'ILTETZ YOL (ESTATIVOS)

Ye e'ch jilwutz yol ye nachixkon tan talche'n ye xhe'n kytane'n e'ch jilwutz taqle'n nachib'i'aj; **chajb'iltetz yol** (Estativos), na b'a'n natal sqetz ye xhe'n kytane'n e'ch taqle'n, ye at **chi'itz'ajb'il, ni'ky'nintu' e', ama'l le ate'kyent**, ejnin echa'nt **chiwutz q'a'n**. Ye xe' e'ch jilwutz yola'tz **chajb'iltetz yol** (Estativo), at nab'antku'n nacho'k tetz **b'i' e'ch taqle'n, chajb'il b'i**, ejnin **xhe'n tane'n** e'ch taqle'na'tz.

Ye e'ch tel pixha'l yola'tz ye nachixkon tan lajluchaxe'n **chajb'iltetz yol**, ye e'ch taqle'na'tz chitane'n na'skyetz i'il, tajlal le txolb'il cho'n nalajluchax ta'n e'ch **Xel B'i'aj** (Pronombres) ye na'ok tetz stz'a'b'l txe' ye jun chajb'ila'tz ejnin i'tz e'a'j: **in, axh, ilu'alu', i', o', axwoq, e'u', e'**.

Ye e'ch jilwutz chajb'iltetz yol ye naxkon i'tz e'a'j:

Tajlal xone'n (Número Gramatical)	Tajlal wunaq tul txolb'il (Persona Gramatical)		Chajb'il na'tzun najilone't (Sujeto de un Estativo)	
hchukl (singular)	B'ajx wunaq	1ª. persona	In	Yo
	Ka'p wunaq	2a. persona	Axh	Tú
	Toxi'n wunaq	3ª. Persona	?	Él
la' xone'n (plural)	B'ajx wunaq o'juntz	(inclusiva)	O'	Nosotros
	Ka'p wunaq kyib'o'tz	(exclusiva)	Axwoq	Vosotros
	Toxi'n wunaq		E'	ellos, ellas

• **B'i' e'ch taqle'n** (*Sustantivo*)

Ya'stzun wi'tz xe' ye jujun yol: ye **Chajb'il xhe'n tane'n** (Estativo Posicional) naxkon tan xhchajle'n sqetz b'i e'il e' wunaq, txuk nqo



alchoqskyetz taqle'nil ye natzan b'i' taqle'n tan xhchajle'n sqetz tan tele'n qatxum tetz.

Elsawutzil:

Chusu'l Estudiante

1 ^a . Wunaq xhchukl	In chusu'l	Soy estudiante
2 ^a . Wunaq xhchukl	Axh chusu'l	Eres estudiante
2 ^a . Wunaq xhchukl	Ilu'/Alu' chusu'l	Es estudiante (Ud. Hon.)
3 ^a . Wunaq xhchukl	Chusu'l i'	Es estudiante (él, ella)
1 ^a . Wunaq ala' xone'n	O' chusu'l	Somos estudiantes
2 ^a . Wunaq ala' xone'n	Axwoq chusu'l	Son estudiantes (uds.)
2 ^a . Wunaq ala' xone'n	E'u' chusu'l	Son estudiantes (Uds. Hon.)
3 ^a . Wunaq ala' xone'n	E' chusu'l	Son estudiantes (ellos, ellas)

Wunaq Persona

1 ^a . Wunaq xhchukl	In wunaq	Soy persona
2 ^a . Wunaq xhchukl	Axh wunaq	Eres persona
2 ^a . Wunaq xhchukl	Alu'/Ilu' wunaq	Es persona (Ud. Hon.)
3 ^a . Wunaq xhchukl	Wunaq i'	Es persona (él, ella)
1 ^a . Wunaq ala' xone'n	O' wunaq	Somos personas
2 ^a . Wunaq ala' xone'n	Axwoq wunaq	Son personas (uds.)
2 ^a . Wunaq ala' xone'n	Alu'/Ilu' wunaq	Son personas (Uds. Hon.)
3 ^a . Wunaq ala' xone'n	E' wunaq	Son personas (ellos, ellas)

: Chajb'il b'i (Adjetivo)

Ya'stzun e'ch wi'tz xe' yol le jun txaqaja'tz: ye Chajb'iltetz yol naxhchaj ye b'alajil e'ch taqle'n ye nab'ajij yol te'j nqo ye natzan xtx'ajle'n te'j.

Elsawutzil:

K'ask'uj Diligente

1 ^a . Wunaq xhchukl	In k'ask'uj	Soy diligente
2 ^a . Wunaq xhchukl	Axh k'ask'uj	Eres diligente
2 ^a . Wunaq xhchukl	Alu'/Ilu' k'ask'uj	Es diligente (Ud. Hon.)
3 ^a . Wunaq xhchukl	K'ask'uj i'	Es diligente (él)
1 ^a . Wunaq ala' xone'n	O' k'ask'uj	Somos diligentes
2 ^a . Wunaq ala' xone'n	Axwoq k'ask'uj	Son diligentes (Uds.)



2 ^a . Wunaq ala' xone'n	E'u' k'ask'uj	Son diligentes (Uds. Hon.)
3 ^a . Wunaq ala' xone'n	E' k'ask'uj	Son diligentes (Ellos, ellas)

Juy k'atzaj Delgado

1 ^a . Wunaq xhchukl	Juy nk'atzaj	Soy delgado
2 ^a . Wunaq xhchukl	Juy ak'atzaj	Eres delgado
2 ^a . Wunaq xhchukl	Juy k'atzaju'	Es delgado (Ud. Hon.)
3 ^a . Wunaq xhchukl	Juy k'atzaj i'	Es delgado (él, ella)
1 ^a . Wunaq ala' xone'n	Juy qak'atzaj	Somos delgados
2 ^a . Wunaq ala' xone'n	Juy ik'atzajwoq	Son delgados (uds.)
2 ^a . Wunaq ala' xone'n	Juy chik'atzaju'	Sson delgados (Uds. Hon.)
3 ^a . Wunaq ala' xone'n	Juy chik'atzaj	Son delgados (ellos, ellas)

: Xhe'n tane'n (Posicional)

Ya'stzun xe' ye yol ye qokopon tan chusu'n te'j: naxhchaj sqetz ye xhe'n tane'n ye wunaq ye natzan yol tib'aj.

Elsawutzil:

Txikl parado

1 ^a . Wunaq xhchukl	Txiklchin	Estoy parado
2 ^a . Wunaq xhchukl	Txiklkyixh	Estas parado
2 ^a . Wunaq xhchukl	Txikliju'	Ud. esta parado (Hon.)
3 ^a . Wunaq xhchukl	Txiklij	Está parado (él, ella)
1 ^a . Wunaq ala' xone'n	Txiklcho'	Estamos parados
2 ^a . Wunaq ala' xone'n	Txiklkyixwoq	Están parado (Uds)
2 ^a . Wunaq ala' xone'n	Txiklche'u'	Uds. están parados (Hon.)
3 ^a . Wunaq ala' xone'n	Txiklche'	Están parados (ellos)

K'olch Sentado

1 ^a . Wunaq xhchukl	K'olchxhchin	Estoy sentado
2 ^a . Wunaq xhchukl	K'olchkyixh	Estas sentado
2 ^a . Wunaq xhchukl	K'olchiju'	Esta sentado (Ud. Hon.)
3 ^a . Wunaq xhchukl	K'olchij	Está sentado (él, ella)
1 ^a . Wunaq ala' xone'n	K'olxhcho'	Estamos sentados
2 ^a . Wunaq ala' xone'n	K'olchkyixwoq	Están sentados (uds.)
2 ^a . Wunaq ala' xone'n	K'olxhche'u'	Están sentados (uds. Hon.)
3 ^a . Wunaq ala' xone'n	K'olxhche'	Están sentados (ellos, ellas)



Qapile' ye qo ja'el qatxum tetz

- Qatz'ib'e' lajuj tqan Chajb'iltetz yol (Estativos) ye naxkon tan lajluchaxe'n ye b'i nachib'an B'i' e'ch Taqle'n (Sustantivos).

Elsawutzil:

In chusu'l

- ⋮ Qatz'ib'e' lajuj tqan Chajb'iltetz yol (Estativos) ye naxkon tan xhchajle'n ye xhe'n naxkye' tan xtx'ixpe'n xe' e'ch Chajb'il b'i'aj (Adjetivos) te'j ye b'i b'alajil e'ch taqle'n ye nab'ajij yol te'j.

Elsawutzil:

In k'ask'uj

- ⋮ Qab'ane'ku'n lajuj tqan Chajb'iltetz yol (Estativos) ye naxkon tan xtx'ixpe'n xe' e'ch yol ye naxkon tan lajluchaxe'n xhe'n kytane'n e'ch taqle'n (Posicional) ye natzan yol tib'aj.

Elsawutzil:

Txiklchin

- ⋮ Qasi'le' kob'ox yol ye naqilku'n tzine'j. Ejnin qab'ane'ku'n jun techl xlaq ye b'i jilwutz yolil e'. Qo i'tz B'i' e'ch taqle'n (Sustantivo) b'a'n lku' **SUS.** qa'n xlaq, qo i'tz Chajb'il b'i' (Adjetivo) b'a'n lku' **ADJ.** xlaq, qo i'tz Xhe'n kytane'n taqle'n (Posicional) b'a'n lku' **POS.** qa'n xlaq.

Wakxh

Xkoya'

In k'ask'uj

Chin b'alajnin

Saq

K'olxhchin

Juy k'atzaj

Txiklche'

Tz'ib'a'n

Axwoq wunaq

In chemol

Wi'tz ajchusunl



| Che'qanuch'e'ku'n jujun jilwutz Chajb'iltetz yol te'j jujun tx'aqaj puntil ye jawi't qil. B'a'n lqaxom te'j e'ch elsawutzil ye ate'tz. B'a'n taq' ajuchusunl juntx'aqajt elsawutzil tan chusu'n tib'aj ye xtxolb'ila'j.

B'i' e'ch taqle'n	Chajb'il b'i' e'ch taqle'n	Xhe'n kytane'n e'ch taqle'n
(Sustantivo)	(Adjetivo)	(Posicional)





LAJUJI'N XTXOLB'IL

YUB'SB'IL TE'J YOL (ADVERBIOS)

Ye e'ch weq yol ye nachib'i'aj **Yub'sb'il te'j yol** (Adverbios), cho'n nachixkon tan ma'le'n ejnin tan yub'se'n te'j e'ch jilwutz Yukb'il Txumu'n (Verbos) nqo e'ch Chajb'iltetz yol (Estativos). Ye qo cho'n nachixkonsij tan ma'le'n nqo tan yub'se'n kye'j e'ch xtxolb'ila'tz cho'ntzun natzantz tan ma'le'n te'j ye b'i xtxolb'ilil natzan yol te'j; na'ok tan xtx'olche'n xo'l kyeqil e'ch jilwutz txumu'n chitane'n: **B'i tqujil, b'i ama'lil, xhe'n tane'n**, ejnin **kob'oxt jilwutz xtxolb'il**. Ilenin ye e'ch yub'sb'iltetz yola'tz cho'n nachixkonsij le xe'tzb'il jujun yol tan lajluchaxe'n ye b'i natzan yol te'j. At jun tx'aqajt ye cho'n nachixkon sju'aqlen ye jujun yol nqo jujun xtxolb'il. At wi'nin jilwutz yub'sb'il te'j yol ye nachixkon le qetz qayol ejnin qokopon tan tilwe'n sjunale'n:

• **Yub'sb'il te'j yol tetz tquji'n** (*Adverbios de Tiempo*)

Ye jun yub'sb'il te'j yola'tz cho'n nachixkon tan talche'n tona' nab'ajij jun taqle'n nqo jun latz'.

Elsawutzil:

Ewt	Ayer
Jalu'	Ahora
Ka'pen	Pasado mañana
Axen	Más tarde
Watlen	Hace ratos
Jalchan	En la mañana
Kwe'nq'ej	En la tarde
Buchtlen	Muy tarde
Ma'schan	Hace ratos

At ala' jilwutz puntil tan lajluchaxe'n yolche'n e'ch **Yub'sb'il te'j yol** (Adverbio), na b'a'n na'ok e'ch tel stz'a'b'l ye naxkon tan taq'le'n



e'ch jilwutz weql ejnin lo'chal talche'n e'ch yola'tz. Tan lajluchaxe'n e'ch yub'sb'il te'j yol ye naxkon tan talche'n e'ch taqle'n ye b'nixnaq tenxchankyen, nachixkon e'ch tel weql: **"-tzaj, -ku'n"**; ma tan talche'n e'ch taqle'n ye sbajoq tzantzaj naxkon tel weql yole'j sju'len: **"-tlen"**.

Elsawutzil:

Ewttzaj	Desde ayer
Jalku'n	Ahora mismo
Ka'pentlen	Hasta pasado mañana
Eqlentlen	Hasta mañana
Axentlen	Hasta más tarde
Ma'schantzaj	Desde hace ratos

Puntil tan xkonse'n:

Ewt ulaq ntaj tan nxajse'n.	<i>Mi papá vino a visitarme ayer.</i>
Ewttzaj tule'n ntaj tan wilwe'n.	<i>Mi papá vino a verme desde ayer.</i>
Kyi nmu'l Lu'ch ma'schan .	<i>María no vino hace ratos.</i>
Cho'n txiklij wunaq stzika'l jalku'n .	<i>La persona está parada ahorita frente a la casa.</i>
¿Na'skyetz nb'en tan aq'un squch' eqle'n ?	<i>¿Quién va a ir a trabajar con nosotros mañana?</i>

: Yub'sb'il te'j yol le jun ama'l (*Adverbios de Lugar*)

Ye jun jilwutz yub'sb'il te'j yola'tz cho'n nachixkon tan talche'n na'skyetz ama'lil natzane't ngo ate'kyent e'ch taqle'n. Tan lajluchaxe'n sqawutz qokopon tan tilwe'n kob'ox elsawutzil.

Elsawutzil:

Tzine'j	Aquí	Chine'j	Allá
Joylaj	Lejos	Naqa'j	Cerca
Jalen chine'j	Hasta allá	Alo' atit	Porahí
Lije'n	Arriba/al norte	Luku'n	Abajo/al sur
Lilen	Abajo/al oriente	Luken	Arriba/al occidente
Na'tkuntu's	Por doquier/donde sea/cualquier lugar		



Puntit xkonse'n le jujun xtxolb'il.

◆	Joylaj k'olche't nitxa'.	<i>El niño está sentado lejos.</i>
◆	Naqa'jkunin nkwe't k'ub' tzinxlaj ye nsaj k'oxij chine'j.	<i>La piedra cayó cerca de mí cuando la tiraron de allá.</i>
◆	Na'chkuntunin skyetz ama'lil naxone't jun tx'i'e'j.	<i>Este perro anda en cualquier lugar.</i>
◆	Alo' atit mam qoltza'j, joywoqtzaj.	<i>Busquen al chompipe, ha de estar por ahí.</i>
◆	Tzab'ene'n tan saja'ch squch' jalen chine'j.	<i>Ve a jugar con nosotros hasta allá.</i>

⋮ Yub'sb'il te'j yol ye xhe'n tane'n (Adverbios de Modo)

Cho'n naxkon tan talche'n xhe'n tane'n, xhe'n xkonse'n e'ch taqle'n.

Elsawutzil:

Cheb'ku'n	Despacio
Kyiw	Duro
Lajqe'l	Rápido/de prisa
Ojqe'l	Corriendo
Xlaji'n	De lado
B'a'n	Bien
Ploj	Mal
Chitane'n	Como esto

Puntit tan xkonse'n:

- ◆ **Cheb'ku'n** naxon ni', na ana' na'a'w xo'n ta'n.
El niño camina despacio porque hasta ahora está aprendiendo.
- ◆ **Chin lajqe'lnin** nkutzaj moy swutz ka'l ta' Paxh.
El carro bajó muy rápido frente a la casa de don Pascual.
- ◆ **Qo b'a'n** kxhaq'uj, stz'aq'loq junt tir awaq'un.
Si trabajas bien, te darán trabajo de nuevo.
- ◆ **Xlaji'n** tane'n chej tzaq' teqtz.
El caballo va de lado debajo de su carga.



⋮ **Yub'sb'il te'j yol tetz tajlal** (*Adverbios de Cantidad*)

Cho'n naxkon tan xhchajle'n sqetz niky'na' ma'lb'ilil nqo tajlal e'ch taqle'n at ye natzan yol tib'aj.

Elsawutzil:

Nim	Bastante
Mu'xhe'n	Poco
Mu'xhintzi'	Poquito
Toke'nku'n	Regular

Puntil xkonse'n le e'ch xtxolb'il:

- ♦ **Mu'xhintzi'** nb'aj wa'n.
Solo comí poquito.
- ♦ **Toke'nku'n** qetz qaq'uj.
Nosotros trabajamos de modo regular.
- ♦ **Mu'xhintzi'** nchusun Lexh, cha'stzentetz mu'xhtnin kyi ntx'akon.
Andrés estudio poquito, por eso por poco pierde.

| **Yub'sb'il te'j yol tetz kab'ek'u'lal** (*Adverbios de Duda*)

Ya'stzun e'ch jilwutz yol ye nachixkon tan lajluchaxe'n ye at kab'ek'u'lal te'j jun taqle'n, me ya'tzninpe' tane'ntz nqo kyi'pe'.

Elsawutzil:

Kyiku'nb'atz	Talvez
Kuken	A saber
Qile'	A ver/vamos a ver

Puntil xkonse'n:

- ♦ **Kyiku'nb'atz** nb'en na' Cha'n tan lo'q.
Talvez vaya doña Juana a comprar.
- ♦ **Kuken** me tz'ulpe' ch'eyb'ilqetz nqo kyi'pe'.
A saber si nos va a venir la ayuda o no.
- ♦ **Qile'** ye qo tz'oponin tan aq'un eqlen.
A ver si llega a trabajar mañana.



·| Yub'sb'il te'j yol tan b'ixb'aje'n jun taqle'n (Adverbio de Afirmación)

Ye e'ch yola'tz cho'n nachixkon tan b'ixb'aje'n jun taqle'n. Naxkon tan talche'n sqetz ye jawi't b'nix jun taqle'n.

Elsawutzil:

Orpe'	Si
Kujb'in	Si
Kujb'ina'tz	Si puede ser/está bien
Ya'tznin tane'n	Así es

Puntil xkonse'n:

- ◆ ¿Nxb'enpe' tan chusu'n eqlen?
¿Vas a estudiar mañana?
- ◆ Nchinb'en.
Si voy a ir.

:| Yub'sb'il te'j yol ye kyi nataq'kyen te'j (Adverbio de Negación)

Ya'stzun e'ch yol ye na'a'lontzaj sqetz ye kyi nataq'kyentib' tzaq' jun taqle'n le jun txolb'il.

Elsawutzil:

Kyi'/Kye'	No (futuro)
Kyi'nin	No
Kyi' nq'era'tz	Así no es
Kyi'chan	Todavía no
Kyi' atojt	Nunca

Puntil xkonse'n:

- ◆ **Kyi** lchib'itzin e' xiky' tnum jalu'.
Los jóvenes no cantarán hoy en el pueblo.
- ◆ **Kyi'chan** ltz'ul q'oltetz u'j ye b'en tqab' xun.
Todavía no han venido a dejar el libro que la muchacha pidió.
- ◆ **Kyinin** ntz'amon xiky te'j moy.
El joven no alcanzó el bus.



Qapile' xkonse'n ye qo ja'a'w qa'n

- Qatz'ib'e' kyaj tqan xtxolb'il qale nachixkone't Yub'sb'il te'j yol tetz tquji'n (Adverbios de Tiempo).

- Qatz'ib'e' kyaj tqan xtxolb'il qale nachixkone't Yub'sb'il te'j yol le jun ama'l (Adverbios de Lugar).

- Qatz'ib'e'ku'n kyaj tqan xtxolb'il tan Yub'sb'il te'j yol ye xhe'n tane'n (Adverbio de Modo).

- Qaxkonse' le jun xtxolb'il kyeqil e'ch Yub'sb'il te'j yol ye naxkon tan Talche'n e'ch tajlal (Adverbios de Cantidad).

- | Qatz'ib'e'ku'n kob'ox xtxolb'il qale lchixkone't Yub'sb'il te'j yol qa'n tetz kab'ek'u'lal ejnin tan b'ixb'aje'n jun taqle'n (Adverbio de Duda y de Afirmación).



JUNLAJI'N XTXOLB'IL

Q'AB' XE' E'CH YOL (DERIVACIÓN DE PALABRAS)

At jun tx'aqaj yol ye txa'n b'ajij yol tib'aj ejnin at jun tx'aqajt ye jawi't che'qil, ntintu' na txa'n qo'k tan xtx'olche'n xo'l ye xhe'n nab'an xkonse'n. At wi'nin jilwutz yol ye b'a'n nache'ltzaj jun tx'aqajt yol skye'j ye natal ite'nin xe' ye yola'tz, ejnin at jun tx'aqajt ye b'a'n naxhchaj junt xtxolb'il cho'n naxom te'j ye b'i xe'il yol ye natzan chusu'n tib'aj; ya'stzun na'elepone't ye nab'i'aj; **Q'ab' xe' e'ch Yol** (Derivación de Palabras).

Kyeqil e'ch ak'aj yol ye nachib'aj jal i'tz tanpaj ye at rmeril naxkon jujun tel pixh stz'a'b'l ye yol te'j ye xe', cha'stzun najal junt ak'aj yol tantu' e'ch tel pixha'l yola'tz ye nab'aj ok te'j jujun ak'aj yol, ye e'ch tel pixha'l yola'tz nachib'i'aj "**sufijos**". At nab'anku'n, te'j ye xe' jun yol ala'ku'n q'ab' yol na'eltzaj te'j, cho'n naxom te'j ye xhe'n naqaj xkonse'n ye jun yola'tz ye e'ch junt tx'aqajt pixha'la'tz ye na'ok tetz stz'a'b'l nachib'i'aj "**prefijos**".

Ye e'ch jilwutz yol ye b'a'n nache'ltzaj jun tx'aqajt yol skye'j i'tz e'a'j:

B'i' e'ch Taqle'n	(Sustantivos)
Chajb'il Taqle'n	(Adjetivos)
Yub'sb'il te'j Yol	(Adverbios)
Tajlal	(Números)
Yukb'il Txumu'n	(Verbos)
Na't Ate'kyent Taqle'n	(Posicionales)
Q'ab' xe' b'i' e'ch taqle'n	(Derivación de Sustantivos)



• **Na'tzun natzan tan b'anle'n (Agentivo)**

Cho'n najilon tib'aj wunaq ye b'i nab'an nqo b'i aq'unil nab'an, cho'n naxkon stz'a'b'l ye yola'tz le xe'tzb'il. Ye jun tel pixh stz'a'b'l yol ye wi'nin naxkon i'tz ye "aj-", cho'n naxkon tan lajluchaxe'n ye txolb'il sqawutz tan tele'n qatxum tetz ejnin junit nab'an puntil stz'ib'a'n.

Elsawutzil:

Xe' yol		Q'ab' yol	
Paj	Culpa	Ajpaj	Culpable
Oyintzi'	Guerra	Ajoyintzi'	Guerrero
Chem	Tejido	Ajchem	Tejedor (a)
Pom	Copal	Ajpom	Sahorin (sacerdote maya)
Tz'akb'il	Medicina	Ajtz'ak	Curandero (médico)
Chusu'n	Estudio	Ajchusunl	Estudiante
B'itz	Canción	Ajb'itz	Cantante
Peyu'n	Cobrar	Ajpeyunl	Cobrador
Ch'eya'n	Ayuda	Ajch'eyum	Colaborador

• **Najlb'il qale sitnaqit wunaq (Gentilicio)**

Ya'stzun b'i' e'ch yol ye nataltaj na'skyetz ama'lil najlche'kyent e' wunaq. Ni'ku'n muxh na'elepont tu ye na'skyetz wunaq natzan tan b'anle'n jun aq'un (Agentivo). Ye pixha'l yol ye naxkon tetz stz'a'b'l i'tz: **aj**, naxkon tan talche'n sqetz ye na't nsaje't ye jun wunaqa'tz. Tajwe'n jatxle'n xo'l e'ch yola'tz tu ye pixhalil ye na'ok xlaj, tan lajluchaxe'n na'skyetz ama'lil nchisaje't e' wunaq.

Elsawutzil:

Chumpul	Huehuetenango	Aj Chumpul	Huehueteco
Xhch'e'n	Chiantla	Aj Xhch'e'n	Chiantleco
Kb'an	Cobán	Aj Kb'an	Cobanero
Xelu'	Quetzaltenango	Aj Xelu'	Quezalteco
Xaqla'	Jacaltenango	Aj Xaqla'	Jacalteco



⋮ **Ma'klb'il le jun ama'l** (*Instrumental Locativo*)

Ya'stzun e'ch jilwutz yol ye naxkon tan talche'n e'ch jilwutz ma'kl ye nachixkon le jun ama'l ye cho'n na'eltzaj xe' te'j jun yol nqo **B'i' e'ch taqle'n** (Sustantivo), tan lajluchaxe'n e'ch yola'tz sqawutz, tajwe'n tan toke'n e'ch stz'a'b'l ejnin i'tz e'a'j: **-b'il**.

Elsawutzil:

Yol	Palabra	Yolb'il	Micrófono
Tz'is	Costura	Tz'isb'il	Lugar para coser, costura
Sb'il	Escoba	Masb'il	Instrumento para barrer
Ky'isb'aj	Orín	Ky'isb'il	Mingitorio
Ma'le'n	Medir	Ma'lb'il	Medidor
Watl	Dormir	Witb'il	Dormitorio

⋮ **Yukb'il Txumu'n ye Nab'aj twi' Junt** (*Verbo Transitivo*)

Ye e'ch yol ye nachib'i'aj Yukb'il Txumu'n ye Nab'aj twi' Junt, cho'n nache'ltzaj skye'j chib'i' e'ch taqle'n, tantu' ye na'ok junt teb'lal talma'tzib' tetz stz'a'b'l. B'a'n nachixkon alchoqskyetz talma'tz'ib' te'j e'ch jilwutz xtxolb'ila'tz, at nab'anku'n ntin **-e, -i, -o**, nachixkon. Kyeqil e'ch yukb'il txumu'n ye cho'n nab'aj twi' junt, atlenku'n puntil xkonse'n cho'n naxom te'j ye na'skyetz ama'lil lchixkone't.

Ye e'ch stz'a'b'l yol ye nachixkon ye jawi't qajilon tib'aj nachixomkyen xlajaq jujun yol tan lajluchaxe'n ye b'i naqaj tan talche'n chitane'n: **ta'n, tan**, cho'n naxom te'j kyeqil e'ch jilwutz puntil xkonse'n ejnin weqle'nku'n e'ch yola'tz.



Elsawutzil:

Xe' yol (Raíz)

Chej	Caballo	B'uchunaq te'j chej.	Se abusó de él/ella (del caballo)
Tx'i'	Perro	Lo'on tx'i' ta'n .	Pegó al perro
Xo'k	Doblador	Jab'naq xo'k ta'n xechuj	Echó vapor de temascal
U'j	Papel	Si'lxnaq u'j ta'n .	Lo leyó
Wex	Pantalón	Wexi'n b'anaq ta'n	Lo usó como (pantalón)
Lo'b'aj	Fruta	Lo'ij b'an ta'n .	Lo comió (fruta)
Chi'b'aj	Carne	B'ajnaq chi'b'aj ta'n	Lo comió (carne)
Itzaj	Hierba	B'ajnaq itzaj ta'n .	Lo comió (hierba)

| Yukb'il txumu'n ye xhchukl te'j (Verbo Intransitivo)

Ni'ku'n mu'xh xkonse'n e'ch yol yukb'il txumu'n ye xhchukl te'j chitane'n e' yukb'il txumu'n ye cho'n nab'aj twi' junt (transitivos), nab'aj jal e'ch q'ab' ye nachixkon e'ch talma'tz'ib' skye'jaq, ntintu' na at junt txolb'il tan lajluchaxe'n ye nacho'k tetz yukb'il txumu'n ye xhchukl nab'an te'j. Te'j ye jun txolb'ila'tz ntin naxkonsij **-in**, **-on**, tetz stz'a'b'l.

Elsawutzil:

Chej	Caballo	Nachej in	Él/ella está cabalgando
Lo'b'aj	Fruta	Nalo' on	Él/ella está comiendo fruta
Ko'n	Milpa	Nako'n in	Él/ella está cultivando milpa
Kapej	Café	Nachikapej in	Ellos están tomando café
Tz'ib'a'n	Escribir	Nachitz'ib' an	Ellos están escribiendo
Siich'	Cigarro	Naksiich' in	Tú estas fumando
Sqa'	Atole/bebida	Naqasqa' in	Estamos tomando atole/bebida

Qapile' xkonse'n ye ja'a'w qa'n

- B'a'n lku' jun techl e'ch yol qa'n, xomkyentu' te'j ye b'i yolil natzan jaqle'n. Kuqen jun "X" xlaj ye e'ch yol qale natalwit **Najb'il qale sitnaqit wunaq** (Gentilicio). Oqen jun tolo' te'j e'ch yol **Ma'klb'il le jun ama'l** (Instrumental Locativo). Ejnin kuqen jun xhqite' tzaq' jujun yol qale natalwit **Na'tzun natzan tan b'anle'n** (Agentivos).



Eslawutzil:

Ajpaj	Tz'ib'il	Aj Xelu'	Aj Chujl
Yolb'il	Ajoj	Ko'nb'il	K'ayb'il
Aj Chumpul	Ky'isb'il	Ajtz'ak	Ajkun
Masb'il	Aj Kb'an	K'oxb'il	Aj Winima'
Ajoyintzi'	Ma'lb'il	Aj Ub'la'	Ajb'iyonl
Xhch'e'n	Ajpom	Ajchusunl	Aj Neb'aj

- ⋮ Qatz'ib'e'ku'n xlaj b'i' e'ch taqle'n kyeqil e'ch **Yukb'il Txumu'n** (Verbos) ye cho'n na'eltzaj te'j xe' e'ch yola'tz, kyi'k nab'an ye qo e' Yukb'il Txumu'n ye cho'n Nab'aj Twi' Junt (Verbo Transitivo) nqo e' Yukb'il Txumu'n ye Xhchukl Te'j (Verbo Intransitivo), b'a'n lqatz'ib'ku'n jun nqo kukob' yol te'j jujun.

Qile' jun chajb'il:

①	Chej	Nachejin	Nachichejin
·	Jichi'n		
:	Lo'b'aj		
:	Chi'b'aj		
:	Txuk		
	Ich		

- ⋮ Qatz'ib'e'ku'n o' txolb'il qale lchixkone't e'ch Yukb'il Txumu'n ye Nab'aj Twi' Junt (Verbo Transitivo).

- ⋮ Qatz'ib'e'ku'n o' txolb'il qale lchixkone't e'ch Yukb'i'l Txumu'n ye Xhchukl Te'j (Verbo Intransitivo).

**Q'ab' yol ye na'eltzaj te'j e'ch chajb'il taqle'n***(Derivación de Adjetivos)*• **Yukb'il txumu'n ye xhchukl te'j** *(Verbo Intransitivo).*

Tan weqle'nku'n nqo tan telse'ntzaj q'ab' yol te'j e'ch yukb'il txumu'n ye xhchukl te'j ejnin skye'j e'ch chajb'il taqle'n, nalajluchax tantu' na'ok tel stz'a'b'l e'ch yola'tz chitane'n: **_ax**, at nab'antku'n natx'ixpij e'ch tel stz'a'b'l yola'tz tetz **-ix**, cho'n naxom te'j ye qo e' Chajb'il taqle'n (Adjetivos), nqo cho'n naxom te'j ye puntil qajilon. Ye jun Yukb'il txumu'na'tz ye xhchukl te'j (Verbo Transitivo) ye najal te'j jun xe' yol, naxhchaj sqetz ye xhe'n kytane'n e'ch **Chajb'il Taqle'n** (Adjetivo).

Elsawutzil:

Che'w	Frío	Jatxak'txax	Se enfrió
Saq	Blanco	Jasqojax	Se emblanqueció
Kyiw	Duro	Jakyiwiw	Ya está fuerte
K'o'k	Sabroso/oloroso	Jak'o'kax	Huele bien
Tiptuj	Desabrido	Jatiptax	Ya está desabrido
Q'usq'uj	Sabrosísimo/delicioso	Jaq'usq'ax	Ya está sabrosísimo

: **Yukb'il txumu'n ye cho'n nab'aj twi' junt** *(Verbos Transitivos)*

Jun yol yukb'il txumu'n ye cho'n na'eltzaj q'ab' te'j **Chajb'il Taqle'n** (Adjetivo), naxhchaj ejnin natal sqetz ye b'alajil e'ch chajb'il taqle'n. Kyeqil e'ch **Yukb'il txumu'n ye cho'n nab'aj twi' junt** nataltzaj ye na't ate'kyent e'ch taqle'n ejnin ye stz'a'b'l ye na'ok i'tz ye; **-saj** ye cho'n naku' sju'aq ye jujun yol.

Elsawutzil:

Che'w	Frío	Jaxhchewsaj	Lo enfrió
Maq'ij	Calantado	Jamaq'saj	Lo calentó
Kyiw	Duro	Jaquiwsaj	Lo puso duro
Lupun	Fino	Jaqupsaj	Lo refinó
Q'an	Amarillo	Jaq'ansaj	Lo maduró
Nim	Grande	Jaxhch'uysaj	Lo agrandó
B'a'n	Bueno	Jab'a'nsaj	Lo curó



⋮ B'i' e'ch taqle'n ye kyi lajluch (Sustantivo Abstracto)

Ye jun tx'aq'aj yola'tz ye natal B'i' e'ch taqle'n ye kyi lajluche' ejnin kyi nachitx'amxij qa'n cho'n naxkon tan talche'n b'alajil jun chajb'il taqle'n. Tan lajluchaxe'n b'i e'ch taqle'n ye kyi naqatz'am, ye e'ch **Chajb'il Taqle'n** (Adjetivo) tajwe'nkunin na'ok stz'a'b'l ye yol chitane'n e'a'j: **-al, -el, -il, -l**, tan talche'n ye natetzajkyen.

Elsawutzil:

Saq	Blanco	Sqojal/Saqal	Su blancura
Kyiw	Duro	Kyiwel	Su dureza/dificultad
Che'w	Frío	Xhchewl	Su frialdad
B'a'n	Bueno	B'alajil	Su bondad/bendición
Yub'elnin	Hermoso	Yub'elil	Su hermosura

⋮ Ma'lanl te'j (Moderativo)

Ye e'ch yola'tz cho'n naxkon tan ma'le'n te'j e'ch jilwutz yub'el ejnin b'alajil e'ch taqle'n ye natzan **Chajb'il Taqle'n** (Adjetivo) tan xhchajle'n ejnin tan **ma'le'n te'j**. At kob' jilwutz puntil tan lajluchaxe'n e'ch yola'tz; b'ajx cho'n naxkon jun weql stz'a'b'l le xe'tzb'il yol ejnin i'tz ye: **chin**, ncha'tz naxkon junt stz'a'b'l ye i'tz; **-nin** le stzajsb'ilwi' yol. Ya'stzun najatxon xo'l ejnin na'a'lontetz ye xhe'n kytane'n e'ch taqle'na'tz. Kyeqil e'ch taqle'na'tz ye jawi't che'qil, cho'n nachixkon tan ma'le'n te'j e'ch jilwutz: **yub'el, tijle'nil** ejnin **k'o'kal** e'ch taqle'n.

Elsawutzil:

Yub'el (colores)

Kyaq	Rojo	Chin saqkyaqnin	Medio rojo
Q'eq	Negro	Chin saq'eqnin	Medio negro/negruzco
Q'an	Amarillo	Chin saq'anin	Medio amarillo/amarillento
Saq	Blanco	Chin saqsb'ajnin	Medio blanco/blanquecino
Txa'x	Verde	Chin saqtxa'xnin	Medio verde/verduzco

Tijle'nil (sabores)

K'a'	Amargo	Chin saqk'a'nin	Medio amargo
Chi'	Dulce	Chin saqchi'nin	Medio dulce
Atz'um	Sal	Chin sumsujnin	Medio salado
Tx'am	Ácido	Chin saqtx'amnin	Medio ácido



Nachb'il: Ncha'tz ye yol **sumsuj** naxkon te'j e'ch taqle'n ye noke'n xhcha'al.

K'o'kal (olores)

K'o'k	Oloroso	Chin saqk'o'knin	Medio oloroso
Tzu'j	Hediondo	Chin saqtzu'jnin	Medio hediondo

| Ma'lanl te'j b'alajil ejnin kiywel wutz jun taqle'n
(Superlativo)

Ye e'ch jilwutz yola'tz cho'n nachixkon tan talche'n b'alajil ejnin kiywel wutz e'ch taqle'n. Cho'n nalajluchax xkonse'n ye na'ok stz'a'b'l xe' e'ch yol. Ni'ku'n mu'xh xkonse'n chitane'n e'ch yol ye nqil watlenchan, ye e'ch weql stz'a'b'l ejnin stz'a'b'l e'ch yola'tz i'tz: **chin**, xe'tzb'il jujun yol ejnin **-nin**, stzajsb'ilwi' ye yol. Sqile' kob'ox xtxolb'il tan tele'n qatxum tetz.

Elsawutzil:

K'ask'uj	Diligente	Chin k'ask'ujnin	Muy diligente
Saq	Blanco	Chin saqnin	Muy blanco
Chi'	Dulce	Chin chi'nin	Muy dulce
Juy	Pequeño	Chin juynin	Muy pequeño
Nim	Grande	Chin nimnin	Muy grande

Qapile' xkonse'n ye ja'a'w qa'n

- Qatz'ib'e'ku'n jujun yol te'j e'ch jilwutz tel yol ye at rmeril lche'ltzaj skye'j kob'ox xe' yol ye naqilku'n tzine'j, cho'n lxom te'j b'i jilwutz puntil natzan jaqle'n sqetz.

	Yukb'il Txumu'n Xhchukl te'j (Verbo Intransitivo)	Ma'lanl te'j b'alajil ejnin Kiywel wutz jun Taqle'n (Superlativo)	B'i' e'ch taqle'n kyi lajluch (Sustantivo Abstracto)
Nim			
Txa'x			
Lupluj			
Txak'txuj			
Sqoj			
K'ask'uj			
Ak'aj			
Tz'il			



: B'a'n lqamolku'nqib' tan o'lo' xone'n le jujun q'u'j ejnin qatz'ib'e'ku'n jun txolb'il xlajaq jujun yol ye naqilku'n le ama'l ye atkyentz, cho'n naxom te'j b'i jilwutz yolil natzan jaqle'n sqetz.

Yukb'il yol xhchukl te'j (Verbo Intransitivo):

Ma'lanl te'j yol (Moderativo):

B'i' taqle'n ye kyi lajluch (Sustantivo Abstracto):

Yukb'il txumu'n ye cho'n nab'aj twi' junt (Verbo Transitivo):

Ma'lanl te'j yol kyiwel wutz e'ch taqle'n (Superlativo):

Q'ab' e'ch jilwutz tajlal

(Derivación de Números)

• Yub'sb'il te'j yol tetz tquji'n (Adverbio de Tiempo)

Ye e'ch jilwutz yub'sb'il te'j yol tk'u'laq e'ch tquji'n ye cho'n na'eltzaj q'ab' te'j e'ch jilwutz tajlal, b'a'n naxhchaj sqetz kyeqil e'ch tajlal: **q'ej** ejnin e'ch **yob'** ye iky'naqkyen, ejnin ncha'tz e' ye chuku'l sqawutz tzantzaj, cho'n naxe'tnin xkonse'n te'j ye ka'p q'ej, ma te'j e'ch tajlal yob' cho'n naxe'tnin te b'ajx yob'.

Kyeqil e'ch jilwutz tquj ye tzajnaqkyen tentz, nalajluchax e'ch jilwutz q'ab' yol ta'n, tantu' ye na'ok jujun stz'a'b'l ye e'ch yol ye i'tz: **-it**, cho'n naxkon te'j ka'p tajlal ejnin te'j ye toxi'n tajlal, ma ye **-ix**, cho'n naxkon te'j kyaji'n jalen lije'naqtzi'n, cha'stzun nalajluchaxtz sqawutz ye b'i yolil naqatzan tan txxumle'n ejnin tan yolche'n. Sqile' kob'ox txolb'il tan tele'n qatxum tetz.



Elsawutzil:

Tajlal Yub'sb'il te'j yol tetz tquji'n (*Adverbio de Tiempo*)

Kob'	Kubit	Anteayer/hace dos días
Ox	Oxit	Hace tres días
Kyaj	Kyajix q'ej	Hace cuatro días
O'	O'ix q'ej	Hace cinco días
Wuqaq	Wuqaqix q'ej	Hace seis días
Juq	Juqix q'ej	Hace siete días
Wajxaq	Wajxaqix q'ej	Hace ocho días
Kyajlaj	Kyajlajix q'ej	Hace catorce días
Junaqlaj	Junaqlajix q'ej	Hace treinta días

Ye e'ch yub'sb'il te'j yol tk'u'l tquj nqo ama'l tetz tenxhchan, nachijal tantu' ye na'ok jujun stz'a'b'l yol te'j e'ch xe' yol tan lajluchaxe'n ye b'i naqaj ye lqal, ejnin i'tz e'a'j: **-en**, ye cho'n naxkon te'j ye ka'p tajlal, ma te'j toxi'n tajlal leje'naqtzi'n naxkon ye **-i'n** tetz stz'a'b'l sju'aq jujun yol; qile' kob'ox elsawutzil tan tele'n qatxum tetz.

Elsawutzil:

Tajlal	Yub'sbil te'j yol tetz tquji'n (<i>Adverbio de Tiempo</i>)
Kob'	Ka'pen Pasado mañana, en dos días
Ox	Toxi'n q'ej En tres días
Kyaj	Kyaji'n q'ej En cuatro días
O'	O'i'n q'ej En cinco días
Wuqaq	Wuqaqi'n q'ej En seis días
Juq	Juqi'n q'ej En siete días
Wajxaq	Wajxaqi'n q'ej En ocho días
B'eluj	B'eluji'n q'ej En nueve días
Kyajlaj	Kyajlaji'n q'ej En catorce días
Junaqlaj	Junaqlaji'n q'ej En treinta días
Ka'wnaq	Kawnaqi'n q'ej En cuarenta días
Ka'wnaq lajuj	Ka'wnaq lajuji'n q'ej En cincuenta días

: Yob' (Años)

Tan lajluchaxe'n ye xhe'n na'eltzaj q'ab' e'ch yub'sb'il tajlal yob' tetz **tzantzaj** naxkon e'ch stz'a'b'l yol chitane'n: **Le** ejnin **-t**, matzun tan talche'n e'ch yob' ye iky'naqkyen tenxhchan ntin naxkon: **-ix**, tan lajluchaxe'n txolb'il ye qayol. Qile' kob'ox elsawutzil.



Elsawutzil:

E'ch yob' tetz tzantzaj (*Años Futuros*)

Jun	Le junt yob'	En un año
Kob'	Le kob't yob'	En dos años
Ox	Le oxt yob'	En tres años
Kyaj	Le kyajt yob'	En cuatro años
O'	Le o't yob'	En cinco años
Wuqaq	Le Wuqaqt yob'	En seis años
Juq	Le Juqt yob'	En siete años
Wajxaq	Le Wajxaqt yob'	En ocho años
B'eluj	Le b'elujt yob'	En nueve años
Junaqlaj	Le junaqlajt yob'	En treinta años

E'ch yob' tenxhchan (*Años Pasados*)

Jun	Junix yob'	Hace un año
Kob'	Kob'ix yob'	Hace dos años
Ox	Oxix yob'	Hace tres años
Kyaj	Kyajix yob'	Hace cuatro años
O'	O'ix yob'	Hace cinco años
Wuqaq	Wuqaqix yob'	Hace seis años
Juq	Juqix yob'	Hace siete años
Wajxaq	Wajxaqix yob'	Hace ocho años
B'eluj	B'elujix yob'	Hace nueve años
Junaqlaj	Junaqlajix yob'	Hace treinta años

∴ Jatxb'il xo'l e'ch tajlal (*Números Distributivos*)

Ye e'ch jilwutz yola'tz naxkon tan jatxle'n xo'l jujun q'u'j ye niky'nintu' nachib'ajnin tan e'ch tajlal taqle'n, chitane'n: **kukob'inle'n**, **oxoxinle'n**, te'j kukob' ejnin te'j oxox, lbentunintz lije'naqtzi'n. Ncha'tz b'a'n naxhchaj ye niky'nintu' naku' jatxij e'ch taqle'n xhchiwutzaq jujun, chitane'n e'ch xtxolb'ile'j: kukob' tetz jujun, kyajkyaj tetz jujun. Ye e'ch jatxb'il tajlala'tz nachilajluchax tan ye na'ok stz'a'b'l xe' e'ch yol, cha'stzun na'el qatxumtz tetz ye b'i'tz naqaj lqayol. Ye stz'a'b'la'tz ye naxkon qa'n i'tz: **-inle'n**.



Elsawutzil:

Xe' yol Jatxb'il xo'l tajlal

(Raíz)

(Números distributivos)

Jun	Jujuninle'n	De uno en uno
Kob'	Kukob'inle'n	De dos en dos
Ox	Oxoxinle'n	De tres en tres
Kyaj	Kyajkyajinle'n	De cuatro en cuatro
O'	O'o'inle'n	De cinco en cinco
Wuqaq	Wuqaqinle'n	De seis en seis
Juq	Juqinle'n	De siete en siete
Wajxaq	Wajxaqinle'n	De ocho en ocho
Lajuj	Lajujinle'n	De diez en diez
Junaq	Junchnaqinle'n	De veinte en veinte

Qapile' xkonse'n ye ja'a'w qa'n

- Qatz'ib'e'ku'n jun txolb'il tib'aj puntil qanaja'n, b'a'n lqatz'ib'ku'n le ama'l ye at tzaq' ye txolb'ile'j, ye lqaxkye' tan stz'ib'e'n, b'a'n lqo'k tan ku'se'n techl tzaq' jujun yol ye najilon tib'aj e'ch tajlal, kyik nab'an qo xe' yol nqo q'ab'tlentu' xe' ye yol.

- Qatz'ib'e' jun txolb'il le ama'l ye atkyen xlaj jujun yol. B'a'n lqaxkonsaj e'ch yol ye ate'tz tan stz'ib'e'n alchoqskyetz txolb'ilil ye b'a'n ltz'eltzaj te'j jujun yol.

Tajlal:

Yub'sb'il yol tetz tquj tenxhchantzaj:

Jatxb'il xo'l e'ch tajlal:



Tquj tetz yob' tenxhchankyen:

: Qatx'ixpe'e'n le qayol ye kob'ox txolb'ile'j:
Mis papás vinieron a visitarme hace catorce días.

Doña Juana compró los tamales a un quetzal cada uno.

Hace veintisiete años pasó un gran terremoto en Guatemala.

Vamos a llegar dentro de dos años.

Q'ab' yukb'il txumu'n ye xhchukl te'j (Derivación de Verbos Intransitivos)

• Puntil xhe'n tane'n yukb'il txumu'n ye tz'aqnaqku'n (Participio Perfecto)

Ye e'ch yola'tz ye na'a'lon puntil xhe'n tane'n Yukb'il Txumu'n ye tz'aqnaqku'n, i'tz junt puntil xkonse'n e'ch Chajb'il Taqle'n (Adjetivo), cho'n naxom te'j e'ch puntil yol le jujun tnum. Te'j e'ch txolb'ila'tz nachixkon e'ch stz'a'b'l yole'j: **ja-**, xe'tzb'il yol ejnin **-t**, stzajsb'ilwi' yol.

Elsawutzil:

Yukb'il Txumu'n xhchukl te'j (Verbo Intransitivo)

Jawan	Comió
Jakyim	Murió
Jawit	Durmió
Jab'nix	Terminó

Q'ab' yol (Derivación)

Wanaqt	Comido
Kyimnaqt	Muerto
Witnaqt	Dormido
B'nixnaqt	Terminado

**Puntill xkonse'n:**

♦ Nawit yaj ye taje'ntzaj.	El hombre se vino dormido.
♦ Nin saj oyin jun kyimnaq ky'itx tetz.	Le regalaron un pollo muerto.
♦ B'nixnaqt taq'un yaj ye tule'ntzaj.	Ya le habían hecho el trabajo al hombre cuando vino.

: Na'tzun nab'anon (Causativo)

Ye e'ch jilwutz yola'tz naxhchaj sqetz ye na'tzun nab'anon, nqo na'tzun nakawun tan b'anle'n jun taqle'n ye cho'n na'eltzaj xe' te'j e'ch yol Yukb'il Txumu'n. Na'ok tetz q'ab' yol tantu' ye na'ok stz'a'b'l xe' ye yola'tz, chitane'n: **ja-**, ejnin cho'n natzajpon te'j ye: **te'j** ejnin **ta'n**.

Elsawutzil:

Xo'n	Caminar	Jaxom te'j	Lo encaminó
Watl	Dormir	Jawit ta'n	Lo adormeció
Oke'n	Entrar	Ja'ok ta'n	Se lo puso/lo metió
O'ql	Llorar	Ja'oq' ta'n	Lo hizo llorar
Xo'wl	Miedo	Jaxob' ta'n	Lo asustó

: Na'tzun nab'anon (Agentivo)

Ye jun yola'tz cho'n naxkon tan xhchajle'n xhe'n tane'n B'i' jun taqle'n (Sustantivo) ye naxkon tan b'anle'n jun taqle'n chinab'an jun yukb'il txumu'n. Nalajluchax tan e'ch stz'a'b'l yol ye na'ok xlajaq chitane'n: **aj-**, ye cho'n naxkon xe'tzb'il ye yol, ejnin **-inl**, ye cho'n naxkon stzajsb'ilwi' ye yol chij ye xe' yol nqo xe' e'ch yukb'il txumu'n.

Elsawutzil:

Xe' yol nqo xe' yukb'il txumu'n

Yol	Hablar	Ajyololinl	Hablador/hablante
Xo'n	Caminar	Ajxo'ninl	Caminante
O'ql	Llorar	Ajo'qlinl	Chillón
Watl	Dormir	Ajwatlinl	Dormidor, dormilón
Wi'a'i'n	Nadar	Ajwi'a'inl	Navegante



Q'ab' xe' e'ch yukb'il txumu'n ye nab'aj twi' junt

(Derivación de Verbos Transitivos)

• Puntil xhe'n tane'n yukb'il txumu'n ye tz'aqnaqku'n (Participio Perfecto)

Ye jun txolb'ile'j i'tz junt puntil yol ye cho'n na'eltzaj q'ab' te'j jun yukb'il txumu'n ye cho'n nab'aj twi' junt, nachijal tantu' ye na'ok stz'a'b'l e'ch yol chitane'n: **-ijt**, ye e'ch jilwutz stz'a'b'l yola'tz nachib'i'aj **"sufijos"** le chiyol xhtya'n cho'n nacho'k xlaj nqo xe'tzb'il e'ch yol yukb'il txumu'n.

Elsawutzil:

Xtxa'le'n	Escoger	Txa'ijt	Escogido
B'anle'n	Hacer	B'anijt	Hecho
Tx'ajo'n	Lavar	Tx'ajijt	Lavado
Talche'n	Decir	Alijt	Dicho
Lo'q	Comprar	Loq'ijt	Comprado
Stzok'le'n	Cortar	Tzok'ijt	Cortado
Quxle'n	Cortar	Quxijt	Cortado (corte de carne)
Tamle'n	Cortar	Tamijt	Cortado

: B'i' taqle'n ye at yukb'il txumu'n te'j (Sustantivos Verbales)

At ox jilwutz b'i' e'ch taqle'n ye at yukb'il txumu'n te'j le qetz qayol ye ilenin nab'en tale' ye ni'ku'n e' tu b'i' e'ch taqle'n. B'a'n natal ye nab'nix jun taqle'n ta'n, b'a'n naxhchaj ye natetzaj jun taqle'n, ejnin b'a'n na'ok tan stz'a'b'e'n b'i' e'ch taqle'n ye nataltzaj sqetz na'skyetz ama'lil ate'kyent e'ch taqle'n (Sustantivo Relacional)

Ye b'ajx txolb'il ye sqile' i'tz, ye e'ch yola'tz ni'ku'n e' tu alchoqtetz b'i' taqle'n, na b'a'n na'ok tan stz'ib'e'n b'i' e'ch taqle'n, nataltzaj sqetz na'skyetz ama'lil ate'kyent e'ch taqle'n chinab'an tan tx'olche'n xo'l b'i' e'ch taqle'n, ncha'tz b'a'n naxkon tan xhchajle'n ye b'i nab'ajij le jun yukb'il txumu'n. Cho'n nalajluchax e'ch yola'tz tan e'ch jilwutz stz'a'b'l yol ye na'ok te'jaq xe' yol chitane'n: **-kyen**.



Elsawutzil:

Tokse'n	Echar	Tokse'nkyen	Echar
Taq'le'n	Dar	Taq'le'nkyen	Dar
Tamle'n	Cortar/talar	Tamle'nkyen	Cortar
Tawle'n	Sembrar	Tawle'nkyen	Sembrar
Jatx'le'n	Cortar/segar	Jatx'le'nkyen	Cortar/segar
Xile'n	Cortar/rejuntar	Xile'nkyen	Cortar/rejuntar
Stzutle'n	Cortar	Stzutle'nkyen	Cortar

Puntil xkonse'n:

- ♦ Chin ky'ixb'elnin tokse'nkyen b'anl tx'otx' kwe'ntzi'n.
El echar abono a la milpa en la costa, es duro.
- ♦ Cho'n xa'qe'n ta' Lexh tan tamle'nkyen tqan ko'n.
Don Andrés fue al corte de caña de milpa.
- ♦ Jachinq'e'xij tan molche'nkyen triw.
Ya me cansé en juntar trigo.

: Kyi'k stzajsb'ilwi' (Infinitivo)

Ye e'ch jilwutz yola'tz ye nachib'i'aj **Kyi'k stzajsb'ilwi'**, ya'stzun ka'p xtxolb'il ye najilon tib'aj junt jilwutz chib'i' e'ch taqle'n ye b'a'n nacho'k tetz yukb'il txumu'n ejnin nataltzaj ye b'i nab'ajij le jun yukib'. Najal nqo nalajluchax e'ch stz'a'b'l yol ta'n chitane'n e'a'j: - **a'n, -e'n, -i'n** ejnin **-o'n**, ye cho'n nachixkon stzajsb'ilwi' xe' e'ch yol tan tele'n qatxum tetz ye b'i'tz natzan yolche'n.

Elsawutzil:

Xe' yol yukb'il txumu'n	Kyi'k stzajsb'ilwi' (Infinitivo)
Tx'aj-	Lavar
Masl-	Barrer
Saql-	Oler
Ajl-	Contar
Xku'tx-	Contribuir



§ **B'i' taqle'n yukb'il txumu'n ye b'i nab'ajij te'j junt**
(Sustantivo Verbal Pasivo)

Ya'stzun toxi'n xtxolb'il b'i' e'ch taqle'n ye b'an nacho'k tetz yukb'il txumu'n ejnin ajsqe'n chiwutz qa'n tan ye **-tz**, ye na'ok qa'n tetz stz'a'b'l xe' e'ch jilwutz yol yukb'il txumu'n. Ntintu' na nq'e'tz ni'ku'n skyuch' e' ye nqil watlenchan na ilenin na'ok tetzaje'n tan junt.

Elsawutzil:

Ky'iky'-	Cuidar	Ky'iky'b'e'tz	Su cuidado
Josl-	Raspar	Joslb'e'tz	Su limpia
Xb'aj-	Criticar	Xb'ajtzi'b'e'tz	Su crítica
K'al-	Amarrar	K'alb'e'tz	Su amarre
Xmay-	Ver	Xmayb'e'tz	Su mirador

Puntil xkonse'n:

- ♦ Chin ky'ixb'elnin lkyaj jun yab'i'x tetz qaky'iky'b'e'tz.
Es difícil cuidar a un enfermo.
- ♦ Chin q'e'xb'ilnin ye qo qak'alb'e'tz kyeqil e' kneru'.
Es muy cansado amarrar los carneros.
- ♦ Kyinin lajluch joslb'e'tz yaj xo'l ko'n.
No se ve la limpia del señor entre la milpa.

| **Ma'klb'il le jun ama'l** (Instrumental Locativo)

Ye e'ch jilwutz yolo, ma'klb'il le jun ama'l nachijal ejnin nachilajluchax tan ye na'ok **-b'il**, tetz stz'a'b'l xe' e'ch yol nqo xe' e'ch yukb'il txumu'n.

Elsawutzil:

Aw-	Sembrar	Aw b'il	Instrumento, lugar para sembrar
Wa'-	Comer	Wa' b'il	Comedor
A'	Agua	Uk'a' b'il	Instrumento, lugar para beber
Xil-	Cortar	Xil b'il	Instrumento, lugar para cortar
B'uj-	Aporrear	B'uj b'il	Instrumento, lugar para aporrear
Tzok'-	Cortar	Tzok' b'il	Instrumento, lugar para cortar
Xheq'-	Picar	Xheq' b'il	Instrumento, lugar para picar
Xhuq'-	Escarbar	Xhuq' b'il	Instrumento, lugar para escarbar



Xhchuk-	Batir	Xhchukb'il	Instrumento, lugar para batir
Watl	Dormir	Witb'il	Dormitorio

¶ Na'tzun nab'anon (Agentivo)

Te'j ye jun jilwutz yol ye na'a'lon **na'tzun nab'anon** (Agentivo), nachilajluchax tan e'ch stz'a'b'l yol ye na'ok te'j xe' yukb'il txumu'n (verbo). At nab'antku'n natx'ixpij e'ch jilwutz stz'a'b'l xe' yol, ye e'ch stz'a'b'l ye naxkon xe'tzb'il yol (prefijo) i'tz **aj-**, ma ye stzajsb'ilwi' xe' yol naxkon ye stz'a'b'l "**sufijo**" **-l**, tan lajluchaxe'n ye b'i naqaj tan talche'n. Qile' kob'ox txolb'il tan tele'n qatxum tetz.

Elsawutzil:

Xe' yol ye jawi't qil		Na'tzun nab'anon (Agentivo)	
Tx'ajo'n	Lavar	Ajtx'ajonl	El que lava/lavador
Ujul	Siembra	Ajulinl	El que siembra/agrónomo
Si'le'n	Leer	Ajsi'lonl	El que lee/lector
Chusu'n	Estudiar	Ajchusunl	El que enseña/maestro

Kob'ox t yol ye nq'era'tz puntil nab'an stz'ib'e'n chitane'n e' ye nqil na natzajponwi' xe' yol tan e'ch stz'a'b'l **-ol, -om, -um, -wil**. Qile' kob'ox txolb'il.

Elsawutzil:

Xe' yol		Na'tzun nab'anon (Agentivo)	
Matz	Cortar cabello	Matzol	Barbero
Tawle'n	Sembrar	Awol	Sembrador
Saja'ch	Jugar	Saqchom	Jugador
Aq'un	Trabajar	Aq'unwil	Trabajador
Watl	Dormir	Watum	Dormilón

¶ Ye b'i nab'ajij te'j junt (Pasivos)

Ye e'ch jilwutz oyol ye nachib'i'aj **Ye b'i nab'ajij te'j junt** (Pasivos), i'tz junt puntil yol yukb'il txumu'n xhchukl te'j (Verbo Intransitivo) ye cho'n nache'ltzaj te'j e'ch yukb'il txumu'n **ye cho'n nab'aj twi' junt** (verbos transitivos) ejnin nachib'i'aj (Activos) tan ye e'ch tx'ujte'n ye nab'ajij. Ye e'ch yukb'il txumu'n ye b'i nab'ajij te'j junt (Verbo Pasivo) nachijal tan e'ch txolb'ile'j: ntinkuntu' nalajluchax ta'n ye na't nab'aje't nqo na'tzun nab'aj tk'u'l e'ch taqle'n le txolb'il ye natzan yol tib'aj le



yukb'il txumu'n ye cho'n nab'aj twi'; tanpaj ye ntin natzan tan yol tib'aj ye jun ye cho'n nab'aj twi' natzun oktz tetz yukb'il txumu'n ye xhchukl te'j (Verbo Intransitivo), cha'stzuntetz at nab'antku'n ye jun ye nab'aj tk'u'l e'ch taqle'n (Objeto), na'oktz tetz b'i' taqle'n ye juna'tz ye nab'ajij yol te'j (Sujeto); itutzun na tk'u'l ye xtxolb'ila'tz ye natzan yol tib'aj, ite'nin i'a'tz ye jun ye nab'aj tk'u'l ye b'i nab'ajij te'j.

Kyi nalajluchax le xtxolb'il ye na'skyetz i' natzan tan b'anle'n taqle'n ejnin na'tzun nab'aj tk'u'l, cho'ntzun nalajluchaxtz tan b'i' e'ch taqle'n ye na'alo'ntetz na't ate'kyent tantu' ye e'ch stz'a'b'l e'ch yol ye nab'aj ok te'j chitane'n: **-ij**, ye cho'n na'ok nqo cho'n naxkon stzajsb'ilwi' xe' e'ch yol. Cho'n naxom te'j ye niky'na' chixone'n e'a'tz ye ate' le xtxolb'il.

At kyaj jilwutz puntil weqle'nku'n e'ch yol **Ye b'i nabajij te'j junt** (Pasivos) tantu' e'ch stz'a'b'l yol "Prefijos o Sufijos" ye naxkon tan lajluchaxe'n sqawutz ye xhe'n nab'an stz'ib'e'n.

Elsawutzil:

Xe' yol (Raíz)		Ye b'i nab'ajij te'j junt (Pasivo)	
Tilwe'n	Ver	Ilwij	Fue visto
Qinle'n	Jalar	Qinlij	Fue jalado
Joyle'n	Buscar	Joylij	Fue buscado
K'oxle'n	Tirar	K'oxlij	Fue tirado
B'ujle'n	Aporrear	Bujlij	Fue aporreado
Pitle'n	Empujar	Pitlij	Fue empujado
Stzok'le'n	Cortar	Tzok'lij	Fue cortado

Tan tele'n qatxum tetz ye xhe'n nab'an weqle'nku'n nqo stz'ib'e'n txo'l jun xtxolb'il qale **Natzane't tx'ujte'n** (Activo) ejnin e'ch taqle'n qale nalajluchaxe't ye **B'i nab'ajij te'j junt** (Pasivo).

Qile' xhe'n nab'an puntil xkonse'n:

- ◆ Yukb'il txumu'n nab'aj twi' junt (Natzan tx'ujte'n te'j)
Verbo transitivo (Activo)
Jaquin wil tze'. El niño jaló el trozo.



- ◆ *Yukb'il txumu'n xhchukl te'j (B'i nab'ajij te'j)*
Verbo Intransitivo (Pasivo)
Jachinlij tze' tan wil. El trozo fue jalado por el niño.
- ◆ *Yukb'il txumu'n nab'aj twi' junt (Natzan tx'ujte'n te'j)*
Verbo Transitivo (Activo)
Jachijoy wunaq e' xiky. Las personas buscaron a los jóvenes.
- ◆ *Yukb'il txumu'n nab'aj twi' junt (B'i nab'ajij te'j)*
Verbo Intransitivo (Pasivo)
Jachijoylij e' xiky kya'n e' wunaq.
Los muchachos fueron buscados por las personas.

Kob'oxt elsawutzil:

- ◆ *Yukb'il txumu'n nab'aj twi' junt (Natzan tx'ujte'n te'j).*
Jaqatx'amx Nos agarraron
Jaqawan Nos alimentaron
Jachichaqx Los invitaron
Jachinach'ey Me ayudaste
Jaqajoy Lo buscamos
Jaqajlaj Lo contamos
- ◆ *Yukb'il txumu'n xhchukl te'j (B'i nab'ajij te'j).*
Jaqatx'amxij ita'nwoq Fuimos agarrados por ustedes
Jaqak'a'chij ita'nwoq Fuimos alimentados por ustedes
Jachichaqxij Fueron invitados
Jachinch'eyxij awa'n Fui ayudado por ti
Jaqajoylij Fuimos buscados
Ja'ajlij Fue contado

∴ Nab'en kuq twi' junt (Antipasivo)

Ye e'ch yol ye cho'n nab'en kuq twi' junt (antipasivos) ya'stzun chib'i' e'ch jilwutz yol yukb'il txumu'n ye xhchukl te'j (VT), ye cho'n na'e'ltzaj q'ab' te'j e'ch yukb'il txumu'na'tz ye cho'n nab'aj twi' junt, qale kyi nalajluchaxe't ye na'tzun nab'aj tk'u'l ejnin e'ch stz'a'b'l yol ye nachixkon tan e'ch yola'tz i'tz e'a'j: **-je'j ejnin -n.**



Elsawutzil:

Yukb'il txumu'n ye cho'n nab'aj twi' junt ejnin natx'ujtij te'j.

(Transitivo Activo)

Jatil na' Cha'n ye nmu'l xun.

Doña Juana vio a la muchacha que vino.

Yukb'il txumu'n ye xhchukl te'j ejnin nab'en kuq twi' junt.

(Verbo Intransitivo Antipasivo)

Na' Cha'n nmi'lo'n xun ye nmul.

Fue doña Juana quien vio a la muchacha que vino.

Yukb'il txumu'n ye cho'n nab'aj twi' junt ejnin natx'ujtij te'j.

(Verbo Transitivo Activo)

Jakujij ta' Laxh ye pwoq.

Don Nicolás acepto el dinero.

Yukb'il txumu'n ye xhchukl te'j ejnin nab'en kuq twi' junt.

(Verbo Intransitivo Antipasivo)

Ta' Laxh nkujinkyen pwoq.

Fue don Nicolás quien aceptó el dinero.

Qab' xe' e'ch yol ye na't ate'kyent

(Derivación de Posicionales)

Tan tele'n qatxum tetz e'ch yola'tz, sqile' kob'ox xtxolb'il te'j ye xhe'n nalajluchax sqawutz ye na'skyetz ama'lil ate'kyent e'ch taqle'n ejnin xhe'n nachijal e'ch jilwutz q'ab' yol tan xe' e'ch yola'tz.

• Yukb'il txumu'n nab'aj twi' junt (Verbo Transitivo)

Jun yukb'il txumu'n ye cho'n na'eltzaj q'ab' te'j junt yol ye na'a'lon na'skyetz ama'lil ate'kyent e'ch taqle'n, nachilajluchax tantu' e'ch stz'a'b'l yol (sufijos) ye na'ok xlajaq nqo sju'aq jujun yol chitane'n e'a'j: **ja-**, ejnin **-b'al**, cho'n naxom te'j ye b'i natal ye xe' yol. Ye e'ch stz'a'b'l yol ye naxkon te'j e'ch xtxolb'ile'j i'tz e'a'j: **ja-** ye cho'n naku' xe'tzb'il; ma ye **-b'al**, cho'n naku' le stzajsbilwi' xe' yol.



Elsawutzil:

Xe' yol

Yukb'il Txumu'n Nab'aj Twi' Junt
(Verbo Transitivo)

Pak'l	Boca arriba	Jaku' pak'b'al	Lo colocó boca arriba
Txalch	Inclinado	Jaje' txalb'al	Lo inclinó
Ch'inl	Colgado	Jaje' xhch'inb'al	Lo colgó
Joql	Embrocado	Jaje' joqb'al	Lo embrocó
Mejl	Arrodillado	Jaku' mejb'al	Lo arrodilló
Tx'anl	Desnudo	Jaku' tx'anb'al	Lo desnudó
Juq'l	Echado	Jaku' juqb'al	Lo echó

• **Yukb'il txumu'n ye xhchukl te'j** (Verbos Intransitivos)

At ala' e'ch yukb'il txumu'n ye cho'n nache'lktzaj te'j e'ch xe' yol ye nataltzaj ye na't ate'kyent e'ch taqle'n, ye e'ch jilwutz stz'a'b'l yol (sufijos) ye nachixkon tan lajluchaxe'n e'ch yola'tz i'tz e'a'j: **ja-**, **-b'en**, ejnin **-je'**.

-Ja ya'stzun stz'a'b'l yol ye naxkye' tan talche'n sqetz ye xhe'n nachiyukkyi'b' e'ch taqle'n le chiku'lb'il ejnin xhe'n nachib'ankyentz, cho'n xom te'j ye b'i nataltzaj xe' yol. At nab'antku'n ye kyi't na'iky' tky'aj txolb'il chinataltzaj xe' yol.

Elsawutzil:

Tol	Jab'en tol	Rodó
Lit'puj	Jab'en lit'puj	Salio lentamente (en forma de pluma)
Xho'k	Jaje' xhok	Se torció

-ja, ejnin **-e'**, ya'stzun e'ch stz'a'b'l yol ye nachixkon skyetz e'ch yukb'il txumu'n ye xhchukl te'j tan talche'n ye xhe'n kytane'n ejnin xhe'n nachib'ankyent e'ch taqle'n. Ye e'ch stz'a'b'la'tz ye **-ja**, cho'n nachixkon kyera'tz xe'tzb'il xe' ye jujun yol ejnin ye tetz munl i'tz tan talche'n ye b'i tqujil nab'ajij e'ch taqle'n, ma ye **-e'** ejnin **-in**, cho'n naxkon tetz jalen stzasb'ilwi' xe' ye jujun yol ejnin nataltzaj sqetz ye xhe'n nachib'ankyent e'ch taqle'n.



Elsawutzil:

Ch'upl	de cabeza	jaqach'upe'	nos pusimos de cabeza
Ch'ojl	de cuclillas	jach'oje'	se puso de cuclillas
Txalch	de lado	jatxale'	se puso de lado
Tz'il	sucio	jatz'ilin	se quedó sucio

Kob'oxt yol qale naxkon ye: **nab'en**, le stzasb'ilwi' xe' yol.

Elsawutzil:

T'ikl	de puntillas	t'ikyin nab'en	anda de puntillas
Pak'l	boca arriba	pak'l nab'en	anda boca arriba
Ch'ojl	agachado	ch'ojl nabe'n	anda caminando agachado

At e'ch yol ye naxkon junt yol tetz stz'a'b'l tan lajluchaxe'n ye b'i nab'ajij chitane'n ye nab'en jun lajqe'l ejnin xhe'n tane'n tan ojqe'l, tan lajluchaxe'n xtxolb'ila'tz naxkon e'ch stz'a'b'l yol **nb'en**, ejnin **nsaj**, te'j jujun.

Elsawutzil:

Xlaj	De lado	xlaji'n nb'en	se fue de lado
Xkatz	Despeinado	xkatzan nb'en	se fue despeinado
Ch'upl	De cabeza	ch'upl nsaj	se vino de cabeza
K'olch	Dentado	k'olch nb'en	se fue sentado
Ch'inl	Colgado	ch'inl nb'en	se fue colgado

‡ **Chajb'il taqle'n ye xhe'n kytane'n**
(Adjetivo posesional estativo)

Ye jun jilwutz yola'tz, cho'n nachijal skye'j e'ch stz'a'b'l yol **-ij**, at nab'antku'n ye natx'ixpij e'ch stz'a'b'la'tz stzasb'ilwi' xe' e'ch yol.

Elsawutzil:

Ch'upl	de cabeza	ch'uplij	inclinado de cabeza
Txak'l	con los pies y manos hacia arriba	txak'lij	tirado con los y manos arriba
Tz'ajl	desnudo	tz'ajlij	desnudo
Joql	boca abajo	joqlij	boca abajo
Xheq'l	desordenado	xheq'lij	desordenado



Ma'klb'il le jun ama'l (instrumento locativo)

Ye e'ch yola'tz cho'n nalajluchax tan ye e'ch stz'a'b'l ye na'ok xlajaq e'ch yol chitane'n e'a'j: **-b'il**. Ejnin sqile' kob'ox txxolb'il:

Elsawutzil:

K'olch	sentado	k'olch b'il	lugar o instrumento para sentar
Koyl	acostado	koyl b'il	lugar o instrumento para acostarse
Mejl	arrodillado	mej b'il	lugar o instrumento para arrodillarse
Xo'n	caminar	xo' nb'il	lugar o instrumento para caminar
Ujle'n	descansar	ujl b'il	lugar o instrumento para descansar
Chem	tejer	chem b'il	lugar o instrumento para tejer

Qapile' b'anle'n ye qo ja'a'w qa'n

Te'j ye jun k'olaj teb'lal tz'ib' ye ate' le jun teb'lale'j qajoye' ejnin oqen techl ye jujun yol qa'n ye ljal txo'l ye e'ch teb'lal tz'ib' ye ate'tz, at e'ch yol ye kunaqtzaji'n kytane'n, at ye lijenaqi'n kytane'n, at ye txalch kytane'nin, che'qajoye' txo'laq e'ch techl tz'ib'a'tz. Ye lchijal qa'n, b'a'n ltz'ok stz'akl qa'n, ejnin b'a'n lche'qatz'ib'ku'n le qu'j.

s	a	w	a	k	a	t	e	k	o
n	s	i'	l	e'	n	m	o	y	t
l	q	t	q	i	p	a	l	e'	o'
u	b'	t'	x	t	o	l	o'	l	q
b'	e	b'	z	tx'	s	j	r	e'	a
a	t	y	z	m	u	s	w	a	t
j	z	tz	u	a'	w	m	k'	t	a
b	m	k	s	o'	o	j	a'	z	n
x	a	t	n	u	m	w	k	u	u
m	q	a	i	e	s	x	q'	m	m



- : Ate' kob'ox xe' yol tz'ib'a'nche' tzine'j; qajoye' q'ab' e'ch yola'tz ejnin che'qatz'ib'e'ku'n xlajaq tib'aj e'ch xhqite' ye jujun yola'tz ye b'i najaqtzaj.

Elsawutzil:

Xe' yol/Q'ab yol/ B'i yolil e'/Xe' yol/Q'ab' yol/ B'i yolil

Wa'a'n			Xtxa'le'n		
Jakyim			B'anle'n		
Watl			Tx'ajo'n		
B'ene'n			Talche'n		
Saja'ch			Lo'q		

- : Qajoye' ejnin qatz'ib'e'ku'n xlajaq ye jujun yol tz'ib'anche' ye na'skyetz xe' ye jujun yola'tz le jun xtxolb'ila'tz.

Ajqb'etz		Ajpom	
Ajtz'ib'		Ajkun	
Ajtx'amij		Tx'ajijt	
Ajchusunl		Xtx'ajle'n	
Aj Xhch'e'n		Xhchewse'n	

- : Qatz'ib'e' jun xtxolb'il alchoqskyetz te'j ye e'ch ye naqub'it tenxhchan le qatnumil, skyetz e' qataj nqo skyetz qaky'e'x (cuentos, historia, leyenda).





KOB'LAJI'N XTXOLB'IL

PUNTIL XTXOLB'IL YOL

(LA ORACIÓN)

Ye puntil txxolb'il qayol, ya'stzun puntil txxole'nku'n ejnin tx'olche'n xo'l kyeqil e'ch jilwutz yol tan lajluchaxe'n jun taqle'n sqawutz ye puntiku'nin tane'n, chin sqojkunin te'j ejnin kyi'k kob'k'u'lal te'j tan tele'n qatxum tetz. Ye e'ch jilwutz weql nqo b'i' e'ch jilwutz yol ye naxkon tan chiweqle'nku'n txxolb'il qayol i'tz e'a'j: **B'i' juna'tz ye nab'ajij yol te'j** (sujeto (S)), ya'stzun alchoqskyetz jilwutz taqle'nil ye nab'ajij yol tib'aj cho'n xom te'j ye b'ikuntunin nab'ajijtz skye'j; **yol ye nab'ajij tib'aj e'ch taqle'n** (predicado(P)), ya'stzun kyeqil e'ch jilwutz txxolb'il ye na'a'lchij nqo b'i' nab'ajij tib'aj kyeqil e'ch taqle'n, cho'n xom te'j ye b'i' nab'ajij skye'j e'ch taqle'na'tz.

Elsawutzil:

Jab'en Xhep tan tokse'n tq'inl ko'n wi'wtz.	José fue a calzar milpa en el cerro.
Jaq'e'xij chej tzaq' eqtz.	El caballo se cansó bajo la carga.
Wi'nin tz'itpun tel ne'xh kneru'.	El corderito brinca bastante.
Nachitzan wunaq tan kayi'n tzi'a'.	Las personas están pescando en el río.
Nachixon wi'nin wunaq tk'ayb'il.	Mucha gente camina en el mercado.

• **B'i' juna'tz ye nab'ajij yol te'j** (sujeto)

Ya'stzun b'i' e'ch taqle'n ye nab'ajij yol te'j, kyi'k nab'an alchoq jilwutz yolil nachixhkon chitane'n e'ch **Xel b'i'aj** (pronombres), **B'i' e'ch taqle'n** (sustantivos), b'i' wunaq, txuk nqo e'ch jilwutz taqle'ntunintz, ejnin alchoq jilwutz yolil ye nachixkon tan tx'olche'n xo'l e'ch jilwutz yola'tz.

Kyeqil e'ch xel b'i'aj ejnin b'i' e'ch taqle'n ya'stzun sopil b'i' e'ch taqle'n ye nab'ajij yol te'j, ma ye e'ch jilwutz yoltunintz ye nachixkon



tan yub'se'n te'j e'ch xtxolb'il i'tz e'a'j: **chajb'il taqle'n** (adjetivos), **chajol yol ye naxhchaj e'ch b'i'aj** (artículos demostrativos), **e'ch jilwutz tajlal** (números), ejnin e'ch jilwutz xtxolb'iltunintz.

Ye qo junintzi' Sopil b'i' ye taqle'n ye nab'ajij yol tib'aj nab'i'aj: **Junintzi' b'i' juna'tz ye nab'ajij yol te'j** (sujeto simple S. SIM.), matzun ye qo kob' nqo ala'ku'n sopil b'i' taqle'n nab'ajij yol tib'aj nab'ia'j: **Ala' xone'n b'i' juna'tz ye nab'ajij yol te'j** (sujeto compuesto S. COM.)

Ye chib'i' e'ch taqle'n ye nab'ajij yol te'j, at nab'antku'n nachilajluchax tan e'ch xel b'i'aj, b'i' e'ch taqle'n, nqo at nab'antku'n ye kyi tajwe'n nachixkon, na kyeqil e'ch xtxolb'il ye natzan yol tib'aj ye b'i taqle'nil nab'ajij te'j nalajluchax tan e'ch chajb'il yol ye nachixkon le e'ch puntil **Juego A** ejnin **Juego B**. Cho'n xom t'ej ye qo junintzi' yol nqo ala'ku'n yol naxkon tan xhchajle'n b'i' taqle'n ye nab'ajij yol te'j le jun xtxolb'il nab'i'aj **lajluchku'n tane'n** (explícito), matzun ye qo ntinkuntu' nalajluchax ye yol le jun yukb'il txumu'n nab'i'aj **Yol ye kyi techtib' ye qo at txo'l tuch'** (implícito).

Elsawutzil:

- ◆ Natzan **ta' Lexh** tan ky'iky'le'n tujul.

S. SIM.

Don Andrés está cuidando su siembra.

- ◆ Natzan **na' Cha'n** tan stz'isle'n kolob'.

S. SIM.

Doña Juana está cocinando su güipil.

- ◆ Cho'n nachaq'uj **ta' Paxh tu na' Cha'n** kwe'ntzi'n.

S. COM.

Don Pascual y doña Juana trabajan en la costa.

- ◆ Nachitzatzin **e' xiky' ejnin e' xun** tan chisa'ch'b'il.

S. COM.

Los niños y las niñas están felices por sus juguetes.

- ◆ Natzan **xiky** tan xhch'eye'n txu'.

S. IMPL.

El niño ayuda a su mamá.



- ◆ Kyi nastzok' ta' Wa'n e'ch tze'.

S. EXPL.

Don Juan no tala árboles.

- ◆ Jachopon wunaq tan jichi'n tzi'a'.

S. IMPL.

Las personas llegaron a nadar en el río.

- ◆ Jaxqa'qtzaj tan tajsqe'n ye ama'l nab'i'aj Najb'il tetz Q'uq'.

S. IMPL.

Llegamos a conocer el Biotopo del Quetzal.

: Yol ye nab'ajij tib'aj e'ch taqle'n (*Predicado*)

Ye xe' nqo sopil yol ye nab'i'aj **yol ye nab'ajij tib'aj e'ch taqle'n**, b'a'n naxkon jun yukb'il txumu'n (verbo), nqo jun **chajb'il tetz xhe'n tane'n** (estativo). Ye qo yukb'il txumu'n sopil jun yol, nab'i'aj yukb'il txumu'n tx'olb'il xo'l yol ye b'i nab'ajij te'j b'i' taqle'n (*Predicado Verbal PV*), ncha'tz at nab'antku'n ye b'a'n naxkonsij jun yukb'il txumu'n xhchukl te'j (*Verbo Intransitivo PVI*), nqo jun yukb'il txumu'n ye cho'n nab'aj twi' junt (*Verbo Transitivo PVT*), ye qo i'tz jun chajb'il ye xhe'n tane'n (*Estativo PE*) nab'i'aj: **Yol ye nab'ajij tib'aj e'ch taqle'n ye nq'e'tz yukb'il txumu'n e'** (*Predicado no Verbal PNV*), nqo jun **Yol chajb'il te'j xhe'n tane'n e'ch taqle'n** (*Predicado Estativo PE*). Skye'j e'ch sopil yola'tz, b'a'n nacho'k kob'ox't yol tan yub'se'n te'j nqo tan stz'ab'e'n te'j e'ch yol. Tan lajluchaxe'n xkonse'n e'ch stz'a'b'l yola'tz b'a'n nachixkon e'ch **yub'sb'il te'j yol** (*adverbios*), ma tan stz'a'b'e'n te'j yol nachixkon e'a'j:

Na'tzun nab'aj tk'u'l taqle'n. (*Objeto Directo (OD)*)

Cho'n naxkon tan xhchajle'n na'skyetz wunaqil najilone't e'ch tx'olb'il ejnin na'tzun nab'aj tk'u'l ech taqle'na'tz ye na'ok yukb'il txumu'n tan xkonse'n.

Na't na'ajwij lbaje't taqle'n. (*Objeto Indirecto (OI)*)

Ye jun tx'aqajt yola'tz nataltaj ye na't na'ajwit ye lbaje't e'ch taqle'n, ntintu' na nq'e'tz choninq nab'aj twi' juna'tz qale na'ajwit lbaje't ye taqle'na'tz; ma na cho'n nasukkyentib' te'j yukb'il txumu'n, tan ye b'i' taqle'n ye naxkye' tan lajluchaxe'n.

**Xq'alab' yol** (*Adjuntos Adto.*)

Ya'stzun e'ch jilwutz yol ye na'a'lontetz e'ch jilwutz taqle'n chitane'n: ama'l, tquj, ma'kl ejnin e'ch yoltunintz.

Elsawutzil:

- ◆ **Kwe'nq'ej nacho'k** nitxa' **le chusb'il.**

PVI

Los niños entran a la escuela por la tarde.

- ◆ **Jab'aj ne'xh ko'n** kya'n wakxh.

P

Los toros se comieron la milpa pequeña.

- ◆ **Ajpom** ta' We'l Xechul.

PNV

Don Manuel Xechul es sacerdote maya.

- ◆ **Nimt** me'l ta' Pal Xhampewl.

PNV

La hija de don Gaspar ya está grande.

- ◆ Ja'ok **ta'al xtze'** tan Tina.

OD

Martina le echó agua a las plantas.

- ◆ Cho'n nb'en tq'ol ta' Yan ij **tetz ky'ajl.**

OI

Don Sebastián le mandó las semilla a su hijo.

- ◆ Cho'n nasaqchij ni' **witxa'x ch'im.**

Adto.

El bebé juega sobre la grama.

- ◆ Che'qakole' e' txuk ye ate' **xo'l xtze'.**

Adto.

Protejamos a los animales de la selva.

Qapile xkonse'n ye ja'a'w qa'n

- Qajoye' txo'laq kob'ox txolb'il ye tz'ib'a'ntche'tza'j kyeqil e'ch taqle'n ye nab'ajij yol te'j (sujeto), ejnin cheqatz'ib'e'ku'n le e'ch ama'l ye ate'tz xlajaq jujun txolb'il. Qo naqaj, b'a'n lche'qajoy kob'ox txolb'il



(oración) qale lchixkone't b'i' e'ch taqle'n ye nab'ajij yol te'j (sujeto)
ejnin b'a'n lche'qatz'ib'ku'n le qu'j.

B'i' e'ch taqle'n ye nab'ajij yol te'j
(sujeto)

- Cho'n at Imu'ch txo'l xtze'. _____
- Natu'in ni' te'j txu'. _____
- Nache'kol ta' Laxh e' txuk xo'l xtze'. _____
- Nawojon tx'i' xo'l ka'l. _____
- Jab'e'n na' Lu'ch tan lo'q tk'a'yb'il. _____
- Qaq'e'ku'n jun xhqite' techl tzaq' jujun tx'olb'il xo'l yol ye b'i
nab'ajij te'j b'i' taqle'n le jujun tx'olb'il. Ejnin cha'tz qatz'ib'e'ku'n
b'i' xlajaq jujun tx'olb'il cho'n xom te'j ye b'i jilwutz yolil chitane'n
e' ye jawi't che'qil. (PVI), (PVT) nqo (PNV).
- Kwe'nq'ej nacho'k nitxa' le chusb'il. _____
- Jab'aj ne'xh ko'n tan b'i'n. _____
- Ajpom ta' Xhep Yon. _____
- Nimt me'l ta' Pal Yoxh. _____
- Qaq'e'ku'n jun xhqite' techl tzaq' e'ch yol "ye na'tzun nab'aj tk'u'l
e'ch taqle'n" (OD) ye ate'tz le e'ch tx'olb'ile'j, ncha'tz ye qo at yol
"ye na't na'ajwij lb'aj tk'u'l e'ch taqle'n" (OI), b'a'n lqab'anku'n
xlajaq jujun yol.
- Ja'ok ta'al xtze' tan Pel. _____
- Cho'n nb'en tq'ol ta' Yan ij tetz ky'ajl. _____
- Cho'n nsaj pu'q ta' le sam ji' i'. _____

E'ch jilwutz weql ye qayol.

(Orden de los principales elementos de la oración)

At ala' jilwutz weql ye qayol, cho'n xom te'j ye qo e'ch yola'tz
e'lenku'n yukb'il txumu'n ye cho'n nab'aj twi' junt. Ye e'ch jilwutz
weqla'tz ye najal qa'n i'tz e'ch **yukb'il txumu'n** (verbo), **b'i' taqle'n ye
nab'ajij yol te'j** (sujeto), **b'i' taqle'n qale natzan xkonse'n** (objeto),
kyeqil e'ch taqle'na'tz ilenin tky'a'ntib' e'ch tx'olb'ilil ta'n, na tantu' ye
nsq'ilku'n na'ok chiweqle'nku'n cha'stzun na'el qatxum tetz ye b'i'tz
natzan yol te'j. Kyeqilku'n e'ch jilwutz yol atlenku'n puntill nqo



k'olchb'il xkonse'n tan talche'n jun taqle'n, na kyi tu natzantu' xkonse'n e'ch yola'tz. Chin tajwe'nkunin tan ta'we'n xkonse'n weql e'ch yol qa'n, na qo kyi na'a'w weqle'nku'n qa'n, naje' tx'ixpij txolb'ilil ye yol ejnin nq'e'tz cha'tz nab'an puntil ye b'i'tz naqaj tan talche'n.

Ye e'ch jilwutz weql qayol ye naxkon, ejnin nachixkon yukb'il txumu'n ye xhchukl te'j, **yol ye b'ajij tib'aj e'ch taqle'n**, (predicado) qale kyi nalajluchaxe't e'ch taqle'n) na junintzi' txolb'il naxkon te'j ejnin i'tz ye **b'i' juna'tz ye nab'ajij yol te'j** (sujeto), tky'a'ntib' weql e'ch yol ejnin cho'n nab'an puntil e'ch xkonse'n chine'j:

Yukb'il txumu'n ye xhchukl te'j + b'i' taqle'n ye nab'ajij yol te'j (VI + S); Tx'olb'il xo'l yol ye b'i nab'ajij tib'aj e'ch taqle'n + b'i' taqle'n ye nab'ajij yol te'j (PV + S)

Txolb'il xhchukl te'j (Oración intransitival)

- **Ja'el tzaqpij ye eqtz.** La carga se cayó.

VI

S

Jun txolb'il ye at tx'olb'il xo'l yol te'j ye b'i nab'ajij te'j e'ch taqle'n (oración con predicado no verbal).

Tx'olb'il xo'l yol ye b'i nab'ajij te'j e'ch taqle'n (Oración con predicado no verbal)

Cho'n koylxhche' e' wuch' witxa'x ch'im.

P

S

Mis compañeros están acostados en la grama.

Tan yolche'n nqo tan stz'ib'e'n jun txolb'il qale naxkone't yukb'il txumu'n ye xhchukl te'j, junit puntil xkonse'n, na kyi natx'ixpij txolb'il e'ch yol na nsq'ilnin txole'nintib' tan kyi jale'n xub'se'n te'j, ye e'ch yola'tz ye nachixkon te'j i'tz e'a'j: **yukb'il txumu'n ye cho'n nab'aj twi' junt + b'i' taqle'n ye nab'ajij yol tib'aj + b'i' taqle'n ye natzan xkonse'n** (objeto). At nab'antku'n natx'ixpij xkonse'n, cho'n naxom te'j ye qo atkunin wutzil ye na't naxkone't; tan lajluchaxe'n nqo tan na'wse'n jun taqle'n, cha'stzuntetz ye chin tajwe'nkunin b'ajx naxkonsij junt jilwutz yol swutz ye yukb'il txumu'n. Cha'stzuntetz b'a'n nachije'tx'pujkyib' chitane'n ye txolb'ile'j:



VSO (Verbo, Sujeto, Objeto)

OVS (Objeto, Verbo, Sujeto)

SVO (Sujeto, Verbo, Objeto)

SOV (Sujeto, Objeto, Verbo)

Qile' kob'ox elsawutzil tan tele'n qatxum tetz ye xhe'n nab'an puntil xkonse'n:

Jaxhch'ey nitxa' ye wutzile'n b'ixhu'. El niño ayuda al anciano.
 V S O

Jache'tawaj na' Yoq kob' wi' b'uch. Doña Yoq sembró dos matas de flores.
 V S O

I ye tx'i'x ntam Saqtze'. (nombre maya) Fue la espina que cortó Saqtze'.
 O V S

Ma tetz Ajb'e', i' nmiky'anin wu'j si'lb'il. En cambio Ajb'e', se llevó mi libro.
 S V O

Matzun tetz Lexh, i wu'j nb'en tky'al. Encambio Andrés, fue mi libro el que se llevó.

 S O V

Puntil xkonse'n xq'ajlab' yol le jun xtxolb'il: (*Orden de los adjuntos en la oración*).

Ye e'ch jilwutz **xq'ajlab' yol** (adjuntos) wi'nin nachixkon xhchixo'l e'ch jilwutz yol, naxkon tan yub'e'n puntil qajilon ejnin tan tele'n qatxum tetz ye b'i natzan talche'n le jun xtxolb'il. Ilenin b'a'n nalajluchax ta'n ye b'i jilwutz yolil ye tajwe'n lchixkon chitane'n tan talche'n e'ch: **ama'l**, (lugar), **tqujil ama'l** (tiempo), ncha'tz b'a'n nataltzaj ye; **na'skyetz i' natzan yol te'j** (sujeto) le jun xtxolb'il (chitane'n e'ch b'i'aj), b'a'n naxkonsij chitane'n: **jun ma'kl tan b'anle'n jun taqle'n** (instrumento), **xq'ajlab' yol** (compañía), **B'i nab'anon e'ch taqle'n** (causa). Kyeqil e'ch yola'tz cho'n nachixkonsij swutz e'ch taqle'n ye nab'ajij yol tib'aj (sujeto), chikyitane'n e'ch yol ye na'a'lon na'skyetz amalil ate'kyent e'ch taqle'n, ejnin e'ch yol ye nataltzaj ye e'ch tquj ama'l, nqo at nab'antku'n ye b'ajx nachixkonsij xhchiwutz e'ch yukb'il txumu'n.

Elsawutzil:

- Jab'en ntxu' tk'a'yb'il.

Mi mamá se fue al mercado.

Adjuntos de lugar



-Jaku' k'alol xun sa'chb'il tan **tx'ewu'ch**. La niña amarró su juguete con mecate.

Instrumento

-Chin lajqe'lnin tane'n Pla's tan xo'n. Francisco vino caminando rápido.

Adjunto de manera

Qapile xkonse'n ye ja'a'w qa'n

- Ye e'ch jilwutz txolb'il ye nache'qasi'lku'n tzine'j, kyi weqijche' nsq'ilku'n chij ye puntil qajilon. Che'qaweque'ku'n nsq'ilku'n tan jale'n lo'chal yolche'n, stz'ib'e'n ejnin tb'ite'n chitane'nin puntil qayol. Ncha'tz b'a'n lku' techl qa'n ye b'i jilwutz yolil naqatzan tan xkonse'n chitane'n e'a'j: (SVO, VSO, OVS, nqo junt jilwutz yol)

- Naxon chej cho'n tb'e': _____
- Wunaq tan aq'un jalchan nachik'as: _____
- Witze' xiky jaje': _____
- Ko'n nawan xo'l chej: _____
- Ka'l xo'l moy wi'nin ate: _____
- A' xe yaj najichin: _____
- Chumul cho'n ta' nchib'en: _____
- Jalu' ab'al natzan wi'nin: _____
- Ta'n qawa' Qataj ye tetz ntyoxh at: _____
- Wakxh ko'n xo'l nawan cho'n: _____

- Qapile' stz'ib'e'n jun txolb'il tib'aj alchoqskyetz taqle'nin ye naqab'itnin skye'j qataj nqo qaky'e'x, b'a'n lxkon ye ama'l qa'n ye atkyen tzaq' ye txolb'ile'j.



OXLAJI'N XTXOLB'IL

QULIL YOL (LA VOZ)

Ye qulil yol ya'stzun puntil e'ch jilwutz yol najal ye nache'qanuch'ku'n e'ch jilwutz weq yol chitane'n e' yukb'il txumu'n (verbos), chib'i' e'ch taqle'n (sustantivos), txo'l e'ch yola'tz najal nqo nalajluchaxe't e'ch jilwutz xtxolb'il ye b'i tajwe'n tan talche'n tan tele'n chitxum e' wunaq tetz ye b'i nab'ajij yol te'j, nqo ye na'ok tan si'le'n. At nab'antku'n ye kyilnaqlentu' nab'an te'j e'ch yol.

Ye qo kyilnaqlentu' nab'an si'le'n te'j e'ch yol (directa), cho'n nachilajluchaxtz ye nachixkon e'ch yukb'il txumu'n ye cho'n nab'aj twi' junt (verbos transitivos) qale nachilajluchaxe't kob' xtxolb'ila'tz ye i'tz e'a'j: **ye juna'tz ye nab'ajij yol tib'aj** (sujeto), ejnin ye **na'skyetz i' nab'aj tk'u'l e'ch taqle'n** (objeto). Cho'ntzun nachilajluchaxtz ye nachixkonsij txo'l e'ch yukb'il txumu'na'tz.

Ma ye e'ch yol ye nq'e'tz kyilnaqlentu' te'j (indirecta) cho'n nachilajluchax ye nachixkonsij te'j chib'i' e'ch taqle'n (sustantivos), na cho'n nachixkonsijte'tz skye'j e'ch **taqle'n ye cho'n nab'aj twi' e'ch ma'klb'il** (instrumento) nqo xqajlab' nqo alchoqskyetz yolil, cho'n naxom te'j ye xhe'n puntil naqaj lqaxkonsaj e'ch yola'tz.

Ye b'i' e'ch taqle'na'tz kyi nachilajluchax xhchixo'l e'ch yukb'il txumu'n, ma na cho'n nachilajluchax tan ye nachixkonsij e'ch **b'i' e'ch yol ye naxkon tan talche'n na'skyetz ama'lil ate'kyent e'ch taqle'n** (sustantivos relacionales). Ye qo i'tz e'ch taqle'n ye nab'ajij yol te'j (sujeto), ejnin ye na'tzun nab'aj tk'u'l e'ch taqle'n (objeto), ye kyilnaqle'ntu' xhchajb'iltetz, nachilajluchax tan ye naxkonsij kob' xtxolb'il ye nachib'i'aj **Juego A Ergativo**, na'elepont i'tz, ye na'skyetz nab'anon taqle'n ejnin natz'amontzaj twi' junt, ma ye **Juego B Absolutivo**, natal sqetz ye na'tzun nab'anon taqle'n nin na'tzun nab'aj tk'u'l ye taqle'na'tz, le jun xtxolb'ila'tz ye naqatzan tan si'le'n nqo tan txxumle'n.



Ncha'tz at jun txolb'il ye nab'i'aj **xhe'n natx'ixpij qulil yol** (cambio de voz); le qetz qayol ye cho'n najal skye'j e'ch taqle'n ye nab'ajij yol te'j (sujeto) ejnin ye na'tzun nab'aj tk'u'l e'ch taqle'n (objeto) ye cho'n nache'ltzaj jatxij skye'j e'ch yukb'il txumu'n. Nachilajluchax tantu' ye nachixkonsij nqo kyi nachixkonsij e'ch weql yola'tz ye jawi't qajilon te'j. Cha'stzuntetz at ox jilwutz puntil tx'olche'n xo'l ye xhe'n natx'ixpij qulil qayol ye nab'i'aj: **yol ye natx'ujtij**, na nataltzaj ye b'i nab'ajij (activa); ejnin **nab'en kuq twi' junt**, na nataltzaj ye cho'n nab'aj twi' junt (pasiva); ejnin **kyi nab'en kuq twi' junt** (antipasiva).

• **Qulil yol ye natx'ujtij** (*Voz Activa*)

Ya'stzun e'ch jilwutz txolb'il yol ye nataltzaj sqetz nqo nalajluchax ta'n ye b'i nab'ajij. Te'j ye jun txolb'ila'tz ate' kob' jilwutz taqle'n ye wi'nin nachixkonsij ejnin nachib'i'aj: **Na'tzun nab'ajij yol te'j** (Sujeto/Agente) ejnin **na'tzun nab'aj tk'u'l e'ch taqle'n** (objeto/paciente), na ya'stzun nataltzaj e'ch yukb'il txumu'n ye naxkonsan ejnin nalajluchax ta'n ye e'ch jilwutz weql qulil yol ye na'ok tetz stz'a'b'l ye e'ch txolb'il Juego B/Absolutivo, natal sqetz ye na'tzun nab'anon taqle'n ejnin na'tzun nab'aj tk'u'l ye taqle'n. Ejnin ye Juego A/Ergativo ye natal sqetz na'skyetz nab'anon taqle'n ejnin natz'amontzaj twi' junt.

Sqile' kob'ox elsawutzil:

Jasaj k'oxol Ajb'itz lob'aj tzine'j. Ajb'itz lanzó las frutas aquí.
JB JA Suj/Ag. Obj/Pac.

Nimche'w xhch'eyanq skye'j e' xiky. Nimche'w ayudará a los jóvenes.
Suj/Ag. JB JA Obj/Pac.

Jape' b'en aq'ol e'ch b'e'choq chine'j. Mandaste la ropa allá.
JB S Obj./Pac. JA

• **Qulil yol ye nab'en kuq twi' junt.** (*La voz Pasiva*)

Ye jun jilwutz puntil yola'tz cho'n nachixkonsij tan lajluchaxe'n ye na'skyetz taqle'n nab'aj t'u'l (objeto/paciente); na cho'nkunin nab'ajij yol tib'aj e'ch txolb'ila'tz, na nq'e'tz te'j ye na'tzun nab'ajij yol tib'aj (sujeto/agente) ye i'tz e' yukb'il txumu'n ye cho'n nab'aj twi' junt (verbo transitivo), kyi'ttzun nachixkonsijkye'tz e'ch yola'tz.



Le qetz qayol atlo' kyaj jilwutz puntil xkonse'n ye Qulil yol ye nab'en kuq twi' junt (Voz Pasiva); ye ilenin at jatxb'ililtetz xo'l chixkonse'n ejnin b'i na'elepone't ye jujun tx'aqaj yola'tz.

Kyeqilku'n e'ch qulil yol ye nab'en kuq twi' junt (voz pasiva), kyi't nachixkonsij e'a'tz ye na'tzun nab'ajij yol tib'aj (Sujeto/Agente) na nin nache'lkyentera'tz xlaj, nq'e'tz tirku'n e'ch yola'tz na'iky' tky'aj xkonse'n le jun txolb'il le e'ch puntil ye nq'e'tz kyilnaqlentu' te'j. Na ye qo nq'e'tz kyilnaqlentu' te'j le e'ch yukb'il txumu'n, cho'ntzun nachilajluchaxtz ye nachixkonsij e'ch yol ye na'a'lontetz **b'i' e'ch taqle'n ye nataltzaj sqetz ye na'skyetz ama'lil ate'kyent e'ch taqle'na'tz** (sustantivo relacional).

Ye cho'n nayub'sij kye'j tan ye naxkonsij Juego A/Ergativo ye natal sqetz na'skyetz nab'anon taqle'n ejnin natz'amontzaj twi' junt, cho'n xom te'j na'skyetz wunaqil ejnin b'i tajlalil atkyent ye wunaqa'tz.

Elsawutzil:

Xtxolb'il Qulil yol ye natx'ujtij (*Oración Activa*)

Jab'en pitol tel xun jun k'ach jal. La niña empujó la red de mazorca.
JB JA S O

Xtxolb'il Qulil yol ye nab'en kuq twi' junt (*Oraciones Pasivas*)

Ye jun k'ach jal nb'en pitol tel xun. La red de mazorca fue empujado por la niña.
O JB SR+Agente

Ye jun k'ach jal pitij nwilej. La red de mazorca fue empujado por mí.
O JB SR+Ag. Impl.

I jun k'ach jal pitij nmawilej. La red de mazorca fue empujada por ti.
O JB SR+Ag. Impl.

Xtxolb'il Qulil yol ye natx'ujtij (*Oración Activa*)

Ijoy wunaq alq'om, ye e'opon tan alaq'.

JB JA SR+Ag. S

La gente buscó a los ladrones que llegaron a estafar.

**Xtxolb'il Qulil yol ye nab'en kuq twi' junt.** (*Oraciones Pasivas*)

Ye e' alq'om ye e'opon tan alaq', ijoylij kya'n wunaq.

S JB JA SR+Agente

Los ladrones que llegaron a estafar, fueron buscados por la gente.

Joylij alq'om kya'n wunaq. El ladrón fue buscado por la gente.

JB S SR+Agente

Natzan joyle'n alq'om kya'n wunaq. El ladrón es buscado por la gente.

JB S SR+ Agente

Xtxolb'il Qulil yol ye natx'ujtij (*Oración Activa*)

Jak'ay Paxh ye xtx'otx'. Pascual vendió su terreno.

JB JA S O

Xtxolb'il Qulil yol ye nab'en kuq twi' junt (*Oraciones Pasivas*)

Ye tx'otx', k'ayi'n ntilej Paxh. El terreno es vendido por Pascual.

O JB SR+ Agente

Natzan Paxh tan k'ayi'n xtx'otx'.

SR+ Agente JB O

El terreno está siendo vendido por Pascual.

‡ Qulil yol ye kyi nab'en kuq twi' junt. (*voz antipasiva*)

Ya'stzun b'i' puntil e'ch qulil yol ye naxkon le jun xtxolb'il qale ntinku'n najilon tib'aj ye na'skyetz i' nab'ajij yol te'j (sujeto/agente). Te'j ye jun jilwutz qulil yola'tz ye jun yukb'il txumu'n ye cho'n nab'aj twi' junt (verbo transitivo) nacho'k tetz yukb'il txumu'n ye xhchukl te'j (verbo intransitivo), na ntinkuntu' na'ok tan ma'le'n te'j jun xtx'olb'il ye i'tz: **na'tzun nab'ajij yol te'j** (sujeto agente). Ma ye jun ye **na'tzun nab'aj tk'u'l**, kyi nalajluchax tan yukb'il txumu'n (verbo), na tan b'i' e'ch taqle'n (sustantivo) ya'stzun naxkye' tan ma'le'n te'j ejnin tan lajluchaxe'n ye na'tzun atkyent txo'l ye e'ch jilwutz yola'tz. Cho'n nachilajluchax ta'n e'ch qulil ye naxtx'ixpe'ntib' ye nab'i'aj: Juego A/ Ergativo ye natal sqetz na'skyetz nab'anon taqle'n ejnin natz'amontzaj



twi' junt, cha'stzun nalajluchaxtz sqawutz ye na'skyetz ama'lil ate'kyent ejnin na'skyetz wunaqil nab'aj tk'u'l e'ch taqle'na'tz.

Ye e'ch taqle'na'tz ye ntinku'n naxkye' tan xhchajle'n ye na'skyetz i' nab'ajij yol te'j (sujeto), at kob'oxtz stz'a'b'l yol ye naxkye' tan chiweqle'nku'n e'ch jilwutz txolb'il ye na't najale't qulil yol ye kyi nab'en kuq twi' junt (antipasiva); ejnin i'tz e'aj: **e'ch yol tan jaqle'n ye na'tzun nab'aj tk'u'l e'ch taqle'n** (interrogación del sujeto); **yol ye naxkon tan tewe'n te'j ye na'skyetz i' natzan yol te'j** (negación del sujeto); **yol ye naxkon tan talche'n ye b'intzijku'n ye na'skyetz i' natzan yol te'j** (afirmación del sujeto), nqo kyi na'alchij ye na'skyetz i' nab'aj tk'u'l (paciente).

Kyeqil e'ch jilwutz txolb'ila'tz ye jawi't qachusu'n te'j le qetz qayol, at ox jilwutz jatxb'ilil xo'l ye e'ch qulil yola'tz ye kyi nab'en kuq twi' junt ejnin i'tz e'aj: **Yol ye na'a'lontzaj ye na'tzun nayukantetz e'ch txumu'n** (antipasivo de enfoque), **Yol ye kyi lajluch na'tzun nab'en kuqt e'ch taqle'n twi' junt** (antipasiva de incorporación), ejnin e'ch **Yol qale kyi nalajluchaxe't ye na'tzun nab'aj tk'u'l e'ch taqle'n** (antipasivo absoluto).

Qulil yol ye na'a'lontzaj ye na'tzun nayukantetz e'ch txumu'n (*antipasivo de enfoque*)

Ya'stzun e'ch jilwutz yol ye nachixkon sqetz tan jaqle'n ye na'tzun natzan tan jaqle'n ye na'skyetz i' natzan tan yuke'n e'ch txumu'n; tewe'n te'j ye na'skyetz i' nb'anon ye taqle'n, talche'n sqetz ye na'skyetz i' nb'anon e'ch taqle'n na nq'e'tz alchoqtu' lqalajpekyent ye na'tzun nb'anon e'ch taqle'na'tz.

Qulil yol ye kyi lajluch ye na'tzun nab'en kuqt e'ch taqle'n twi' junt (*Antipasivo de incorporación*)

Ya'stzun e'ch jilwutz yol ye naxkon tan kyi lajluchaxe'n ye na'tzunn nab'aj tk'u'l e'ch taqle'n txo'l e'ch txolb'il qale naxkone't e'ch yukb'il txumu'n (verbo), ntintu' na techku'ntib' txo'laq e'ch yol na kyi tajwe'n jun techl tetz stz'a'b'l e'ch yola'tz.



Qulil yol qale kyi nalajluchaxe't ye na'tzun nab'aj tk'u'l e'ch taqle'n. (*Antipasivo absoluto*)

Ya'stzun e'ch jilwutz stz'a'b'l yol ye cho'n nachixkon tan tewe'n te'j tan kyi lajluchaxe'n le jun txolb'il ye na'skyetz i' nab'aj tk'u'l e'ch taqle'n, at txo'l ye txolb'il, ntintu' na kyi techtib' nqo kyi lajluch na't atkyent.

Ye e'ch txolb'ila'tz ye jawi't che'qil nachilajluchax tan ye e'ch stz'a'b'l yol ye naxkon skye'j alchoqskyetz yukb'il txumu'n ye nachixkonsij tan lajluchaxe'n e'ch yola'tz.

Elsawutzil:

Xtxolb'il Qulil yol ye natx'ujtij (*Oración activa*)

Ye wutzile'n xna'n jataq' b'anl skyib'aj nitxa'.
S JB JA O

La anciana bendijo a los niños.

I wutzile'n xna'n nmaq'on b'anl skyib'aj nitxa'.
S JB SR+ Paciente

Fue la anciana quien bendijo a los niños.

Wutzile'n xna'n nmaq'on b'anl skyib'aj nitxa'.
S JB Pac. Incorporado

La anciana bendijo niños.

Jataq' b'anl skyib'aj nitxa'.
JB Pac. Incorporado

Ella bendijo niños.

Ye Wutzile'n xna'n nataq' b'anl
S JB

La anciana bendice.

Nataq' i' b'anl.
JB

Ella bendice.



Qapile' xkonse'n ye jawi't a'w qa'n

- Te'j e'ch jlwutz xtxolb'il yol ye naqilku'n tzine'j, cho'qen qa'n tetz "xtxolb'il qulil yol ye natx'ujtij te'j" (oración activa).

Ye e' alq'om ye e'opon tan alaq', ijoylij kya'n wunaq.

Joylij alq'om kya'n wunaq.

Natzan joyle'n alq'om kya'n wunaq.

Jak'ay Paxh ye xtx'otx'.





KYAJLAJI'N XTXOLB'IL

B'I' YOL YE NATALTZAJ NA'SKYETZ AMA'LIL ATE'KYENT E'CH TAQLE'N (SUSTANTIVO RELACIONAL)

Ye jun txolb'ile'j i'tz jun q'u'j yol ye cho'n nachixkon tan talche'n sqetz ye **na'skyetz ama'lil ejnin b'i tajlalil ate'kyent e'ch taqle'n le jun txolb'il**. Techku'ntib' xhe'n kyitane'n na ilenin at natal e'ch taqle'na'tz ye na'ok xtx'olche'n xo'l tan e'ch jilwutz weql ejnin stz'a'b'l e'ch yol ye na'ok skye'jaq jujun yol Juego A, ye natal sqetz na'skyetz nab'anon taqle'n ejnin naxkon tan yub'se'n te'j e'ch yola'tz.

Ye e'ch jilwutz yol ye natetzajkyen ejnin nataltzaj sqetz ye na'skyetz ama'lil ate'kyent e'ch taqle'n (ye cho'n nalajluchax te'j ye toxi'n wunaq xhchukl ye nab'ajij yol te'j) (3era. P. Singular), ye cho'n nachixkon tetz chajb'ilil ama'l ejnin i'tz e'aj:

• **Xlaj** *Al lado de, a la par de*

Elsawutzil:

Tzinxlaj	a mi lado
Tzaxlaj	a tu lado
Xlaju'	al de usted (Honorífico)
Xlaj	al lado de (él, ella)
Sqaxlaj	a nuestro lado
Tzixlaj	al lado de ustedes
Chixlaju'	al lado de ustedes (Honorífico)
Chixlaj	al lado de (ellos, ellas)

Puntil xkonse'n le jun txolb'il (*Ejemplos de utilización en oraciones*)

Cho'n at xlaj ku'lb'il u'j.	<i>Permanece a la par del librero.</i>
Cheb'ku'n kxhiky' xlaj xna'n.	<i>Pasa despacio a la par de la señora.</i>
Cho'n nmiky'ku'n lub'aj tzinxlaj .	<i>La serpiente pasó a mi lado.</i>



Cho'n nachiky'ku'n moy **tzaxlaj**. Los carros pasan a tu lado.
B'a'n nachixon nitxa' **sqaxlaj**. Los niños camina bien a nuestro lado.

: Wutzkok *Atrás de, detrás de*

Elsawutzil:

Wutzinkok detrás de mi
Wutzakok detrás de ti
Wutzkoku' detrás de usted (Honorífico)
Wutzkok detrás de (él, ella)
Wutzqakok detrás de nosotros
Wutzikok detrás de ustedes
Wutzchikoku' detrás de ustedes (personas de respeto)
Wutzchikok detrás de (ellos, ellas)

Puntl xkonse'n le jun xtxolb'il (Ejemplos de utilización en oraciones)

Cho'n nachisaqchij nitxa' **Wutzkok** ka'l. Los niños juegan detrás de la casa.
Cho'n atky'en atwi' **wutzakok**. Tu sombrero lo llevas detrás de ti.
Cho'n ate' wunaq tan yol **wutzqakok**. Las personas están detrás de nosotros platicando.
Cho'n xomtzej witz'un **wutzinkok**. Mi hermanito viene detrás de mí.
Cho'n nchikyaj ka'l **wutzikok**. Las casas quedaron detrás de ustedes.

: Tzaq' *Debajo de*

Elsawutzil:

Tzinjaq' debajo de mí
Tzajaq' debajo de ti
Tzaq'u' debajo de usted (Honorífico)
Tzaq' debajo de (él, ella)
Sqajaq' debajo de nosotros
Stzijaq' debajo de ustedes
Xhchijaq'u' debajo de ustedes (Honorífico)
Xhchijaq' debajo de (ellos, ellas)

Puntl xkonse'n le jun xtxolb'il (Ejemplos de utilización en oraciones)

Cho'n nmo'k mam tzo' **tzaq'** k'olchb'il. El gallo se metió debajo de la silla.
Cho'n atkyen ak'olchb'il **tzinjaq'**. Tu silla está debajo de mí.



Cho'n ate'kyen awu'j **tzajaq'**. *Tus cuadernos están debajo de ti.*
 Jachikyaj ne'xh ky'itu' **sqajaq'**. *Se quedaron los pollitos debajo de nosotros.*
 Jakyaj tel mitu' **xhchijaq'** wunaq. *El gato se quedó debajo de las personas.*

‡ **Xel** *En vez de/a cambio de*

Elsawutzil:

Nxel	en vez de mí
Axel	en vez de ti
Xelu'	en vez de usted (Honorífico)
Xel	en vez de (él, ella)
Qaxel	en vez de nosotros
Ixel	en vez de ustedes
Chixelu'	en vez de ustedes (Honorífico)
Chixel	en vez de (ellos, ellas)

Puntil xkonse'n le jun xtxolb'il *(Ejemplos de utilización en oraciones)*

Kujpe' kxhb'en tetz **nxel**. *Por favor anda en vez de mí.*
 Nqab'en tetz **xel** qataj. *Iremos en vez de nuestro padre.*
 Ntintu' na kye'lnin nb'en tetz **axel**. *Solo que nadie irá en vez de ti.*
 B'enqen awutziky tetz **qaxel**. *Que vaya tu hermano en vez de nosotros.*
 Chib'enqen Pal tu Wa'n tetz **chixel**. *Que vayan Gaspar y Juan en vez de ellos.*

| **Tib'aj** *Sobre/encima de*

Elsawutzil:

Tzwib'aj	sobre mí
Tzawib'aj	sobre ti
Tib'aju'	sobre usted (Honorífico)
Tib'aj	sobre (él, ella)
Sqib'aj	sobre nosotros
Tzitib'aj	sobre ustedes
Skyib'aju'	sobre ustedes (Honorífico)
Skyib'aj	sobre (ellos, ellas)

**Puntil xkonse'n le jun xtxolb'il** (*Ejemplos de utilización en oraciones*)

Kyi ltxikyeje'n tib'aj slum wa'b'il.	<i>No te pares sobre la mesa.</i>
Aq'e'n atxo' tzawib'aj .	<i>Ponte la chamarra encima.</i>
Cho'n nku' ab'al tzitib'aj .	<i>Les cayó la lluvia encima.</i>
Cho'n nsaj nil qotx' sqib'aj .	<i>El derrumbe cayó sobre nosotros.</i>
Cho'n ate'n xb'u'q tzwib'aj .	<i>El reboso está encima de mí.</i>
Cho'n nmiky'ku'n b'aq'ch'ich' skyib'aj .	<i>La bala les pasó encima.</i>

! Tzwitz/Tzwutz *Enfrente de/ a la superficie de*

Elsawutzil:

Tzinwutz	enfrente de mí
Tzawutz	enfrente de ti
Tzwutzu'	enfrente de usted (Honorífico)
Tzwutz	enfrente de (él, ella)
Sqawutz	enfrente de nosotros
Stziwutz	enfrente de ustedes
Xhchiwutzu'	enfrente de ustedes (Honorífico)
Xhchiwutz	enfrente de (ellos, ellas)

Puntil xkonse'n le jun xtxolb'il (*Ejemplos de utilización en oraciones*)

Cho'n ate' e' wuch' tzinwutz .	<i>Mis compañeros están en frente de mí.</i>
Cho'n at awaq'un tzawutz .	<i>Tu trabajo está en frente de ti.</i>
Cho'n ate' wunaq twutz tyoxh.	<i>Las personas están en frente de la iglesia.</i>
Chib'ajxoq e' nitxa' sqawutz .	<i>Que los niños pasen en frente de nosotros.</i>
Chik'oleq wunaq tziwutz .	<i>Que se sienten las personas en frente de ustedes.</i>
Chinb'ajxoq xhchiwutzu' .	<i>Me adelanto en frente de ustedes.</i>
Chib'ajxoq kneru' xhchiwutz pstorkyetz.	<i>Que vayan los carneros en frente de los pastores.</i>

! Stzolt'e'j *Alrededor de*

Elsawutzil:

Stzolwe'j	alrededor de mí
Stzolawe'j	alrededor de ti



Stzolute'j	alrededor de (él, ella)
Stzolqe'j	alrededor de nosotros
Stzolute'j	alrededor de ustedes
Stzolkye'ju'	alrededor de ustedes (a personas mayores)
Stzolkye'j	alrededor de (ellos, ellas)

Puntil xkonse'n le jun txolb'il (*Ejemplos de utilización en oraciones*)

At pe'm stzolute'j qujul.	<i>Hay cercado alrededor de nuestra siembra.</i>
Nachiwankan wunaqtxuk stzolwe'j .	<i>Las abejas zumban alrededor de mí.</i>
Tolkyen b'u'y stzolawe'j .	<i>Pon vendas alrededor de ti.</i>
Ate'o'ktzaj tx'i' tan wojo'n stzolqe'j .	<i>Los perros ladran alrededor de nosotros.</i>
Wi'nin nitxa' ate' stzolute'j .	<i>Hay muchos niños alrededor de ustedes.</i>
Chimolo'nkyib' wunaq stzolkye'ju' .	<i>La gente está reunida alrededor de ustedes.</i>
Ak'aj pe'm at stzolkye'j tawun ta'.	<i>Hay un corral nuevo alrededor de los carneros del señor.</i>

‡ Txe' *En el fondo*

(Funciona únicamente con terceras personas)

Jakupon jalen txe'ku'n ye a'.	<i>Llegó hasta el fondo del agua.</i>
Cho'n ate' b'e'chtetz jalen txe'ku'n kaxha'.	<i>Su ropa está en el fondo del cofre.</i>
Ate' lmaq kay jalen txe'ku'n a'.	<i>En el fondo del agua hay peces grandes.</i>
Cho'n ate' ne'xh umul jalen txe'kyen jul.	<i>Los conejos están en el fondo de la cueva.</i>

‡ Stzi' *A la orilla/a la entrada*

(Funciona únicamente con terceras personas)

Elsawutzil:	
Qaxonq stzi' b'e', na wi'nin moy nachixon.	<i>Caminemos en la orilla de la carretera, porque hay mucho transito.</i>



Cho'n nxqa'q tan aq'un jalen **stzi'** qotx'.

Fuimos a trabajar en la orilla del barranco.

Cho'n ate'e'ltzaj xo'j **stzi'** ye jul.

Los coyotes estaban en la entrada de la cueva.

Natzan ntxu' tan xtx'ajle'n b'e'chwetz **stzi'** a'.

Mi mamá lava mi ropa a la orilla del río.

|| Txo'l/xo'l *Entre*

(Funciona únicamente para terceras personas)

B'a'n ltz'ok jun u'j **txo'l** tuch'.

Hay que dejar el papel entre los otros.

Chixomoqnin wawun xhchixo'l itetz.

Que vayan mis ovejas entre el de ustedes.

Cho'n ate' wunaq tan aq'un **txo'l** ko'n.

La gente trabaja entre la milpa.

Cho'n nachixon nitxa' **txo'l** tx'i'x.

Los niños caminan entre espinas.

·|| Sju'le'n/sju' *Al otro extremo*

(Funciona únicamente para terceras personas)

Xomnin te'j ky'ajaj jalen **sju'len**. *Seguí la pita hasta el otro extremo.*

Tz'amaj axb'u'q jalen **sju'len**. *Detén tu reboso al otro extremo.*

Chimolo'nkyib' wunaq **sju'len** tnum. *La gente está reunida al otro extremo del pueblo.*

Chitpe'n **sju'** ye axbu'q. *Desata los extremos de tu reboso.*

:|| Tk'u'l *Dentro de*

(Funciona únicamente con terceras personas)

Ky'ajwe'tzaj k'olob' ye ate' **tk'u'l** mo'tx.

Trae los huevos que están dentro del canasto.

Cho'n at pu'q ta' Wa'n **tk'u'l** jun tx'u'y.

El dinero de don Juan está dentro de una bolsa.



Cho'n at ch'oy **tk'u'l** xhwoq' tan b'ajse'n xhchil.
El ratón está dentro de una olla comiendo pepitas de ayote.
 Wi'nin wunaq nachib'en **tk'u'l** moy ta' Pal Kan.
Mucha gente viaja dentro de la camioneta de don Pal Kan.

Na'skyetz wunaqil nab'anon e'ch taqle'n (La persona)

At junt tx'aqajt yol ye cho'n naxkon tan talche'n ye na'skyetz wunaqil nab'anon e'ch taqle'n. Qachuse'qib' te'j tan tele'n qatxum tez.

• Ta'n

Por

Ye yola'tz cho'n naxkon tan talche'n ye na'skyetz wunaqil natzan tan b'anle'n ye taqle'n, ntintu' na nin naje' tx'ixpij xkonse'n e'ch stz'a'b'l yola'tz, cho'n naxom te'j ye na'skyetz wunaqil natzan yol te'j. Le wi'tzb'il elsawutzil naxkon ye **Kya'n e'**, te'j junt puntil xkonse'n.

Elsawutzil:

At nab'anku'n naxkon yola'j:

Wa'n	por mí	Ta'n	in
Awa'n	por ti	Ta'n	axh
Ta'nu'	por usted (Honorífico)	Ta'n	llu'/alu'
Ta'n	por él	Ta'n	i'
Qa'n	por nosotros	Ta'n	o'
Ita'n	por ustedes	Ta'n	axwoq
Kya'nu'	por ustedes (Honorífico)	Ta'n	e'u'
Kya'n	por (ellos, ellas)	Kya'n	e'

Puntil xkonse'n le jun xtxolb'il ye kob' puntil talche'n yol:

Ja'ul pu'qu' wa'n .	<i>Le traje su dinero.</i>
Ta'n in ja'ul pu'qu'.	<i>Por mí vino su dinero.</i>
Jab'en ni' ta'n le moy.	<i>El bebé fue llevado por él en el carro.</i>
Ta'n i' jab'en ni' le moy.	<i>Por él fue llevado el bebé en el carro.</i>
Ky'a'nche' ama'kl awa'n .	<i>Traes tus herramientas por tí.</i>
Ta'n axh ky'a'nche' ama'kl.	<i>Por tí traes tus herramientas.</i>
Naxon aq'un qa'n .	<i>Avanza el trabajo por nosotros.</i>
Ta'n o' naxon aq'un.	<i>Por nosotros avanza el trabajo.</i>



Ten aj jamel ixi'n kya'nu' .	<i>Fue llevado el precio del maíz por ustedes.</i>
Ta'n e'u' ten aj jamel ixi'n.	<i>Por ustedes fue llevado el precio del maíz.</i>
Kyi naxon aq'un ita'n .	<i>El trabajo no avanza por ustedes.</i>
Ta'n axwoq kyi naxon aq'un.	<i>Por ustedes no avanza el trabajo.</i>
Ten ul si' kya'n .	<i>La leña fue traído por ellos.</i>
Kya'n e' ten ul si'.	<i>Por ellos fue traída la leña.</i>

: Te'j**Con**

Ye jun jilwutz yola'tz cho'n naxkon tan xtx'olche'n xo'l ye na'skyetz wunaqil natzane'tkyen b'anle'n e'ch taqle'n. Qachuse'qib' te'j tan tele'n qatxum tetz.

Elsawutzil:

Swe'j	conmigo
Tzawe'j	contigo
Te'ju'	con usted (Honorífico)
Te'j	con él, ella
Sqe'j	con nosotros
Tzite'j	con ustedes
Skye'ju'	con ustedes (trato con respeto)
Skye'j	con (ellos, ellas)

Puntil xkonse'n:

Xomkyen **swe'j** ye lqab'en tan xo'n.

Anda conmigo cuando vayamos a pasear.

Wab'na'kyen ntx'i' **tzawe'j** ye lchinb'en tpink.

Recomiendo mi perro contigo cuando vaya a la finca.

B'enqen Pla's **te'j** ta' tetz xq'jalab'.

Que vaya Francisco con papá de compañía.

Kyajqkyen ni' **sqe'j**, na wi'nin q'ej.

Que se quede el bebé con nosotros, porque hay mucho sol.

Kyajqkyen mu'xh pwoq **skyeju'**.

Que se quede un poco de dinero con ustedes.



Cho'nb'in at ye xhchej ta' Pal Loj **tzite'j**.

El caballo de don Gaspar Loj está con ustedes.

Cho'n najlij na' Lu'ch Mun **skye'j** tal.

La señora María Mun vive con sus hijos.

‡ Tuch'

Con

Ye jun yole'j ni'ku'n xkonse'n chitane'n ye jun yol ye nqil watlenchan, na cho'n naxkon tan talche'n ye na'tzun xomije't nqo na't atkyent jun wunaq, jun ma'kl nqo e'ch taqle'n. Qachuse'qib' te'j tan tele'n qatxum tetz.

Elsawutzil:

Swuch'	conmigo
Tzawuch'	contigo
Tuch'u'	con usted (Honorífico-trato con respeto)
Tuch'	con él, ella
Squch'	con nosotros
Tzituch'	con ustedes
Skyuch'u'	con ustedes (trato con respeto)
Skyuch'	con ellos, ellas

Puntit xkonse'n le jun xtxolb'il:

Nawaj lb'en Luch' Jaq'wutz **swuch** tan aq'un.

Quiero que vaya María Jaq'wutz conmigo a trabajar.

B'antku'n b'enqe'n Ko' Nit **tzawuch'** tan aq'un.

Es mejor que vaya Diego Nit contigo a trabajar.

Cho'n xqa'qe'n **tuch'** wuch' Chumpul.

Fuimos con mi amigo a Huehuetenango.

Natzatzin Wa'n Pla's **squch'**, na cho'n na'aq'uj xo'l anqs.

Está contento Juan Francisco con nosotros, porque está trabajando entre el ajo.

Chinxomoqnin **tzituch'** tan txukyín.

Me voy con ustedes a la casería.

Nawaj lchinnaje' **skyuch'u'**, na nachinpeq' te'j Kyi'l.

Quiero vivir con ustedes, porque amo a Micaela.



Cho'n at chin b'alaj lo'b'aj **skyuch'** e' Aj Toke'ntzi'n.
Hay muy buenas frutas con los del occidente.

⋮ **Switz/Swutz** *Que aquel otro*

Jaqajilon tib'aj jun yole'j tan talche'n na'skyetz ama'lil ate'kyent e'ch taqle'n, ncha'tz b'a'n naxkon tan talche'n ye sqawutzku'n nab'nix jun taqle'n. Ma jalu' qatxume' xkonse'n, tetz ma'lb'il te'j jun taqle'n tu junt.

Puntil xkonse'n le jun txolb'il:

B'antku'n waq'un jalu' **switz** ye jun b'anaqkyen.
Es mejor mi trabajo ahora que aquel otro que tenía.

Chin b'alajnin junt awexe'j **swutz** jun ye tx'axnaq.
Está mejor éste tu pantalón que aquel otro que perdiste.

B'antku'n lo'b'ajil jun q'inume'j **switz** ye junte'j.
Está mejor los frutos de este jocotal que aquel otro.

B'antku'n chusu'n jalchan **swutz** kwe'nq'ej.
Es mejor estudiar en la mañana que en la tarde.

| **B'antz/Cha'stzun** *Para que*

Ye jun jilwutz yola'tz wi'nin nachixkon tan chinuche'n e'ch jilwutz txolb'il qayol, tan lajluchaxe'n sqawutz ye b'i naqaj tan lajluchaxe'n xhchiwutz wunaq qale nab'aje't yol.

Puntil xkonse'n:

Qatzatzinq te'j qaq'un **b'antz** nsq'ilku'n lsuk'tib' sqawutz.
Apreciemos nuestro trabajo para que todo nos salga bien.

Q'ujku'n lqilej te'j ye qapu'q **cha'stzun** ljal qameb'i'ltz.
Ahorremos parte de nuestro dinero para que tengamos algunos bienes.

Tajwe'n ltz'ok b'anl qako'n qa'n **b'antz** jale'n qawa'.
Hay que abonar la milpa para que tengamos buena cosecha.

Qach'eye'qib' sqib'ilqib' **cha'stzun** lb'nix ye b'i'tz qajb'il.
Ayudémonos entre sí para que nuestro ideal sea realidad.



• Tetz

De él, a el

Ye e'ch yola'tz cho'n naxkon tan talche'n ye na'tzun taw e'ch taqle'n ye na'ok jatxle'n xo'l. B'a'n lqil kob'ox elsawutzil tan tele'n qatxum tetz ye xhe'n nab'an xkonse'n.

Elsawutzil:

Wetz	mío
Awetz	tuyo
Teru'	Suyo (Ud.-trato con respeto)
Tetz	de (él, ella)
Qetz	de nosotros
Itetz	de ustedes
Kyeru'	de ustedes (trato con respeto)
Kyetz	de (ellos, ellas)

Puntil xkonse'n le jun txolb'il:

Wetzte'tz ye jun ma'kle'j.	<i>Este instrumento es mío.</i>
¿ Awetz tzun ye ujule'j ye chin b'alajnin?	¿ <i>Este hermoso sembradío es tuyo?</i>
Tetz ku'n ni' ye lo'b'aj ye nmu'l wa'n.	<i>Es del niño toda la fruta que traje.</i>
¿La'qb'e'tzun e' qetz qawun?	¿ <i>Dónde está el ganado de nosotros?</i>
¿Na'ttzun nkxb'ene' titetz jalu'?	¿ <i>Adónde van ustedes hoy?</i>
¿Matzun kyeru' b'itzun chib'ane'u'?	¿ <i>Y ustedes que van a hacer?</i>

• Tib'

Así mismo

Ye jun txolb'ile'j i'tz jun pixh yol ye cho'n naxkon tan stz'ab'e'n nqo tan stz'aqse'n puntil jun tx'olb'il qayol, cha'stzuntetz nuch'e'ntib' te'j jun yol qale natajwit. Naxkon tan talche'n ye b'i nab'an jun wunaq stib'iltib'. Qile' kob'ox elsawutzil tan tele'n qatxum tetz.

Elsawutzil:

-Wib'	a mí mismo
-Awib'	a ti mismo
-Tib'u'	a usted mismo (trato con respeto)
-Tib'	así mismo
-Qib'	a nosotros mismos



- Itib' a ustedes mismos
- Skyib'u' a ustedes mismos (trato con respeto)
- kyib' ellos, ellas mismos (as)

Puntil xkonse'n le jun xtxolb'il:

Winin nanky'iky'lejwib' tan kyi nkwe'n tqab' e'ch kyichi' taqlé'n.
Yo me cuido a mí mismo para no caer en los vicios.

Tzawiltub'inawib' yaj, na nchinb'enwetz jalajky'en.
Te cuidas mucho a ti mismo, porque yo me voy al norte.

B'a'n naky'iky'lejtib' tel nitxa' xhchukl.
El niño sabe cuidarse así mismo.

B'a'n lqajoyqib' sju' k'a'yb'il ye qo b'ajx ltz'aj teru'.
Nos buscamos en la esquina del mercado si usted se adelanta.

Kyi ltzib'iywoqitib' tan aq'un, ma na toke'nku'n ltzib'an te'j.
No se esfuerce en ustedes mismos en el trabajo, hay que hacerlo con moderación.

Kyiltukyibu', na nqaje'nqetz Armit tan naja'n.
Se cuidan ustedes así mismo, porque nosotros nos iremos a vivir a la capital.

! Tib'aj/te'j Acerca de/sobre

Ye e'ch yola'tz cho'n naxkon ye na'ok b'anle'n tane'n nqo nab'ajij
yol te'j jun taqlé'n. Qile' xhe'n nab'an puntil xkonse'n.

Qajilonq tib'aj yol Qataj, na wi'nin ajtza'ql tk'u'l.
Hablemos acerca de la palabra de Dios, porque tiene muchos consejos.

Natzan xtx'ajle'n te'j til ye alq'om.
Están discutiendo sobre la sentencia del ladrón.

Cho'n nje' taq'le'n il tib'aj ajkaw.
Sobre el jefe echaron el delito.

Qapile' xkonse'n ye ja'a'w qa'n

- Che'qatx'ixpe'e'n le qetz qayol kyeqil e'ch xtxolb'il ye tz'ib'anche' le chiyol xhtya'n, le e'ch xtxolb'il ye lqatz'ib'ku'n, che'qachaje'ku'n tan jun X kyeqil e'ch yol ye nataltzaj: B'i' e'ch taqlé'n ye natal na'skyetz ama'lil ate'kyent (Sustantivo relacional).



- Los niños corren y saltan sobre la grama.

- ⋮ Mi amigo me regaló un libro.

- ⋮ El hombre fue aconsejado por su padre.

- ⋮ Si el hombre no toma buenas decisiones, se daña a si mismo.

- | La gallina murió de vejez.

- ⌋ Fui a pasear con todos mis amigos.

- ⋮ Trabajemos juntos para construir una mejor comunidad.

- ⋮ Los niños aman a sus padres.

- ⋮ Che'qatz'ib'eku'n chib'i' e'ch taqle'n ye na'skyetz ama'lil ate'kyent (sustantivo relacional) tan stz'aqse'nku'n e'ch yol le ama'l ye atkyen le e'ch xtxolb'il ye naqilku'n tzine'j.
- Cho'n xomij tel nitxa' _____ xtxu'.
- ⋮ Eqa'n tane'n tel ni' _____ tanub'.
- ⋮ Cho'n b'ajxij tel na' _____ wutzile'n ta'.
- ⋮ Jab'en xhchitol ta' b'anl tx'otx _____ ujul.
- | Cho'n xomnin ajyub' _____ e' kneru'.
- ⌋ Cho'n nab'nix chisok e' slu'q _____ tze'.
- ⋮ k'olchij na' _____ ka'l tan chemo'n.





O'LAJI'N XTXOLB'IL

NUCH'B'ILTETZ YOL

(CONJUNCIONES)

Ye e'ch **nuch'b'il yol**, ya'stzun e'ch jilwutz ne'xh stz'a'b'l yol ye cho'n nachixkon tan chinuch'e'n e'ch yol le jun xtxolb'il ye ni'ku'n e', chitane'n: **b'i' taqle'n tu junt b'i taqle'n** (sustantivo con sustantivo), **yukb'il txumu'n tu junt yukb'il txumu'n** (verbo con verbo), **ne'xh xtxolb'il tu e'ch lmaq xtxolb'il** (frases y oraciones). Ilenin kyeqil e'ch tel ne'xh stz'a'b'l yola'tz cho'n nachixkon txo'laq e'ch yol nqo e'ch jilwutz xtxolb'il ye naxkye' tan chinuch'e'n, ntin na at jun tx'aqajt ye cho'n nachixkonsij le junt ama'l xhchixo'l e'ch yol.

Ye e'ch jilwutz ne'xh yol ye nachixkon tetz nuch'b'iltetz e'ch jilwutz yol nqo xtxolb'il, cho'n nachixkonsij txo'laq tan nuch'e'n nqo tan witx'e'n xtxolb'il kyeqil e'ch yol ye naqaxkonsaj. Ejnin i'tz e'a'j:

Nin	y/también	Ncha'stzuntetz	por eso
Ejnin	y	Nqo ya'stzun	o acaso
Ncha'tz	también	Nqo i'tzun	o quisá
Cha'tznintz	también	Itutzun	pero
Cha'stzun	por eso	Ntintutzun	pero

At kob'oxt jilwutz puntil ye ni'ku'n e' ejnin nachixkon tan chinuch'e'n e'ch yol ye nachib'i'aj **Clíticos**, ye e'ch yola'tz cho'n nacho'k lak'b'a'n skye'j e'ch yukb'il txumu'n ye cho'n najilon te'j ka'p xtxolb'il ye nachiku' nuch'i'n, ejnin i'tz e'a'j:

Itzun b'antz	y/después/y sucedió así
Xhe'n	y/cómo/entonces
Ma jalu'	y/ahora



• **Nin/Ejnin** *También/y*

Ye e'ch yola'tz cho'n nachixkon tan nuch'e'n e'ch jilwutz yol tan talche'n ye b'intzijkunin jun taqlé'n, nachixkon kab'il xtxolb'il, ntintu' ye ka'p yol (**ejnin**) cho'n naxkonsij tetz stzajsb'ilwi' e'ch xtxolb'il ye nsqen b'aj qalol kyeqil e'ch tuch'.

Elsawutzil:

Jaqaqichin **ejnin** jache'qatx'aj e'ch b'e'chqetz.

Nos bañamos y lavamos nuestra ropa.

Ja'aq'lij chitx'otx' qatanum **ejnin** ncha'tz e'ch tu'jil.

Les dieron terreno a los paisanos y también sus escrituras.

Jaxhcha'q Pal tu Wa'n tan swili'n, **ejnin** jaxa'q chitaj.

Gaspar y Juan fueron a traer leña, y también su papá.

Nchib'en nitxa' tan xo'n **ejnin** tajwe'n lb'en chiwa' kya'n.

Los niños van de paseo y van a llevar comida.

Tzab'ene'n tk'a'yb'il, **ejnin** tzaloq' kob' qatx'uma'.

Ve al mercado y nos compras dos güisquiles.

• **Ncha'tz** *También*

Ye jun jilwutz yola'tz cho'n naxkon tan nuch'e'n e'ch yol le jun xtxolb'il ye jawi't b'ajij yol tib'aj, ejnin ni'ku'n tane'n tu ye jawi't b'ajij yol tib'aj.

Elsawutzil:

Ncha'tz jaxa'q ntaj tan loq'che'n waj.

También mi papá fue comprar tortillas.

Ncha'tz jab'en xomoq Pal te'j xtxu'.

También Gaspar se fue con su mamá.

Ncha'tz nim jamel jun wakxh jalu'.

También los toros son muy caros ahora.

Jaxna'q tan tz'akib', **ncha'tz** itetz tajwe'n xb'en.

Fuí a curarme, también ustedes deben de ir.



⋮ **Cha'stzuntetz** *Por eso*

Naxkon tan stz'ab'e'n wi' jun txumu'n ejnin tan chinuch'e'n yol le jun txolb'il.

Elsawutzil:

Jatx'akon Wa'n te'j tanqtz, **cha'stzuntetz** nachitzatzin tu najal.
Juan ganó por su ajo, por eso esta feliz con su familia.

Yab'i'xh Ixhmukane, **cha'stzuntetz** kyi nmu'l tan chusu'n.
Ixhmukane está enferma, por eso no vino a la escuela.

Tenky'ixpij Saqb'e', **cha'stzuntetz** kyi opon tan aq'un ewt.
Saqb'e' se accidentó, por eso no llegó a trabajar ayer.

Kyi oknaq Lu'ch tan chusu'n, **cha'stzuntetz** kyi na'a'w si'le'n u'j ta'n.
María no estudió, por eso no sabe leer y escribir.

⋮ **nqo** *o/acaso*

Ye jun yola'tz cho'n naxkon tan siky'leje'n jun taqle'n txo'l kob' txumu'n ye na'skyetz naqaj tan b'anle'n tane'n. Ncha'tz naxkon tan talche'n jun yol ye at kob'k'ulal te'j.

Elsawutzil:

¿Nxhb'enpe' tan chusu'n, **nqo** cho'n nxhb'en tan saja'ch?
¿Vas a estudiar, o vas a jugar?

¿Nxhb'enpe' achukl, **nqo** nqab'en qakab'il?
¿Vas a ir solo, o vamos los dos?

¿Xhchukltzun tz'ul, **nqo** ala'tzun chixone'n?
¿Viene solo, o son varios?

¿Kxheleponpe' swutz, **nqo** kyi'ktzun tama'lil?
¿Vas a poder, o no tienes tiempo?

| **Ntintu'** *Pero*

I'tz jun yol ye kyi't naxkon qa'n txo'l qayol tanpaj junt yol naxkon qa'n, cho'n naxkon tan talche'n ye kyikuninb'atz kyi ltz'elku'n te'j, nqo kyi lxkye' te'j.



Elsawutzil:

Jasaj talol Wa'n Xhep jun stzib'lal swetz, **ntintu'** na ja'el te'j nk'u'l.
Juan José me dio un recado, pero se me olvidó.

Jaxqa'qtzaj tan ajoyle'n, **ntintu'** na kyi nmo'k qak'ojlol jopb'il stzi'
aka'l. Fuimos a buscarte, pero no tocamos la puerta de tu casa.

B'anqlo' jun yaje'j, **ntintu'** na kyi na'elku'n te'j taq'un.
Fuera bueno este hombre, pero no cumple con su trabajo.

B'anqlo' lchinb'en, **ntintu'** na txa'n chinwan.
Fuera bueno que yo vaya, pero no he comido.

‡ **Qalena'stzun ejnin nsqen** *entonces y después*

Ye jun yola'tz cho'n naxkon tan talche'n junt taqle'n tib'aj jun
txxolb'il ye jawi't b'ajij yol tib'aj tan stz'aqse'nku'n jun txumu'n.

Elsawutzil:

Jalentszun stzaje'n wi' chiyoltz, **qalena'stzun** e' xe'te'ntz tan aq'un.
Terminaron de platicar, y después empezaron a trabajar .

Jale'nku'n b'nixe'n ye taq'un, **qalena'stzun** taje'ntz xeka'l.
Terminó su trabajo, y después se fue a su casa.

Ye tiky'e'n paj tan saja'ch, **qalena'stzun** jichine'ntz.
Se cansó de jugar, y después se fue a bañar.

Ye tiky'e'n paj ni' tan o'ql, **qalena'stzun** moxewe'ntz.
Se cansó de llorar, y después se calmó.

‡ **Ma jalu'** *y ahora/y entonces.*

Ye jun yola'tz cho'n naxkon tan nuch'e'n jun xxxolb'il ye nsqen
b'ajij yol te'j nqo wajtoq b'ajij yol tib'aj.

Elsawutzil:

Ma jalu', ¿Na'tzun nqab'ene't?. Y ahora, ¿ A dónde iremos?

Ma jalu' ¿B'itzun naqach'iw? Y ahora, ¿Qué estamos esperando?

Ma jalu', b'a'n lxhb'en tan chusu'n. Y ahora, puedes ir a estudiar.



Ma jalu', ¿B'itzun qabane'. Y ahora, ¿Qué vamos a hacer?.

Qapile' xkonse'n ye ja'a'w qa'n

- Qatx'ixpe'e'n le qayol kyeqil e'ch xtxolb'il ye najal qa'n tzine'j, ejnin che'qaxkonse' kyeqil e'ch jilwutz nuch'b'il yol ye jawi't che'qil, b'a'n lqatzib'ku'n le qu'j ye jujun ye qo kyi na'iky' tky'ajtib'.

Trabajemos y estudiemos todos los días.

No sé si voy a trabajar, o voy a descansar.

Hoy vamos a cortar frijoles, por eso nos levantamos temprano.

Primero terminamos el trabajo y después fuimos a comer.

No me dijiste que ibas a llegar, pero te ví.

La siembra está buena pero hay que cuidarla.

Saqb'uch estuvo nadando, después de correr.

- B'a'n lche'qatz'ib'ku'n kob'oxt xtxolb'il te'j e'ch jilwutz yol ye jaqachusun te'j le e'ch ama'l ye at tzine'j.





WAQLAJI'N XTXOLB'IL

STZ'AQSB'ILTETZ YOL (SUBORDINADORES)

Ye e'ch jilwutz ne'xh yola'tz, cho'n nachixkon tan stz'ab'e'n e'ch yol tan lajluchaxe'n jun ne'xh xtxolb'il le junt xtxolb'il (oración) ye natzan xtx'olche'n xo'l. Ye e'ch jilwutz xtxolb'il ye naxkon txo'l junt xtxolb'il tan lajluchaxe'n ye b'i'tz natzan yolche'n nab'i'aj: **Ye naxkon tetz junt** (dependientes), txo'l junt xtxolb'il **ye xhchukl nakawtib' nqo nab'antib'**, (independiente) na cho'n nachixkon tan stz'aqse'n e'ch yol le junt xtxolb'il tan lajluchaxe'n kyeqil e'ch tel jilwutz nqo stz'a'b'l yol ye nachixkonsij le jun xtxolb'ila'tz ye naxkon tetz junt, na ilenin nachilajluchax txo'l e'ch xtxolb'il qale tajwe'nkunin tan chixkone'n e'ch stz'ab'l yola'tz.

Tan qajsqel chiwutz na'skyetz e'ch stz'a'b'l yola'tz qile' kob'ox elsawutzila'j:

Tan, ye, niky', qo, nqo, ejnin, ejnin ninq.

• **Tan** *a*

Ye jun jilwutz stz'a'b'l yol, cho'n naxkon tan stz'aqse'n xtxolb'ilil yol xhchixlajaq e'ch wi'tz xe' yukb'il txumu'n. Tan ye jun yola'tz, ye qo i'tz jun yukb'il txumu'n ye cho'n nab'aj twi' junt, cho'ntzun nalajluchaxtz txo'l e'ch yol chitane'n **jun taqle'n** (objeto), ncha'tz at nab'antku'n na'ok tetz **jun ye nab'ajij yol te'j** (sujeto) ye qo i'tz jun yukb'il txumu'n ye xhchukl te'j (verbo intransitivo).

Elsawutzil:

Nataj xiky [lb'en **tan** jichi'n stzi'a'].

El niño quiere ir a nadar en el río.

Ja'el te'j nk'u'l [**tan** talche'n tzawetz].

Se me olvidó decírtelo.

Ja'atxum [**tan** awewalawib'].

Pensaste en esconderte.



Akxha'qnaq [tan saja'ch xhchixo'l e' awuch']. *Fuiste a jugar con tus compañeros.*

Nxna'qnaq skyuch' e' wuch' [tan tiky'le'n si' xo'ltze'].
Fui con mis compañeros a traer leña en la montaña.

Natxumu'n taj Lu' [tan taq'le'n xhchusu'n].
El papá de Pedro está pensando darle estudio.

⋮ **Ye** *cuando*

Ye jun yola'tz naxkon tan xe'tze'nku'n jun tel ne'xh txolb'il le jun yub'sb'il te'j yol; ye na'elepone't naxkye' tan stz'ab'e'n e'ch yol le jun txolb'il ye natzan tan talche'n ye b'i i'il natzan yol te'j ye b'i nabajij tenxhchan.

At nab'antku'n ye naxkon jujun xhtir ye yol (Niky') qa'n tetz xel ye yol (ye) cho'n naxom te'j ye puntil e'ch txolb'il ye qayol ye qo tzantzajtlen lb'ajij e'ch taqle'n tane'n.

Elsawutzil:

• Nab'itzin xun, [ye topone'n tel titz'un].
La muchacha estaba cantando, cuando llegó su hermanito.

⋮ Kyib'in wetz, [ye kyopone'n e' wuch' tan njoyle'n].
Yo no estaba cuando llegaron mis compañeros a buscarme.

⋮ B'enaqnin Ixmukane' tan watl, [ye topone'n chmil].
Ixmukane' estaba durmiendo, cuando llegó su marido.

⋮ Naqatzan tan ojqe'l, [ye je'n trimpuj xo'l k'ub'].
Estábamos corriendo, cuando cayó entre las piedras.

| Stoye' na' jun asa'chb'il, [niky' ye ltzopon xeka'l].
Mamá te regalará un juguete, cuando llegue a la casa.

⋮ **Qo** *si/si no*

Ye jun yola'tz cho'n naxkon tan nuch'e'n jun txolb'il ye tajwe'n tan tele'nku'n te'j. Ye jun jilwutz yola'tz naxkon tan stz'ab'e'n yol le jun txolb'il ye tajwe'nku'n ltz'elku'n te'j tan b'nixe'n tane'n ye junt txolb'il.



Elsawutzil:

- [Qo lkxomnin swe'j], swaq'e' jun ale'.
Si te vas conmigo, te regalaré una golosina.
- : [Qo kyi tu kxtzankyentu'], staq'e' Tina jun asa'chb'il.
Tina te regalará un juguete si no haces travesuras.
- : [Qo lxhaq'uj], sjaloq apu'q.
Si trabajas tendrás dinero.
- : [Qo wi'nin kxhwan], sjaloq ak'atzaj.
Si comes mucho engordarás.
- | [Qo buch xhk'as], kyi lkxhwanin jalchan.
Si te levantas tarde no comerás en el desayuno.

| Ninq Si hubiera/ojalá

Ye junt jilwutz yola'tz, cho'n naxkon tan nuch'e'n jun txolb'il ye jawi't elku'n te'j ejnin jawi't iky' til, b'uchtlen qaskatku'nqib' tanpaj ye kyi njoylij puntil tan kyi b'nixe'n jun taqle'na'tz. Ncha'tz naxkon tan talche'n jun taqle'n ye sb'ajoq tzantzaj.

Qile' kob'ox elsawutzil:

- [Ninq a'w ky'iky'le'n ni' qa'n], kyiqló' yab'tij.
Si hubieramos cuidado al bebé, no se habría enfermado.
- : [Ninq awal sqetz], tenqlo' qu'laq tan ach'eye'n.
Si nos hubieras dicho, hubieramos venido a ayudarte.
- : B'a'nqlo' atit qatnumil, [ye ninq naqaq'ujlen qakyeqil].
Nuestro pueblo estuviera mejor si todos trabajáramos.
- : [Ninq lqaxom te'j e'ch b'alaj taqle'n], kyi'kqlo' il ltz'ikyopon qa'n.
Si hiciéramos bien las cosas, no sufriríamos las consecuencias.
- | [Ninq napujlij xo'l e'ch b'ano'nib'], kyiqló' najal e'ch oyintzi'.
Si se buscara solución a los problemas, se evitarían las guerras.

Qapile' xkonse'n ye ja'a'w qa'n

- Qasi'le' ye jun txolb'il ye at tzine'j, qajoye' e'ch jilwutz stz'aqsb'il yol txo'l (subordinadores), ejnin oqen techl jujun qa'n. Qajoye'



kob'ox txolb'il qale lchixkone't e'ch yola'tz qa'n le ama'l ye atkyen tzaq' ye jun txolb'ile'j.

JUN TXOLB'IL TETZ YE TX'OTX'

Ye tx'otx' nataq' kyeqil e'ch jilwutz taqle'n ye b'iku'n tajwe'n sqetz, nataq' qawa', nataq' qak'a', nataq' e'ch jilwutz xtze', itzaj ejnin tirku'n e'ch jilwutz taqle'n ye nab'aj qa'n. Ye ninq naqo'k tan b'anle'n b'a'n tetz chin b'alajninqlo'.

Te'j ye jun txolb'ile'j chin tajwe'nkuninglo' ye lqab'an ye b'i'tz nachib'an e' qaky'e'x tentz, ye wi'nin nacho'k tan ky'iky'le'n wichitx'otx', atkunin puntil ejnin xhchi'il xkonse'n ye tx'otx' kya'n, na b'ajx nachijaq ama'l tetz Qataj tan xkonse'n ye e'ch ama'l nq'e'tz tuning nachitzantu' tan aq'un witx'otx' chinaqab'an qetz jalu'.

Ntyoxtu' b'ina'tz tetz ye tx'otx' ye aq'ijtkyen tan Qataj, na xikyijcho' ta'n jun q'ejnintunin. Ntintu' ye jalu' or sb'an ye ltzaj ye jun meb'i'la'tz tqaq'ab' tanpaj ye kyi't naqo'k il tan b'anle'n b'a'n tetz, na kyi't nab'en b'anl ye tx'otx' qa'n, cha'stzentetz tzan tele'nku'n swutz tanpaj ye b'ichkuntunin e'ch tz'ak'b'ilil naxkon qa'n tib'aj ejnin tzan kyime'n b'anl tx'otx' ta'n.

Qajoye' puntil stz'ake'n ye qatx'otx' b'antz kyi ljal sotzak'u'lal skyetz e' qanitxa' tzantzaj.

∴ Qatz'ib'e' kob'ox txolb'il le ama'l ye atkyen tzine'j te'j e'ch stz'aqsb'il yol ye nchijal qa'n.



JUQLAJI'N XTXOLB'IL

KA'WLIL TAN STZ'IBE'N QAYOL (REGLAS DE ESCRITURA)

Wi'nin plojil qayol najal ta'n ye ajtz'ib' ye na'ok tan stz'ib'e'n qayol, cho'n najal te'j ye puntil stz'ib'e'n ye jujun yol ye nachixkon qa'n, at nab'antku'n ye nq'era'tz puntil nab'an chixkonse'n e'ch techl tz'ib'a'n qa'n, na atlenkunin puntil ejnin xtxolb'il xkonse'n ye jujun yol, na nq'e'tz tu natzantu', na atlenkunin e'ch tel jilwutz weq ye e'ch yol ye jawi't che'qil ejnin xhe'n nab'an xkonse'n.

Kyi lajluch nqo kyi techtib' e'ch jilwutz plojila'tz ye naqajilon te'j, na kyi naqo'k tan b'anle'n tane'n yol junt quch', na xomcho'kyentu' te'j ye b'i'tz nma'w qa'n xeqaka'l ye nqach'uy, ntintu' na at nab'antku'n ye at jujun yol ye kyi nalajluchax yolche'n qa'n nqo nq'era'tz nab'an puntil yolche'n, pona ye tzan xhch'uye'n ye jun wunaqa'tz tzan nuk'ultib' puntil ye jilon.

Tan stz'ib'e'n qayol npe'nin sq'il, at mu'xh xtxintxal na at e'ch jilwutz xtxolb'il ye tajwe'n xkon qa'n tan tele'n xtxum ajsi'lanl tetz, na at puntil ye xhe'n stz'ib'e'n ye jujun yol ejnin b'i e'ch jilwutz techlil ejnin nuch'bilil tetz ye naxkon tan tele'n qatxum tetz ye b'i'tz natzan xtxole'n le jun u'j ye tz'ib'a'nt, b'antz tan tele'n xtxum ye ajsi'lanl u'j tetz tan lajluchaxe'n swutz ye b'i'tz natzan yol tib'aj.

Ye qajb'il le jun xtxolb'ile'j le qetz qayol, i'tz tan ta'we'n qa'n ejnin tan tele'n qatxum tetz ye e'ch jilwutz techl ejnin teb'lal yol ye tajwe'n chixkon qa'n, ejnin i'tz e'a'j: Xhe'n nab'an ejnin tona' xkonse'n ye **jun tel tz'ite'** (punto), ye **kob' tz'ite'** (dos puntos), ye e'ch tz'ite' ye nachiku' txoli'n (puntos suspensivos), ye jun tel **Tz'ite' ye at je'** (coma), ye jun tel **tz'ite' ye at je' ejnin at jun tz'ite' twi'** (punto y coma), ye **jopb'il te'j jun yol** (el parentesis), ye e'ch **Tz'ite' ye at chije'** (comillas), ye jun tel **xhqite'** (guión), xkonse'n **maq'b'il yol** (saltillo), **lmaq techl tz'ib'a'n** (mayusculas).



• **Puntil xkonse'n ye jun tel tz'ite' (.)** *Uso del punto.*

Ye jun techla'tz cho'n naxkon tan jatxle'n xo'l jun txolb'il ye natzan tan taq'le'n jun txumu'n ye chin lajluchkunin na'el qatxum tetz ye b'i'tz natzan yol tib'aj. Nalajluchax ta'n ye jawi't tzajwi' jun k'olaj qayol ejnin b'a'n lqiky' te'j junt txolb'il.

Elsawutzil:

Ye chib'nixe'n e' wunaq ta'n Qataj, kob'oxintzi' yob' chi'itz'ajb'il aq'lij Pona ye yaj, tan ye tetz txumu'n ye aq'lij, jajoy i' puntil tan b'anle'n ye ka'l tan kololtib' txe'; tq'ab' ab'al, tq'ab' che'w, ejnin tq'ab' q'ej Cha'stzun tetz nab'en xhqon chinaja'n wixtx'otx'.

Kob'oxt elsawutzil:

Cho'n wi'tz'e'n wetz Armit. Ma e' ntaj cho'n kyi'tz'e'n Chumpul. Yo nací en Guatemala. Mis padres en Huehuetenango.

*Chin b'alajnin naja'n le tnum ye nab'i'aj Xelu'.
Quetzaltenango es un bonito pueblo para vivir.*

Ncha'tz ye jun tel **tz'ite'** techla'tz naxkonsij swutz e'ch tajlal b'i'aj.

Elsawutzil:

Chib'i' e' nitxa' ye kyi mb'nix kyaq'un kya'n le chusu'nb'il:

1. *Pal Colyo'*
2. *Wa'n Xhmun*
3. *Lu'ch Pel*
4. *Kyel Xhep*

⋮ **Puntil xkonse'n ye kob' tel tz'ite' (:)** *Uso de Dos puntos*

Ye jun techla'tz cho'n naxkonsij te'j ka'p tx'aqaj txolb'il tan lajluchaxe'n ye b'ajx tx'aqaj txolb'il; na cho'n naku' txo'l ye kob' txolb'ila'tz tan lajluchaxe'n ye b'i'tz na'ajwij tan talche'n cha'stzun naxkonsij ye kob' tel tz'ite'a'tz.

Elsawutzil:

Ye e' kmon qatanum nachib'i'aj maya, tantu' ye ate' ala' jilwutz ne'xh kmon ye nachib'i'aj; K'iche', Qaqchiquel, Mam, Awakateko ejnin ate' kob'oxt.



Ye e' nitxa' ye chin b'alajnin e' tan chusu'n i'tz: Wa'n, Cha'n, Lu'ch ejnin Pla's.

Ye e'ch jilwutz lo'b'aj ye najal le qatnumil i'tz: marus, laranch, ptz'um, q'inum ejnin ajatze'n.

‡ **Puntil xkonse'n ye e'ch tel tz'ite' ye nachiku' txoli'n**
(...) *Puntos suspensivos*

Ye e'ch tel tz'ite'a'tz ye nachiku' txoli'n txo'l e'ch tz'ib'a'n, cho'n nachixkon tan talche'n ye tajwe'n lqatane' tan txole'n jun txolb'il ye at kab'ek'u'lal te'j, nqo xo'wl, tzatzi'n, b'is, o'ql, sak'pe'n ejnin at kob'ox.

Elsawutzil:

Nachinpeq' tzawe'j... kyi nawil nb'itzuntz...

Nakxhb'en tan aq'un... me aq'uninpetzun naxab'ane'tz...

Orqlo' kwaq'nin pwoq tzawetz... ntintu' me stz'a'woqpetzun xkose'ntz awa'n...

‡ **Puntil xkonse'n ye jun tel tz'ite' ye at je' (,) Coma**

Ye jun techl tz'ib'a'na'tz, cho'n naxkon tan jatxle'n xo'l e'ch yol ye nachib'i'aj: **chajb'il taqle'n, b'i' e'ch taqle'n, yukb'il txumu'n** ejnin e'ch **ne'xh txolb'ilil yol**.

Elsawutzil:

Ye e' chusu'l tetz wuqaqi'n yob' le b'ajx weq chusu'n ye nachib'i'aj: Pal, Wa'n, Lu'ch, Lu' ejnin Lexh, nchib'en tan chusu'n joylaj.

Ncha'tz b'an nachixkon txo'l jun tel ne'xh txolb'il tan lajluchaxe'n jun wunaq ye natzan yol tib'aj chitane'n:

Lu', kyi tu lkxontu' ye natzan ta'qle'n chusu'n le achusu'nb'il.

| **Puntil xkonse'n ye jun tel tz'ite' ye at je' ejnin at junt**
tz'ite' twi' (;) Punto y coma

Ye junt techla'tz cho'n naxkon tan jatxle'n xo'l jun tx'aqaj xo'l e'ch txolb'ilil ye qayol.



Qile' jun elsawutzil:

Chin meb'a'ninlo' tane'n najb'il Wa'n; pona masmuchkunin tane'n, nsq'ilnin molij ejnin nuky'ijche' e'ch taqle'n ta'n xeka'l.

¶ Puntil xkonse'n ye jopb'il te'j yol (()) El Paréntesis

Ye junt techla'tz, cho'n naxkon tan jople'n te'j jun yol le jun ne'xh nqo lmaq txolb'il ye na'ajwij tan lajluchaxe'n txo'l kyeqil e'ch tz'ib'a'n.

Elsawutzil:

Kyeqil e' wunaq xomche'nin wutzkok tan stz'amle'n (ye jun alq'oma'tz) ye cho'n toke'n jopoltib' xeka'l.

¶ Puntil xkonse'n ye e'ch tel tz'ite' ye at chije'

(" ") Comillas.

Ye jun tx'aqaj techla'tz cho'n naxkon tan lajluchaxe'n yol junt ajtz'ib' le jun txolb'il ye naqatzan tan xkonse'n nqo tan na'wse'n le qaq'un ye naqatzan tan stz'ib'e'n.

Elsawutzil:

" Ye b'alajil jun tnum, tzatzi'n ejnin ye loq'ib' ye at xhchixo'l e'ch lmaq tnum, cho'n tajlijkyen te'j ye b'alajil chichusu'n ye e' xiky ejnin e' xun le jun ama'la'tz".

¶ Puntil xkonse'n xhqite' (-) Uso del guión

Ye jun techl tzib'a'n ye nab'i'aj xhqite' (-), cho'n naxkon tan jatxle'n xo'l weq e'ch jilwutz yol. Ncha'tz naxkon tan talche'n ye kyi nb'ajku'n jun yol tanpaj kyi'kt ama'l tan stz'ib'e'nku'n le stzajsb'ilwi' ye jun txol.

Qapile' xhe'n nab'an xkonse'n:

- Sqa-ju-na-lin-le'n ca-da uno
- ⋮ Qa-tnu-mil nues-tro pue-blo.
- ⋮ Chi-jo-yonq bus-ca-rán.
- ⋮ Xhchi-ji-lonq ha-bla-rán.
- | Slaj-lu-chaxq se a-cla-ra-rá.



Puntl xkonse'n ye qo kyi nab'ajku'n jun yol le tzajsb'ilwi txol.

- Chikyeqilku'n e' **wu-naq** tajwe'n lchib'en
tan siky'le'n ajkaw
tetz tnum.
- : Qaxomoqnin skye'j **qa-taj** ye na'kuntu' **nacha'j-tnin** tan aq'un.
- : Ye naku'ul ab'al wi'nin
natxa'xin chiwutz **kye-qil** e'ch tel xtze'.

|| **Maqb'il yol (') Saltillo**

Ye jun techla'tz cho'n naxkon tan maqle'n tojqb'il ye qayol tan lajluchaxe'n ye b'i yolil naqatzan tan yolche'n, na qo kyi ltz'ok ye jun tel techla'tz qa'n qale tajwe'ne't kyi ltz'el qatxum tetz ye jujun yol na kyi'k weq ejnin lo'chal sb'ane'.

Qile' kob'ox elsawutzil:

*Wi'nin sich' nab'ajij tan peloti'n xhqalaj.
Qamole'qib' tan jale'n b'alaj taqle'n qa'n.
Wi'nin q'inum tuch' ky'e'x ta' Wa'n.*

|| **Puntl xkonse'n e'ch lmaq techl tz'ib'a'n.**

Uso de las letras mayúsculas.

Chin tajwe'nkunin ltz'a'w puntl xkonse'n e'ch lamq techl tz'ib'a'n qa'n ye naqo'k tan tz'ib'a'n. Tan ta'we'n xkonse'n qa'n npe'nin sq'il, tajwe'nkunin lqaxom te'j ala' jilwutz txolb'il nqo ka'wl ye sqile' tzine'j.

- Chin tajwe'nkunin lchixkon lmaq techl tz'ib'a'n qa'n ye naqaxe'tijkunin tan stz'ib'e'n jun txolb'il ejnin qale natzaje'twi' jun k'oloy yol qale naxkone't jun tel tz'ite' techl.



Elsawutzil:

Armit ya'stzun wetz ntanum. Cha'stzuntetz wi'nin nachintzatzin ta'n.

∴ Naxkon te'j chib'i' e' wunaq, ejnin e'ch jilwutz b'i' ama'l.

Elsawutzil:

Lu'ch, Wa'n, Paxh, Pla's, Chumpul, Xhch'e'n, Xelu'.

∴ Naxkon te'j e'ch b'ajx techl tz'ib'a'n te'j e'ch yol ye k'olsa'nt tqanil (abreviaturas). Ye ntin nachixkon qa'n le chiyol xhtya'n.

Elsawutzil:

Sr. (señor) Ud. (usted) Srta. (señorita) Dr. (doctor).

∴ Naxkon te'j chib'i' e'ch jilwutz lmaq ka'l.

Elsawutzil:

Tpilta', Kolb'il Pwoq, K'ayb'il, Ka'l tetz Kmoni'n, Ka'l Tyoxh, ejnin kob'ox.

| Naxkon te'j chib'i' e'ch jilwutz ama'l ejnin puntil e'ch ama'l.

Elsawutzil:

Stzijula', Wutzxhkanul, Stzi'pitz'puj a', Winima'.

⌋ Te'j b'i' e'ch jilwutz u'j tetz si'le'n chitane'n:

Elsawutzil:

*Ye Ox Alq'om Tx'olb'il Xo'l Chusu'n le Qayol
Ka'wl Tx'olol Xo'l Qayol.*

⌋ Naxkon te'j b'i' e'ch jilwutz q'ej nqo e'ch jilwutz latz' ye nab'ajj.

Elsawutzil:

Xa'nq'ej, Nimq'ej, Wutzchiq'ej Alma', Pask, Xe' Ak'aj Yob'.

⌋ Naxkon te'j e'ch b'ajx techl tzib'a'n te'j e'ch b'i'aj.

Elsawutzil:

P. L. Pla's Liks

P. Xh. Pal Xhmun

Y. X. Yan Xo'k

L. M. Lu'ch Mes



E'ch jilwutz Techl ye Na'aq'on Qulil Qayol

Signos de Entonación

At kob'ox jilwutz techl ye cho'n nachixkon tan lajluchaxe'n ye b'i na'ajwij nqo b'i nab'ajij, sqile' ye na't naxkone't ye jujun.

At jun tx'aqaj ye cho'n nachixkon **tan jaqle'n jun taqle'n** ye nachib'i'aj: "Signos de Interrogación" le chiyol xhtya'n. Ejnin at jun tx'aqajt ye cho'n nachixkon tetz **Ele'nyab' te'j jun taqle'n** "Signos de Admiración". Ye ya'tz e'a'j:

• **Puntl xkonse'n Techl tan jaqle'n jun taqle'n (¿?)**

Signos de interrogación

Ye e'ch techla'tz cho'n nachixkon tan jaqle'n jun taqle'n, na tan ye qulil yol ye naje' tx'ixpij, na'el qatxum tetz ye natzan jaqle'n jun taqle'n.

Elsawutzil:

¿Na'tzun najlkyixhe't?	¿Dónde vives?
¿B'i ab'i'?	¿Cómo te llamas?
¿B'i b'i' ataj?	¿Cómo se llama tu papá?

• **Techl tetz Eleyab'il te'j jun taqle'n ye naba'jij (!)**

Signos de Admiración

Ye junt jilwutz techla'tz cho'n nachixkon tan talche'n jun taqle'n ye naba'jij chitane'n: **sak'pe'n, eleyab'il, chi'chk'u'lal, xb'ajtzi'i'n, xky'aqli'n, nqo b'anle'n junt.**

Elsawutzil:

¡Ay cha'tzta'n, b'itzun nb'an!	¡Huy, pero que le pasó!
¡Xhq'ale'tlen!	¡Cobarde!
¡Chin b'alajnin!	¡Qué bello!
¡Chin xa'b'ilnin!	¡Qué desagradable!

Qapile' xkonse'n ye ja'a'w qa'n

- Qasi'le' jun txolb'ile'j le chiyol xhtya'n, ejnin qab'ane'ku'n e'ch jilwutz techl ye jawi't a'w qa'n chitane'n ye jun tel tz'ite', kob' tz'ite', e'ch tz'ite' ye at je', ejnin ye jun tel xhqite', txo'laq ye jujun

yol tan jale'n lo'chal si'le'n ye jun txolb'ila'tz. Kuqen qa'n tib'aj e'ch xhqite' ye at sju'aq jujun yol.

EL PERRO DE CAZA VIEJO

“Cierta perro de caza__que había trabajado mucho durante muchos años__volvióse viejo y achacoso__

Durante una batida de ciervos__ sucedióle ser el primero en dar alcance a uno de ellos__ hizo presa de una pata del animal, más sus débiles dientes no pudieron sujetarlo bien__ y así el ciervo volvió a escapar__

Encolerizado por ello el amo se puso a golpear al perro con el látigo__ el pobre can le dijo entonces con acento adolorido:

__Señor__ no peguéis a vuestro antiguo servidor__yo de buena gana os serviría como antes, pero me faltan las fuerzas__ si ahora no os soy de gran utilidad__ no olvidéis cuantos servicios os he prestado__

__No despreciemos a los ancianos por su flaqueza y falta de energía__ Acordémonos de cuan excelentes trabajos ejecutaron__ mientras tuvieron valor para ello”.

Fábula de Esopo

∴ Qatz'ib'e' ox txolb'il qale nachixkone't e'ch techl tan jaqle'n jun taqle'n (¿?), le ama'l ye ate'tz tzaq' ye txolb'ile'j.

∴ Qatz'ib'e' ox txolb'il qale nachixkone't e'ch techl tetz eleyab'il te'j e'ch taqle'n (¡!) le ama'l ye atkyen tzaq' ye txolb'ile'j.

÷
÷

- ⋮ Qatz'ib'e'ku'n le qu'j lajuj chib'i' wunaq ye naxe'tij tan lmaq techl
tz'ib'a'n, lajuj b'i' tnum, lajuj b'i lmaq tnum, ejnin lajuj b'i' e'ch
jilwutz ama'l tqatanum le qayol.

TX'OLB'IL XO'L E'CH YOL

B'AJX XTXOLB'IL: CAPITULO I

Techl Tz'ib'a'n	El alfabeto
Talma'tz'ib'	Vocales
Quliltz'ib'	Consonantes
Juy Tqaqnil Qulil	Cortas
Nim Tqanil Qulil	Prolongadas
Kyilnaqlentu' te'j Talche'n	Simples
Maqb'il Yol	Glotal o saltillo
At Maqb'il Yol te'j	Glotalizadas
Talma'tz'ib' juy Tqanil Qulil	Vocales cortas
Talma'tz'ib' nim Tqanil Qulil	Vocales Prolongadas
Quliltz'ib' ye Kyilnaqlentu' te'j si'le'n	Consonantes simples
Quliltz'ib' ye at Maqb'il Yol te'j	Consonantes Glotalizadas

KA'P XTXOLB'IL: CAPITULO II

B'i' e'ch Taqle'n	Sustantivos
B'i' e'ch Yol ye Natetzajkyen jun Taqle'n	Sustantivos según Posesión
B'i' e'ch Taqle'n ye Kob'ku'n Yol Eqa'n ta'n	Sustantivos Según Composición
B'i' e'ch Yol ye natal na'skyetz ama'lil ate'te'ch taqle'n	Sustantivos Relacionales
B'i' e'ch Yol ye natetzajkyen jun Taqle'n	Posesión Gramatical
Yol ye natetzajkyen	Poseivos
Xkonse'n Yol ye natetzajkyen b'i' e'ch Taqle'n	Uso de posesivos en Sustantivos
Kyi Tetza'nt	No Poseídos
Tetza'nt	Poseídos
Tajlal Wunaq nana'wsij le jun txolb'il	Persona Gramatical
E' Wunaq ejnin Tajlal qale Ate'kyent	Persona y No Gramatical
Xhchukl	Singular
Ala' Xone'n	Plural
Jatxb'il Xo'l B'i' e'ch Taqle'n	Clases de Sustantivos
B'i' e'ch Taqle'n ye na'ok Stz'a'b'l	Sustantivos Agregativos
B'i' e'ch Taqle'n ye kyi Naxtx'ixpe'ntib'	Sustantivos Invariables
B'i' e'ch Taqle'n ye ilenin Tetza'ntkyen	Sustantivos Siempre Poseídos
B'i' e'ch Taqle'n ye kyi Natetzajkyen	Sustantivos Nunca Poseídos

..
...

B'í e'ch Yol ye Natx'ixpij xe' e'ch yol ta'n	Sustantivos Supletivos
B'í e'ch Taqle'n ye kob'ku'n Yol chinuch'í nkyib' tan Talche'n chib'í'	Sustantivos compuestos
B'í Taqle'n ye na'ok Tetzaje'n	Sustantivos Poseídos
Jilwutz Yol ye kob'ku'n Naxkon tan talche'n b'í e'ch Taqle'n	Sustantivos complejos
B'í ye chib'í e'ch Taqle'n	Sustantivos de sustantivos
B'í ejnin chib'í e'ch Taqle'n	Sustantivos más sustantivos

TOXI'N XTXOLB'IL: CAPÍTULO III

Xel B'í'aj	Pronombres
Xel B'í'aj ye k'u'la'ntib' ye naxkon	Pronombres Independientes o Personales

KYAJI'N XTXOLB'IL: CAPÍTULO IV

Chajol Yol	Artículos o Determinantes
Chajol Yol ye ajtzqe'n wutz qa'n	Artículo definido
Puntil Xkonse'n	Aplicación
Chajol Yol ye kyi ajtzqe'n wutz qa'n	Artículo Indefinido

TO'N XTXOLB'IL: CAPÍTULO V

Tajlal	Números
Tajlal xone'n	Números Cardinales
Txe' nqo Xe'	Se Considera como Principio de la Nada
Anq'ín, Tquj Ama'l	Tiempo
Ma'lanl tk'u'l Tquj	Marcador de tiempo
Wunaq, Junaq	Es la Base de Veinte al Contar en Veintena
K'al	Significa Amarre, Cantidad grande de 400 en 400
Mutx'	Significa Constelación Cantidad grande de 8,000 en 8,000
Tajlal tul Txoli'n	Números Ordinales
Tajlal Jatx nqo Jatde'n Tajlal	Números Distributivos
Ajla'n tk'u'l Anq'ín nqo tquj ejnin Jatde'n Xo'l b'í e'ch Taqle'n	Conteo de Tiempo y Distribución de Sustantivos
Weq nqo Stz'a'b'l Xe'tzb'il Yol	Prefijos
Weq nqo Stz'a'b'l Txo'laq Yol	Afijos
Weq nqo Stz'a'b'l Stzajsb'ilwi' Yol	Sufijos

WUQAQI'N XTXOLB'IL:	CAPÍTULO VI
Chajb'il Taqlé'n	Adjetivos
Xhe'n Tané'n	Cualidades
Wí'nion Tajtza'ql	Inteligente
Chin b'alajnin	Altruista
Jilwutz Chajb'il taqlé'n	Clases de Adjetivos
Patxpax	Enfriar o endurecer
Pitz'puj	Salado
Pixhpuj	Tacaño
Tiptuj	Sabor de fruta tierna, desagradable

JUQI'N XTXOLB'IL:	CAPÍTULO VII
Chajb'il Tqanil	Demostrativos
Chajb'il Taqlé'n nin Cahjb'il Xo'l tqanil	Adjetivo Demostrativo

WAJXAQI'N XTXOLB'IL	CAPÍTULO VIII
Yukb'il Txumu'n	Verbos
B'í' Juna'tz ye nab'ajij yol tib'aj	Sujeto
Taqlé'n	Objeto
B'ajx Wunaq	Primera Persona
Ka'p Wunaq	Segunda Persona
Toxi'n wunaq	Tercera Persona
Yukb'il Txumu'n ye Xhchukl te'j	Verbo Intransitivo
Yukb'il Txumu'n ye nab'aj Twi' junt	Verbo Transitivo
Tenxhchan	Pasado
Jalu'	Presente
Tzantzaj	Futuro
Tona' Ibajij/Nin e'ch Jilwutz yukb'il Txumu'n	Tiempo/ Aspecto en los Verbos
Jab'nixkyen tane'n	Completivo/ culminado
Txa'n b'nixku'n, Ana' natzan b'anle'n	Incompletivo
Txa'n ok b'anle'n ana' natzan txumu'n te'j	Potencial
Natzan b'anle'n jalku'n	Progresivo
Yukb'il Txumu'n ye naxchaj na't nacha'jtnin e'ch taqlé'n	Movimiento y Dirección
Puntil Yukb'il Txumu'n	Modo Verbal
Kawu'n tan Banle'n	El Imperativo
Talche'nin	Exhortativo
Tajb'il tan Bnixé'n	Desiderativo



BELUJI'N XTXOLB'IL:	CAPÍTULO IX
Chajb'iltetz Yol	Estativos
Chajb'il na'tzun najilone't	Sujeto de un Estativo
Xhe'n tane'n	Posicional
Chajb'il Yol xhe'n tane'n	Estativo Posicional

LAJUJI'N XTXOLB'IL:	CAPÍTULO X
Yub'sb'il te'j Yol	Adverbios
Yub'sb'il te'j Yol tetz Tquji'n	Adverbio de Tiempo
Yub'sb'il te'j Yol le jun Ama'l	Adverbio de Lugar
Yub'sb'il te'j Yol ye xhe'n Tane'n	Adverbio de Modo
Yub'sb'il te'j Yol tetz Kab'ek'u'lal	Adverbio de Duda
Yub'sb'il te'j Yol tan B'ixb'aje'n jun taqle'n	Adverbio de Afirmación
Yub'sb'il te'j Yol ye kyi nataq'kyen te'j	Adverbio de Negación

JUNLAJI'N XTXOLB'IL	CAPÍTULO XI
Q'ab' xe' e'ch Yol	Derivación de Palabras
Q'ab' Xe' B'i' e'ch taqle'n	Derivación de Sustantivos
Na'tzun natzan tan b'anle'n	Agentivo
Najb'il sitnaqit wunaq	Gentilicio
Ma'klb'il le jun Ama'l	Instrumental Locativo
Q'ab' Yol ye na'eltzaj te'j e'ch chajb'il taqle'n	Derivación de Adjetivos
B'i' e'ch Taqle'n ye kyi Lajluch	Sustantivo abstracto
Ma'lanl te'j	Moderativo
Jib'el-Yub'el	Colores
Tijle'nil	Sabores
K'o'kal	Olores
Ma'lanl te'j b'alajil nin kyiwel wutz jun taqle'n	Superlativo
Q'ab' e'ch jilwutz tajlal	Derivación de Números
E'ch Yob' tetz Tzantzaj	Años Futuros
E'ch Yob' tetz Tenxhchan	Años Pasados
Jatxb'il xo'l e'ch Tajlal	Números distributivos
Q'ab' Yukb'il Txumu'n ye Xhchukl te'j	Derivación de Verbo Intransitivos
Puntil ye xhe'n tane'n Yukb'il Txumu'n	
ye Tz'aqnaq Ku'n	Participio Perfecto
Na'tzun nab'anon	Causativo
Q'ab' xe' Yukb'il Txumu'n ye nab'aj	
Twil junt	Derivación de Verbos Transitivos

B'i' taqlé'n ye at Yukb'il txumu'n te'j	Sustantivos Verbales
Kyi'k Stzajsb'ilwi'	Infinitivo
B'i' Taqlé'n Yukb'il txumu'n ye b'i nabajij te'j junt	Sustantivo Verbal Pasivo
Ye b'i nab'ajij te'j junt	Pasivos
Natx'ujtij te'j	Activo
Nab'en kuq twi' junt	Antipasivo
Q'ab' xe' e'ch Yol ye na't ate'kyent	Derivación de Posicionales
Chajb'il taqlé'n ye Xhe'n kytane'n	Adjetivo Posicional Estativo

KOBLAJI'N XTXOLB'IL: CAPÍTULO XII

Puntil Xtxolb'il Yol	La Oración
Yol ye nab'ajij tib'aj e'ch taqlé'n	Predicado
Jilwutz tajlal	Números
Junintzi' b'i' junatz ye nab'jij Yol te'j	Sujeto Simple (SSIM)
Ala' xone'n B'i'aj natzan Yol tib'aj	Sujeto Compuesto (S COM)
Lajluchku'n tane'n	Explícito
Kyi Techtib' ye qo at tso'l tuch'	Implícito
Yol ye nab'ajij tib'aj e'ch taqlé'n ye nq'e'tz Yukb'il Txumu'n e'	Predicado no Verbal (PNV)
Yol chajb'il te'j xhe'n tane'n e'ch Taqlé'n	Predicado Estativo (PE)
Na'tzun nab'aj tk'u'l e'ch taqlé'n	Objeto Directo (OD)
Na't na'ajwij lb'aje't e'ch taqlé'n	Objeto Indirecto (OI)
Xq'alab' Yol	Adjuntos (Adto)
E'ch jilwutz weql Qayol	Orden de los Principales Elementos de la Oración
Puntil Xkonse'n Xq'alab' Yol le jun Xtxolb'il	Orden de los Adjuntos en la Oración
Xq'alab'	Compañía
B'i nab'anon e'ch taqlé'n	Causa

OXLAJI'N XTXOLB'IL CAPÍTULO XIII

Qulil Yol	La voz
Kyilnaqlentu'	Directa
Xhe'n natx'ixpij qulil Yol	Cambio de Voz
Qulil Yol ye natx'ujtij	Voz Activa
Na'tzun nab'ajij Yol te'j	Sujeto / Agente
Na'tzun nb'aj T'k'u'l e'ch Taqlé'n	Objeto / Paciente
Qulil Yol ye nab'en kuq Twi' junt	La Voz Pasiva
Qulil Yol ye kyi nab'en kuq twi' junt	Voz Antipasiva



E'ch Yol tan jaqlé'n ye na'tzun nab'aj tk'u'l e'ch taqlé'n	Interrogación del sujeto
Yol naxkon tan tewe'n te'j na'skyetz i' natzan Yol te'j	Negación del sujeto
Yol naxkon tan talche'n ye b'intzijkunin na'skyetz.natzan yol te'j	Afirmación del Sujeto
Yol na'a'lontzaj ye na'tzun nayukantetz e'ch txumu'n ...	Antipasivo de Enfoque
Qulil yol ye kyi lajluch ye na't nab'en kuqt e'ch taqlé'n twi' junt	Antipasiva de Incorporación
Qulil Yol ye kyi nalajluchax ta'n ye na'tzun nab'aj tk'u'l e'ch taqlé'n	Antipasivo Absoluto
KYAJLAJI'N XTXOLB'IL	CAPÍTULO XIV
B'i' Yol ye nataltzaj na'skyetz Ama'lil ate'kyent e'ch Taqlé'n	Sustantivo Relacional
O'LAJI'N XTXOLB'IL	CAPÍTULO XV
Nuch'b'il Yol	Conjunciones
WAQLAJI'N XTXOLB'IL	CAPÍTULO XVI
Stz'aqsb'il Yol	Subordinadores
Naxkon tetz junt	Dependiente
Xhchukl nakawtib' nqo nab'antib'	Independiente
Jun txolb'il tetz ye Tx'otx'	Hablemos acerca de la Tierra
JUQLAJI'N XTXOLB'IL:	CAPÍTULO XVII
Ka'wlil tan Stz'ib'e'n Qayol	Reglas de Escritura
Xkonse'n e'ch jilwutz techl txo'l tz'ib'a'n	Uso de los signos de Puntuación.

E'CH U'J NXKON TAN B'ANLE'N BIBLIOGRAFÍA

- | | |
|--|---|
| B'aayil, Eduardo G. Pérez Vail (1998) | Gramática Pedagógica Mam. Guatemala: Universidad Rafael Landivar. |
| B'alam Q'uc', Eladio Mateo Toledo (1998) | Gramática Pedagógica Q'anjob'al. Guatemala: Universidad Rafael Landivar. |
| Comunidad Lingüística Awakateka (2001) | Vocabulario Awakateko. Academia de Lenguas Mayas de Guatemala ALMG. |
| Comunidad Lingüística Awakateka (2002) | Gramática Normativa Awakateko. Academia de Lenguas Mayas de Guatemala. ALMG. |
| Comunidad Lingüística Awakateka (2001) | Variación Dialectal Awakateko Chalchiteko. Academia de Lenguas Mayas de Guatemala ALMG. |
| Nora C. England y Stephen R. Elliott | Lecturas sobre la Lingüística Maya. (1990) Grupo Editorial Océano |
| José Luis Montreal
José M. Martí
y Carlos Gispert (1987) | Diccionario de la Lengua Española Océano. |
| Oscar de León Palacios (1985) | Idioma Español. Editorial Escolar de León Gamboa Sucesores Compañía Limitada. |
| Guillermo López Pérez
Gaspar Méndez López
y Matías Méndez (1999) | Diccionario Awakateko Chalchiteko. Proyecto Lingüístico Francisco Marroquín. PLFM. |